



BOSTON MEDICAL LIBRARY  
in the Francis A. Countway  
Library of Medicine ~ *Boston*



28/84



**GONORRHOEÆ**  
**VIRULENTÆ**  
**CURATIONES.**

GOVERNMENT  
OF THE DISTRICT  
OF COLUMBIA

22/6/69

VIRULENTAE  
GONORRHOEÆ  
SYMPTOMATA, NATURA,  
CAUSA & CURATIONES.

AUCTORE

GULIELMO COCKBURN,

MED. DOCTORE, & Societatis Regiæ  
in Britanniiis Socio.

Qui ipse ex Sermone Anglico in Latinum  
vertit.



LUGDUNI BATAVORUM,

Apud ISAACUM SEVERINUM, 1716.

THE NATIONAL ANTHROPOLOGICAL ARCHIVES

SMITHSONIAN INSTITUTION

WASHINGTON, D. C. 20560

1975



THE NATIONAL ANTHROPOLOGICAL ARCHIVES  
SMITHSONIAN INSTITUTION

*VIRO ERUDITISSIMO*  
**JOHANNI KEIL,**

M. D.

PROFESSORI ASTRONOMIÆ  
SAVILIANO  
IN UNIVERSITATE OXONIENSI,  
NEC NON  
REGIÆ SOCIETATIS SOCIO.



UM nihil unquam,  
Vir Clarissime, ad  
usum necessitatemque  
humani Generis sit  
commodius, idcirco  
nihil majori laude cumulandum  
\* 3 est,

## DEDICATIO.

est, nihil majori studio desiderandum, quam ut *Medici* ad talem in sua arte facultatem accedant, quæ proprias Morborum differentias (cum primum cœperint pullulascere) aliqua non sine certitudine eliceret, neque de *Re Medica* (ut Plurimi solent) sese satis meruisse opinentur, si curiosam tantum in conjecturando felicitatem sint assecuti.

Enimvero si unicuique *Morbo* insignis quædam nota, ad Naturam ejus in initio dijudicandam, a *Prudentia* fuisset inusta, tum ædè pol nec in periculo versaremur, ne perverso nonnunquam modo præscriptiones faciamus in principiis, nec ullo in metu, ne gravibus & improvisis Symptomatibus in processu ægritudinum offenderemur.

Illud

## DEDICATIO.

Illud quidem facile ab omnibus admittendum puto, quod, quo propius ad Mathematicæ demonstrationis evidentiam artis Medicæ canones accesserint, eo quoque cumulatiores fructus sunt ab iis in genus Hominum redundaturi.

*Mathesis* enim cæteris omnibus scientiis benevolo quasi animo lumen porrigit, & quicquid ardui in aliis Artibus aut obvii reperitur, pari cum gloria illustrat. Quinimo *Gonorrhæa*, *Variolæ*, Morbi-que ex aliis quamplurimi, qui, si ad Symptomata nos convertamus, judicia præ se ferunt manifestiora, si autem *Usum & Experientiam* consulamus, jam in salebra hære, ægreque a vicinis dignosci videntur: Hi, inquam, ad rationalem

## DEDICATIO.

Methodum & Demonstrativam re-  
dacti explicatu perfaciles inveniun-  
tur.

Quapropter neminem unquam  
mea, quæ in hoc genere studio-  
rum ponitur, industria Patronum  
potest aptiorem expectare, quam  
Te, *Vir Ornatissime*, cujus nomen  
eminet inter omnes homines in Me-  
dicinæ pariter & Mathematicæ dis-  
ciplinis: adeo ut nihil Mihi, fa-  
lutem humani Generis cupienti,  
optabilius esse ducam, quam quod  
Prior illa a meis laboribus diligen-  
tiaque tot capiat incrementa, quot  
a Tuo ingenio atque felicitate jam-  
dudum Altera perceperit.

Si quid igitur, in sequentis Ope-  
ris curriculo, præclari forte fuerit  
aliquando, id omne ad diuturnam  
ne-



## DEDICATIO.

necessitudinis nostræ rationem vel imprimis referendum puto.

Nos enim, quasi quadam Genii cognatione adducti, in eodem cogitandi, in eodem argumentandi, tramite processimus. Valde igitur vellem, ut diuturnitas Amicitiae nostræ Me, laudes tuas non ulterius in limine Operis prosequentem, excuset: vellem etiam uti eadem totum Opusculum commendet ad gratiam & benevolentiam tuam. Quocirca pro fucatis, quæ in hoc genere sermonis adhiberi solent, verborum blandimentis, aliud quippiam Tibi (compertum habeo) longe jucundius substituire properabo.

Atque primum profecto, quod a nostro *Gonorrhææ* examine dedu-

## DEDICATIO.

co, Corollarium erit, *ut datis alterius cujuscunque Morbi Symptomatibus, ejusdem etiam Natura ab iisdem plane modis, quibus nos usi ad Gonorrhœam pervenimus, erui atque explicari possit.*

Namque incredibilis utilitas, quam læti cernimus in nostra exercitatione; dum secretos alicujus unius Morbi fontes aperimus, non in istius limite consistit, sed longius dimanat, & ad ipsa aliorum Morborum penetralia sæpissime defertur. Enimvero genera Morborum tam mirabile vinculum inter se & veluti communionem quandam habent, ut idem lumen, quo unius natura profertur in conspectum, a proximi lumine crebro accendatur.

Iste

## DEDICATIO.

Iste Morbus , qui *Fluor Albus* vocitatur , sententiam nostram , generalem nempe Morborum cognitionem ex singulorum vestigiis pendere atque deduci , insigniter confirmat : quippe vires ejus & Curandi rationes crassioribus tenebris , quam quibus *Gonorrhœa* laboravit , obvolutæ latuerunt : quanquam autem ad officium meum non pertinebat , ut istas res nisi leviter & ex obliquo attingerem , attamen perquam comi consortio se immiscent explicationi *Gonorrhœæ* , & eodem quasi intuitu se exhibent intellectui. Similiter etiam quicunque Morbi Illi perstringunt ab eodem , cujus ope *Alvi Profluxum* evolvo , lemmate absolvuntur ; quique insuper in cutem externam incidunt ,

## DEDICATIO.

cidunt, a nostra circa *Variolas* Doctrina elici atque expediri possunt.

Tam admirabilem undique harmoniam, & colligatam quasi seriem, inter res omnes *Natura*, cum forte in sensus nostros incurrat, conservare deprehenditur.

Tamet si vero hujusmodi Rationes uberius manifestiusque ad Morborum, qui quotidie se sistunt ante oculos, explicationem referantur, tamen Morbi quoque, qui perraro cadunt sub manus Medicorum, quique eo pacto multorum aciem fugiunt, ad idem prorsus institutum reduci queant, utcunque obscuritas aliquantisper obstare videatur.

Adeo ut si nova quædam atque inaudita contagia inter homines  
for-

## DEDICATIO.

forte fortuna funderentur, Me persuasum habeam, hominem, qui ad Symptomata sola se confert advertenda comparandaque, ad naturam istorum & tandem medelam feliciter esse perventurum. At vero è contra nobis in mentem venit, hisce regulis neglectis aut parum compertis, omnem Morborum familiam per continua seculorum spatia sparsam fuisse & propagatam, neque tamen aliquid adhuc certi fuisse constitutum, a quo (tanquam indice) dirigeremur in judicando, quid cuiusque quotidianis etiam Morbis laboranti succurrere aut nocere possit. Prædicta autem ratio exercitationis ad ægritudinis prævidendæ prævertendæque magnificam Artem pedetentim  
nos

## DEDICATIO.

nos perducit, ad cuius gloriam omnes, qui per omnia æva Temporum exstiterunt, *Principes* in Medicina summo studio maximaque ambitione contenderunt.

*Hippocrates* hanc Facultatis suæ provinciam (uti suo prorsus ingenio sibi comparatam) ante omnia præ se fert.

\*,, Prævidere Morbos (inquit Ille) meæ omnino peritiæ est; neque enim Morbi de improvviso homines adoriuntur, sed sese intus agitantes sensim ingravescent, donec maturi tandem erumpunt, in humanum genus.

Atque profecto mala cogitandi & argumentandi ratio, qua *Viri* antehac usi sunt, qui ad hanc laudem aspira-

\* Lib. 1. De victus ratione pag. 34. Lib. 3. de Diata. pag. 369. Foef.

## DEDICATIO.

aspirarunt, eorum animos & diligentiam fefellit, prohibuitque, quominus ad nobilem hunc Medicinæ apicem assurgerent. E regione vero Anatomia, atque Oeconomia Animalis, latentis prius periculi signa præbet, corporis quam officia palam lædantur: quocirca, ducibus hisce facem præferentibus, secreta Morborum semina, & quasi igniculos intuemur, antequam pestes istæ gliscant & conflentur, & in perniciem corporis erumpant. Hæc mehercule vera est *Hippocratis*, aut Magistri ejus *Herodici* aut *Prodici Selymbriani Hygiene*, quæ Prophylacticarum simul & Syntereticarum studia complectitur.

Sicut igitur quo in vulgarium Morborum notitiam modo (perpen-

## DEDICATIO.

penfis ſc. Symptomatum momentis) delabimur, eodem prorsus etiam ad illos, qui raro apparent & nascuntur, perveniendum sit; ita pro certo habemus, remediorum quoque rationes (quæ, natura Morbi penitus explorata, libenter sese offerunt) tanto clariores in conspectu collocari, quo directiori quasi radio intuitus noster per totam curationis seriem propagetur.

Illud insuper admiratione nostra dignissimum est, quod præclara hujus generis Methodus, natura Morborum prius excussa atque perspecta, aditum deinceps nobis patefacit ad explicandam subtilitatem & vires Medicaminum. In quo enim sita est alicujus Medicamenti vis, nisi in eo, quod Facultatem



## DEDICATIO.

tatem radicitus ægritudinis evellendæ habeat? Radices vero, si non prius perspiciantur a prudentia, evelli certe nunquam possunt. Unde, quæso, nascitur diversus impetus, efficacia diversa Medicaminum, nisi ex variis ejusdem Facultatis gradibus, quæ per antedictam methodum è tenebris evocatur? Hinc demum ergo universas Medicaminum virtutes siue directas, siue obliquas, siue secundum se spectatas, siue inter se collatas, mirabilem in modum depromimus. consensu hoc autem scientiæ fastigio, deinde nobis est sistendum, neque enim ulterius progredi ingenio hominis conceditur.

Paucæ profecto Observationes ex hac parte feliciter factæ, fideliter-

\*\*

que

## DEDICATIO.

que enarratæ, Medicam facultatem ad absolutam perfectionem subito deducerent. E contrario autem diligentiam hominum incredibilem, quæ in qualitatibus manifestis, *Colore* nimirum, *Sapore*, *Tactu*, *Odore*, & similibus perpendendis occupata fuit, necnon eam quoque, quæ in Chymicis Experimentorum indagationibus consumpta fuit, omnem eo usque tantummodo valuisse vidimus, ut nonnullæ Rerum proprietates excitarentur, quæ in subitam earundem, a quibus struebantur, Hypothesium perniciem postmodum redundarunt.

Quod si per Theoriam Qualitatum Catholicam quoddam Pharmacum videatur excogitari posse, necesse tamen est, ut (respectu  
Tem-

## DEDICATIO.

Temporis saltem & Quantitatis adhibendæ) ei, quod supra posuimus, instituto prorsus subjiceretur; adeo ut Medicamenta, post summam singulorum hominum & Societatum solertiam atque studia, in eodem fere statu, rudi & inchoato, quem *Celsus* olim querebatur, jamjam permaneant. <sup>(a)</sup> „ His autem omnibus, inquit, simplicibus & permixtis varie utuntur Medici, ut magis, quid quisque persuaserit sibi, appareat, quam quid evidenter compererit.

Vacuum esset opus, si infinitos in Medicæ Praxeos curriculo, errores, ex hoc scientiæ quasi hiatu profectos, pervolvere aggrederer, atque ineptum, si Te vellem de iis ad-

\*\* 2 mo-

(a) Cap. 33. lib. 2. paragr. ult.

## DEDICATIO.

monere, qui Tuæ sagacitati se sæpenumero obtulerunt.

Itaque liceat demum illud, quod notatu dignissimum est, animadvertere, prudentiam ingenii ad nullum humanæ vitæ studium, quam ad Artis Medicæ usum, majoris momenti esse. Prudentia enim Morborum naturam, Curandi intentiones, Medicaminum vires, Administrandi rationes, opportunitatesque suppeditat. Prudentia denique est præcipuus Dux, & tanquam signifer eorum, qui in Medicinæ stadium descendunt.

*Sum cum omni Observantia &c.*

GULIELMUS COCKBURN.

PRÆ-

# PRÆFATIO.

**I**nsignes eorum hominum, qui de Natura Gonorrhœæ, atque Remediis, hucusque scriptitarunt, hallucinationes, necnon fœda sane atque lasciva conscribendi ratio, tantum apud Me valoris habuerunt, ut Ego etiam ea, quæ hoc de Argumento diu sum meditatus, in manus hominum effunderem. Atque equidem ut in hujus Morbi naturam, ejusque curandi rationem, rite percipiendam, prurientis animi fomite (quantum fieri potest) remoto, Lectores perducantur, Mihi potissimum curæ erit. Plurimæ enim, quæ de hac Re in publicum emanarunt, Dissertationes lascivientis potius Animi incendia excitasse, quam sana ad ipsam pestem extinguendam auxilia Juventuti ministrasse, videntur: adeo ut haud minus periculi ex hujusmodi libris ad mentes hominum, quam ad cor-

## P R Æ F A T I O.

*pora ex ipsa Contage profectum, sæpenu-  
mero deprehendamus. Quando autem quic-  
quid mali utraque ex parte advertitur,  
illud omne a sinceriori Gonorrhœæ exa-  
mine emendari possit, quod, nullis libi-  
dinis quasi facibus adhibitis, ad hujus  
Luis penetralia pariter atque Medelam  
viam patefaciet, tum quidem non me-  
tuendum est, quin tota, quæ a Bonis  
Viris concedi solet, Benevolentia Mibi  
etiam danda, qui ad tam honestam me-  
tam ausus sum aspirare. In quantis re-  
bus deficiant, quamque imparia prorsus  
sint tentamina, quæ in vulgus delapsa  
fuerunt, ea præsertim Medicinæ peri-  
tioribus innotuerunt, qui permulta in  
hac parte desiderari lugent, vehementer  
expetunt suppeditari.*

*Non est, ut singulos hujus generis er-  
rores Præfationis nostræ brevitatis ante-  
occupet, in sequentibus paginis sese ma-  
nifestius prodituros. Satis sit in præ-  
senti universim significare, vocabula,  
quæ in usu communi sunt, obscura esse,  
de-*

## P R Æ F A T I O.

*descriptions Rerum haud accurate confectas, vix unum ex omnibus Symptomatibus dilucide explicatum, Morbum denique ipsum tam mediocriter cognitum haberi, ut in totius Morbi locum Unius tantum Signi nomen supponatur. Ulterius igitur mirari desinamus, magis congruas curandi regulas exploratas non fuisse, cum fontes ipsi ejus Fluminumque progressus & decessus in abdito multum delitescant: ex quibus omnibus efficitur, exitum hujusce mali semper ambiguum, sæpenumero fatalem fore. Universas jam vero hasce hallucinationes in sequenti Tractatu non modo in apertum prolatas, sed etiam correctas penitus & emendatas fore confido. Cum novis Medicamentis novæ quoque Rationes excogitantur, a quibus deterrimæ Gonorrhœæ Vires, brevi tempore, absque ullo dolore, maximaque cum certitudine effractæ protinus evanescent. Quæ ad nuperum hujus Morbi in Terris partum & quasi incunabula attinent, Ego ab iis dedita opera*  
ab-

## P R Æ F A T I O.

*abstinui, utilius esse judicans, Naturam ejus Curandique Methodos aperire, quam in Rebus, tanta incertitudine implexis, hærere. Liceat igitur cum (a) Eudoxo in Fernelio consentire, atque concludere, De Origine haud magna contentione decertem, sed de illius Causa, de vi & Natura, ex qua Curandi ratio omnis ducenda.*

(a) de Abditis rerum Causis Cap. 14. Lib. 11.



# GONORRHOEÆ VIRULENTÆ, SYMPTOMATA, NATURA, CAUSA, ET CURATIONES.

## C A P. I.

### *Descriptio Gonorrhææ.*



LLA Contagis Venereæ Species, cui totam in præsentī nos operam damus, cum *Profluvio è Carne* in Sacris Literis (quæ antiquissima Medicinæ monumenta ætate multum superant) disertè delineato tantam secum similitudinem, & quasi cognationem, affert, ut Nomen etiam, quod *Profluvium* istud apud Græcos olim habuit, idem Contages nostra apud Recentēs Medicos, *Gonorrhæam* scilicet, fortiatur.

Attamen autem inter Eas plurimum Discriminis intercedit, tum quod hæc nostra Lues, tanquam Pestis, ab utroque Sexu spargitur & propagatur, tum etiam quod longè gravioribus Symptomatibus perstringitur; adeo ut tēriori Fœdæ seu *Virulentæ Gonorrhææ* titulo brevī notaretur.

Fluor albulo, flavo, aut viridi Colore per-  
A fusus,

fusus, cum ex Pene Marium erecto aut languido erumpens, tum ex Mulierum Vaginâ emanans, nullis Voluptatis stimulis alterutro excitatis, *Virulentam Gonorrhœam* indicat.

Hoc profectò Virus, Ægrotis sive vigilantibus seu dormientibus, pari ferè Undâ distillatur, tantisque insuper viribus tantâque acrimoniâ imbuitur, ut brevi tempore interjecto miseros, quos in cursu irrigat, Vaginæ aut Penis Meatus circumrodât, tantos dolorum quasi aculeos inter mingendum excitans, ut ex Medicis complures Vesicam Calculo potiùs percussam fuisse, quàm Canales istos secretâlanie vexatos primum fuerint suspicati, donec ex diverso, quem vidit Experientia, Symptomatum vultu diversam quoque Morborum speciem Medici Jampridem agnoscere didicerunt.

Ad Viros, hâc Ægitudine afflictos, Urethræ vellicatio immanem, cum Penis erigatur, dolorem affert, talemque ferè Sensum suscitât, qualis esset perceptus, si Membrum illud fune quodam circumligatum constrictim premere-tur.

Hujusmodi autem corrosivus Humor non tantum Vaginam atque Urethram, verum etiam cæteras quoque, quas transcurrit, Partes exagitat, adeoque Glandis & Fræni capita convellit, ut gravis aliquandò apud Urethræ extremitatem Hiatus pateat, & Glans *Perineum* versus retroducatur. Virus enim, sive in ipso Coitûs articulo, seu durante Effluxûs acrimoniâ, Impetiginem quandam præcreat, quæ fusiùs in  
Præ-

Præputium quàm Glandem expanditur, quæque formam *Cancris* præ se ferens, a Gallis Nostratibusque *Chancre* vocitatur.

Hæc *Carcinomata*, sive in Glandem sint sive Præputium porrecta, tantam plerumque crassitudinem inducunt, ut vel Præputium, quasi quibusdam Bursellæ Adstrigmentis contractum, tam immobili complexu totam Glandem comprehenderit, ut Hæc vix, & ne vix quidem, liberari possit; vel secus in Cervice consistens tam tenaciter adhærescit, ut ad Glandem obducendam protrahi non queat. Hæc Affectio a Græcis hominibus *Periphimosi*s, Prior illa *Phimosi*s nuncupatur: hæc autem Vocabula, cum aptissima sint, a Medicis, quotquot hoc de Argumento scripserunt, tum *Latinis*, tum *Recentibus* retinentur.

Quinimò tenues Vesiculæ, limpido atque translucido latice repletæ, in *Præputio* nunquam reperiuntur, quæ a Similitudine, quam ad Crystallum propter suam pellucidam Substantiam habent, *Crystallinorum* nomen attigerunt.

Similiter etiam in Mulieribus acris humor, è Vaginâ effluit, sphinctera istius aliasque, quas transgreditur, partes laceffit, atque inflammationem, graves æstus, acutos in reddendâ Urinâ dolores, atque incrustata Ulcuscula inducit. Cum autem Fœmineum Genus morbo quodam, cui nomen est *Fluor Albus*, sæpe afficiatur, qui & materiâ & colore & acrimoniâ, quâ Urina afficitur, *Gonorrhœæ* sit persimilis, itaque non solum magna Utilitas est; sed summa quoque

#### 4 GONORRHOEÆ VIRULENTÆ,

Medicis difficultas ambiguos hosce Morbos distinguendi, præsertim cum genera eorum curationisque rationes inter se fortassis plurimum sunt sejunctæ. Hanc verò Rem, quæ adeò adhuc difficilis fuit ad judicandum, ut experientia aciem crebrò fugerit, a me in sequenti *Tra-ctatu* explicari posse confido.

Quamquam hæc nostra *Gonorrhœæ* descriptio ità perspicua & pressa sit, ut nulla, quæ *Veneream Luem* consequuntur, Symptomata complectatur, tamen pro certo habemus præceptiones Medicorum circa Eam confusas fuisse & valdè perturbatas. Ex Iis enim (a) Primi nè in minimam quidem *Gonorrhœæ* mentionem per quadraginta annos inciderunt: Alii (b) tam dubiè atque hæsitanter locuti sunt, ut Eos aliam ullam *Gonorrhœæ* notitiam habuisse, quàm quòd ab Iis Signum *Venereæ Luis* & quasi Satelles putaretur, pro comperto dicere vix possumus; Cæteri verò *Gonorrhœam* esse quandam Morbi Gallici Pedisequam potius quam Præcursores autumabant, Originemque ejus duci a Semine, quod ex Receptaculis suis, cum primum depravetur, abundanti flumine erumpit.

Adeo ut si quid ab his Authoribus aut feliciter animadversum, aut fideliter traditum fuit, tum profecto *Veneream Luem* alio in Antiquis, atque

(a) *Sebast. Aquilanus; Nic. Leonicens. Nic. Massa. Natal. Montesaurus. Anton. Scanarolus. Jac. Catanens. Joan. Benedictus. Hieronym. Fracastorius &c. ad Ant. Musam Brasavolam.*

(b) *Gabr. Fallopius. Cap. 86. & cap. 100.*

(c) *Anton. Musa. Bernhard. Tomitanus. Prosp. Bargarutius. Alex. Trajan. Petronius. J. Fernelius. Leonard. Etallus. Guil. Rondeletius & alii.*

atque alio in nostris Temporibus modo propagatam haud injuriâ arbitrari possimus.

Cum verò hæ Tenebræ 40 tantum Annorum spatio incubuerunt, cumque ab eo usque tempore repetentes utrumque Morbum ex certis definitisque & inter se diversis rationibus procedere, *Gonorrhœam* scilicet (ut supra annuimus) ab impuro Coitu, *Luem* autem *Veneream* vel ex ipsâ *Gonorrhœâ*, vel ex *Carcinomate* imperite tractato, nasci deprehendimus, Quis equidem aliam tantæ in judicando incertitudinis, tantæ in significando obscuritatis inter Medicos causam esse putet, nisi incredibilem quandam difficultatem percipiendi Naturam, aut saltem exponendi indicia Pestis tam gravis & inauditæ?

Neque ædepol (ut verè dicam) hæc Caligo prorsus etiam in præsentī evanuit, verum Scriptorum jamjam memoratorum Auctoritas plurimum quoque ponderis in nostri Seculi Medicos hodie habet; quod in sequentis Dissertationis filo evidentius elucescet.

Ab his, quæ jam dicta sunt, manifesto consequimur, quod *Virulentæ Gonorrhœæ* Materies vel est (uti ex Veteribus, quotquot hunc Morbum perstrinxerunt, atque ex Recentioribus complures jam consentiunt) *Corruptio Seminis*: vel Pus Saniesque quædam in loco, ad quem Contagii causa perferri potest, generata: vel Liqueurum quorundam, qui a Naturâ comparantur, debitique in locis secernuntur, depravatio; vel *Carcinomatis* demum cum hac depravatione conjunctio.

## 6 GONORRHŒÆ VIRULENTÆ,

Sed ut quæ sit Materia *Gonorrhææ*, & qui Loci *Carcinomata* facilius suscipiant atque alant, & quo modo ab unâ parte ad aliam Contages feratur, felicius indagemus, operæ pretium erit, Partes istas, ubi figere se possit hic Morbus, leviter perstringere. Verisimillimum enim est hæc omnes Difficultates, si Partium texturam & usum atque aditus prius perspectos habeamus, a Nobis postea facilius expediri. Si enim Partes, in quibus hic Morbus vulgò collocatur, Alimenti satis suppeditare non possint; illæ autem, quæ possunt, præ nimîâ distantîâ affici a Contage (præsertim quando Infans sit) non queant, tum profecto hujusmodi Effluxûs materiam ab Iis (utcunque aptæ aliter videantur) nequaquam suppleri, sed novas ultra Sedes tentari oportere, quæ & propter Copiam suam pascere, & propter Vicinitatem suscipere Luem possent, necesse est ut concludamus. Quapropter jam mihi proponenda Ratio videtur illas, in quibus *Gonorrhæa* insidet, Partes cum omni Modestîâ depingendi.

### CAP. II.

*Partes Corporis, in quibus Gonorrhœæ Sedes vulgò constituitur.*

**V**ariæ Medicorum Hypotheses, in superiori Capite propositæ, de iis Partibus Corporis excutiendis, quæ in materiam *Gonorrhææ* ullo modo influunt, præcipue Nos admonere videntur; Eaque verò sunt, vel quæ secretioni  
Se-

Seminis, vel quæ custodiæ, vel quæ emissioni inserviunt. Quando autem hujusmodi *Disquisitio* ad rem sanè neminis esse possit, qui externam Partium, quæ in utroque Sexu Generationi dicantur, formam conspectam non habuit, itaque Ego interioris Structuræ involucri pleniorum calamum dare instituo, tum quia minus in promptu sunt, tum quia magnam Lucem afferent iis, quæ in decursu hujus Operis dicturi sumus.

Atque equidem Nobis sese exhibet imprimis *Vagina* Foëminarum paulò accuratius delineanda, quippe quæ majores fortasse partes in processu *Gonorrhœæ* obtinet, quam quæ ponuntur in vulgari opinione. *Vagina* verò, in omni Muliere Viro tempestivâ, a Naturâ ita comparatur, ut satis patens sit admittere Penem Maris & Foëtum excludere, utcunque angustum sit ipsius Uteri Orificium. Interna ejus Substantia nervosa est, Exteriorem verò laxa Membrana carnosus quibusdam Fibris interspersa constituit.

Plurimi equidem atque exigui canales in Vaginâ reperiuntur, ex quibus ampliores & frequentiores circa partes ejus inferiores (ubi *Urethra* sese inserit) versantur. Hi profectò rivuli viscidam quandam Seri copiam suppeditant, a quâ Partes simul lubricæ fiunt, & ab Urinæ acrimoniâ defenduntur. Hic liquor inter coitum foras abunde profilit, & pro Semine muliebri, haud prudenter satis, apud *Veteres* habebatur.

Excretorii parvarum Glandularum ductus

## 8 GONORRHOEÆ VIRULENTÆ,

inter *Urethræ* Sphinctera & internam Vaginæ Membranam positi cæteris ductibus, qui eandem quoque Nominis rationem habent, Priores se Medicis prodiderunt, & ab iis *Lacunæ* nominantur.

Sphincter quidam Musculus Vaginæ suppetit, qui, situm suum *Clitoride* paulo inferiorem tenens, in Dilatatione istius contrahendâ occupatur.

Hactenus de Substantiâ, & Structurâ, & Usu *Vaginæ*, hæc enim Descriptio præsentis Instituto satisfacere videtur, atque sola *Labiorum*, *Nympharum* & *Clitoridis* nomina Lectorem deducunt in eorum, quæ de his rebus cognosci volumus, Cognitionem: Inverecundi enim esset, diutius in hoc loco, quam necessitas postulat, hære.

Illud solummodo obiter notatum vellem, usum omnem dilatantium Instrumentorum, quæ versantur in *Obstetricum* exercitatione, Sphincteri tantum Vaginæ Musculo adhiberi: *Uterum* enim hæc dilatare nequaquam possunt, *Vaginæ* verò non opus est tali dilatatione. Cum verè horum Instrumentorum usus non modò nullam commoditatem, sed & ingens aliquando periculum afferat, cumque ii, qui illis utuntur, aut se decipiant aut aliis vellent verba dare, idcirco plura de iis addere in præsentis desinam; præsertim quoque, quia Artificum Officinæ satis multa suppeditare nobis possent, si verà aliqua utilitas ab Experimentiâ unquam deprehensa fuisset.

Deinceps verò ad partes Virorum genitales,  
quæ



quæ a *Gonorrhœâ* vel maxime vexari putantur, depingendas progredior. Quoniam autem hujus Morbi Virus a Prostatis & Vascularibus seminalibus in Urethram profluere plurimi Homines suspicentur, itaque, quæ in istis potissimum Partibus disseccandis notatu digna sunt, paulò luculentius perstringemus.

Ipsius verò *Penis* partes, quæ viribus hujus Morbi præcipuè affliguntur, sunt *Præputium*, *Frænum*, *Glans* & *Urethra*.

Duplicata *Penis* cuticula *Præputium* conficit, quod ità a sui ipsius fabricâ & *Fræni* vinculo comparatur, ut summâ cum facilitate retrò citroque super Glandem moveatur: omnis autem ejus usus in eo ponitur, quod exquisitum *Glandis* sensum obductione suâ foveat, ne Injuriis incurrentibus laceretur.

*Frænum* verò nihil aliud est præter exteriori *Glandis* Membranam, quæ in hoc loco geminatur, quæque cavernam quandam continet, ubi hoc Ligamentum extenditur.

*Glans* est ipsa extremitas *Penis* & sensu acerrimo instruitur. Radix ei crassior est quam pars *Penis*, cui inseritur, sensim verò decrescens paulò acutior terminatur. Membranae, ex quibus conflatur, tenues admodum sunt & delicatae propter perceptionem, quam ei Natura donare voluit, exquisitissimam. Accedunt quoque Glandulae, a quibus separatus humor circa spargitur, ut *Præputium* benè lubricatum suo in motu non laboret: quædam quoque hujusmodi liquoris copia ab iis, quæ ad cuspidem *Penis* locantur, dicunturque *Odoriferae*, Glandulis secernitur.

## 10 GONORRHOEÆ VIRULENTÆ,

De admirabili internâ *Penis* Fabricâ, fungosorumque, ex quibus conficitur, Corporum constructione pluribus verbis disputarem, nisi instituta brevitâs obstreperet; utpote quod hæ Partes, quales quales sunt, ad alendam *Gonorrhœam* minus concurrere, quam aliæ nonnullæ, videntur, quæ paulò igitur accuratius sunt examinandæ.

Jam verò ad *Fistulam* devenimus, per quam semen pariter atque urina decurrit, perque quam *Gonorrhœæ* Contagium sine dubio propagatur.

*Urethra* subter Nerveo-spongiosa *Penis* corpora collocatur, vel in medio (ut exquisitius dicam) eorum se paulò insinuare videtur; duabus Membranis instruitur gracilibus, strictimque contextis: earum Exterior externam *Urethrae*, & *Præputii* internam partem contegit; Interior verò canalem intus tantum componit. His Membranis spatium quoddam interjicitur, fungosâ Substantiâ Glandulisque repletum: fungosâ verò illa Substantia naturam ipsis corporibus Nerveo-spongiosis simillimam præ se fert, atque, Aere inflato, statim distenditur. *Urethra* quidem, quo propius gradatim ad Glandem provehitur, eò etiam densior & compressior reperitur, & magis magisque crescens cum eodem mox confunditur.

Plurimi præterea canales se mittunt in *Urethram*, ex quibus unus sub *Glandis* radicem situs inter cæteros maximè eminet. Hic autem in illâ *Urethrae* regione emicat, quæ ad Nerveo-spongiosa Corpora porrigitur; & digito  
com-

compressus album viscidumque Humorem præbet.

Alii quoque Ductus a M. *Litteri* Glandulâ originem ducentes interiorem *Urethra* membranam permeant, liquoremque in *Urethram* inferunt, qui ab istâ Glandulâ secernitur. Hic liquor mucore quodam oleoso perfunditur, atque idcirco est ad *Urethram* inungendam commodissimus.

A Cl. *Cowperi* Glandulis (quarum Tubuli excretorii confestim coeunt per fungosam *Urethra* substantiam communi Alveo feruntur, perque interiorem ejus membranam tandem penetrant) liquor ejusdem quoque generis cum *Priori* & lenitudinis exprimitur.

Hoc enim pro comperto habemus, nullum Humorem, dum *Penis* libidine attollitur, ex eorum ductibus emitti posse: quocirca nullo modo ad Generationem promovendam, sed ad *Urethram* tantum irrigandam, ne feminis & urinæ acrimoniâ vexetur, hic liquor comparatur.

Jam verò ad *Prostatas*, *Carunculas*, & *Galli Caput*, *Vesiculasque Seminales* delineandas Nos instituti ratio vocat.

Earum verò proximæ ex membraneâ quâdam Substantiâ confectæ ad *Vesicæ* initium inter *Vesicam* & *Rectum Intestinum* collocantur, & ad Cervicem ejus Partesque juxtâ positas firmiter adstringuntur: Horum autem Tubulorum cavitates aliæ aliis ampliores patent, ex quo fit, ut nonnullæ quasi cellulæ sparsim nascantur, quæ tantam inter se communionem habent, ut,

URÆ

## 12 GONORRHOEÆ VIRULENTÆ,

unâ distentâ, cæteræ pariter turgescant. Hæ *Vesiculæ* in parvo ductu, qui à tergo *Urethræ* uno ferè pollice infra *Urethræ* cervicem infigitur, undique terminantur. Cuilibet horum ductuum orificio Septum quoddam suppetit, quod prohibet, quo minus Semen, cum ex uno exprimatur, resiliens subinde in cæteros impingeretur. Hæc Particula *Caput Galli* appellatur, perque Oculos ejus (Oscula scilicet prædicta) semen utique in *Urethram* distillatur, in singulo Vesicularum Seminalium orificio parva quædam Caruncula stationem obtinet, quæ, Valvularum ritu, semen præoccupat, ne continuo flumine profiliat. Etsi verò hæ Carunculæ ab iisdem, quibus semen expellitur, Viribus propulsentur, in naturalem tamen situm confestim resiliunt.

Apud radicem *Urethræ*, ex utroque cervicis Vesicalis latere duo globosa Corpuscula apparent, quæ *Prostatæ* nuncupantur, quarum pars superior complanatur, Inferior verò ad Ovi speciem inclinatur. Moles utriusque (non enim longe a se invicem sunt sejunctæ) quasi grandiusculi *Juglandis* instar in Salacibus videtur, in Senibus autem, iisque, qui *Veneri* se minus adstrinxerunt, parvuli cujusdam *Juglandis* rationem obtinet. Substantia iis glandulosa est: ex earum Ductibus, de quorum numero haud satis convenit, albus liquor feminis simillimus emanat, qui, *Prostatæ* manu constrictis, illico prorumpit. Hi tubuli excretorii *Prostatarum*, partim paulo altius, partim paulo inferius quàm *Galli Caput*, plerumque autem aliquanto trans-

ver-

versus quàm Vasculorum Seminalium orificia, se conjiciunt in *Urethram*.

*De Graaf* decem ductibus hujus generis excretoriis minus nunquàm se in *Viro* numerasse, in *Cane* autem nonaginta amplius a se repertos, quorum singulis orificiis sua Caruncula annectitur, significat.

*D. Littre* non duas Glandulas, sed unam tantum a *Prostatis* fieri contendit, quoniam Substantia illa (ut in mense *Julio* anni millesimi septingentesimi ab eo coràm Regiâ Academiâ demonstratum fuit) continua est & non interrupta. Sibi præterea ille persuadet, exigui quasi Cordis figuram confici, cujus Basis Vescicam versus porrigitur.

*Prostata*, si huic *Viro* credamus, Fibris muscularibus circumvestitur, atque ex duodecim Capsulis, quarum Claustra nullum inter se commercium habent, constituitur, tot etiam Tubulos (setarum instar) continentibus, qui in *Urethræ* canali juxta *Verumontanum* terminantur: Unaquæque insuper Capsula ingentem exiguarum Glandularum numerum complectitur, quibus canales excretorii (quorum cuilibet extremitati *Sphincter* suppetit) se in cavitatem Capsularum exonerant, ubi Humor, tanquam in tot pelvibus & receptaculis, seponitur.

Quomodocunque autem numerus sese habeat, siue duæ sint Glandulæ, siue unica tantum in hoc loco sita sit, *D. Littre* aliis omnibus Anatomicis de usu earum prorsus assentitur. Cum igitur *Prostatarum* liquor, ductusque excretorii, Valvulæque apud omnes in confesso sint, apteque

## 14 GONORRHOEÆ VIRULENTÆ,

que ad Institutum nostrum possint accommodari, itaque hanc explicationem haud mediocrem sequenti Ratiocinio lucem afferre posthac sentiemus.

Quemadmodum autem accurata hæc descriptio locorum, quæ aut secernere aut recondere liquorem videntur, eâ tantum intentione ponebatur, ut felicius *Gonorrhœæ* materiam deprehenderemus, quam nonnulli ex solo pure conflare arbitrantur, idcirco carnosas musculosasque partes, necnon *Adipem* describendi necessitas mihi datur, ut videamus, utrumvis *Gonorrhœæ* hæc loca vitare valeat & in Pus convertere, quoniam in carneis partibus & adipalibus Pus præcipue generari reperitur.

Facilitas, quâ Musculi *Penis* a se invicem separantur, plurimas de eorum numero lites excitavit: Ego autem, unde oriantur atque ubi inferantur, quam quâ ratione numerentur, diligentius inspiciam, exinde enim commodius intelligetur, quemadmodum ii affici queant à materiâ *Gonorrhœæ*. Tria paria Musculorum secundum nonnullos homines ad Penem spectant; Alii eos negligentes, qui *Transversales* nominantur, duo tantum Paria assignavêre. D. verò *Littre* quinque tantummodo solitarios Musculos adscribit. Veruntamen quando hi Musculi universi suam aut ab *Ischio* aut *Ano* originem & in *Corporibus cavernosis* finem habeant, aut in *Urethrâ* sub unam *Penis* partem circaque ejus latus terminentur, itaque *Gonorrhœæ* viribus perpaululum subjici videntur.

Sigillatim verò D. *Littre* notat, Fibras quasdam

dam musculares in nonnullis exemplis ex singulâ Musculi *Acceleratorii* Anticâ extendi, & in *Præputio*, postquam totum *Penis* latus peragraverint, tandem consistere: quamobrem quandocunque hæ Fibræ contrahantur, (uti inter Coitum, & Mingendum accidit) *Præputium* ad radicem *Penis* revocatur.

Hâc Partium descriptione prælibatâ, unde origo *Gonorrhœæ* trahenda sit, quæ Partium proprietates, ubi figitur hic Morbus, quæque sit Efficiens ejus causâ, jam videamus.

## CAP. III.

*Prostata, Vesiculaeque Seminales, Partesque supra positæ pro Originali sede Gonorrhœæ haberi non debent.*

**D**escriptiones Anatomicæ, quas in superiori *Capite* attulimus, in eam ædepol opinionem primo intuitu nobis animum inducunt, ut putaremus vel *Prostatas* vel *Vesiculas Seminales* ad liquorem (qui gliscente *Gonorrhœâ* effluit) ministrandum præ cæteris commodissimas esse, ideoque pro sede Morbi haberi oportere; nisi multæ difficultates, quæ superari nunquam possunt, sese offerrent, atque originem Contagii ab istis partibus omnino amoverent.

Quippe cum apud omnes pro confesso habeatur, hunc Morbum à venenato quodam liquore, qui ad *Ægrum* vi quadam extrinsecâ propagatur, proficisci, tum profecto explicari nunquam potest, quibus modis ad locos ab

Ure-

## 16 GONORRHOEÆ VIRULENTÆ,

*Urethrae* extremitate tam procul disjunctos hic liquor perducatur: utpote quod liquor, quem admittere *Urethra* queat (five Molem seu Velocitatem respicias) valde modicus esse debet: neque enim Musculus aliquis, nec Valva, nec alia cujuscumque generis Machina adest, quâ ad tantam distantiam projiceretur. Adde quod cum magnitudo partium, ex quibus Contagium conflatur, æque ac Velocitas, quâ fertur, planè exigua sit, necesse est, ut *Momentum* earum (quod jamjam annuimus) pro nihilo ferè duca-  
tur. Quod si *Momentum* multo, quam revera est, vehementius augeri ponamus, Rei tamen difficultas non minor superesset, præsertim si *Canalem*, per quem transeundum est, arctiorem, quam solet, fieri meminerimus. Quoniam enim *Penis* ab erectione suâ induratur, atque membraneum *Urethrae* foramen (quod Nerveo-spongiosis, quæ jam quoque inflantur, Corporibus sese immiscet) magnoperè compressum in conditionem utique angustiorē redigitur, idcirco ab omni fere comœatu Virus intercludi merito videatur.

Hæ profecto angustia, quibus premitur *Urethra*, quando semen *Pene* erecto expellitur, sensibus se manifestius reddunt.

Præterea, ab accedente Nerveo-spongiosæ substantiæ inflatione *Urethra* magis magisque coarctatur, ex quo fit, quod Latera ejus undequaque collidantur, atque interiores hujus *Fistulae Membranae* Canales adeò gravem constrictionem patiantur, ut nullius generis liquor a minori impetu propulsus, quam qui semen aut  
uri-



urinam extrudit, queat permeare. Quâ ratione igitur liquorem, qui nullum aut planè exiguum Momentum habet, in Urethram, vehementer interea atque ex omni parte compressam, immitti posse judicemus?

Quod si hoc Virus ad *Prostatas* usque pervenit, ibique suas vires (ut nonnulli credunt, non obstantibus difficultatibus suprâ allatis) exercere statuamus, tum profecto his viribus, quas hi homines volunt, concessis, aliæ quoque necesse est, quam quas ii tribuunt, multoque graviores, facultates itidem exerceantur. Quippe si *D. Blenius* sibi constet, tum equidem (uti infra docebimus) Carunculæ, quæ Vasculorum seminalium orificiis annectuntur, ab hac Peste prius frangentur, quam semen corrumpi aut profluvium excitari poterit. Quod ad *Prostatas* attinet, ductus, qui ab iis propagantur, adeò tenues atque exigui sunt, ut cerni aut numerari vix queant. Itaque *Prostatas* opus est externo quodam auxilio atque impetu, qui humorem foras exprimeret. Cum autem a liquore venenato vim talem exeri nullam intelligimus, manifesto efficitur *Gonorrhœam* a *Prostatas* exoriri non posse, utcunque illarum liquor depravetur. Quinimò si hic Effluxus purulentus, non sine *Caruncularum*, quæ ad Vascula Spermatica alligantur, *Ductuumque Prostatarum* corrosione confici concedatur, tum profecto Medelam *Gonorrhœæ* nunquam assequi poterimus, quia istiusmodi damnum resarciri nunquam posset. Cum autem è contra quotidianus ipse usus Remedia ad hunc Morbum

cum bono eventu persæpe adhiberi testetur, itaque talem corrosionem nullam fieri, neque *Gonorrhœam* ex istis fontibus profluere, tuto colligamus.

Quocirca si hujus Morbi Virus ad *Prostatas* usque & *Vesiculas seminales* pervahi supponatur, vim tamen ab his hominibus adscriptam exercere nunquam poterit.

Nonnulli ædepol, qui *Prostatas* & *Vascula Spermatica* corrodi non putant, in eam opinionem inciderunt, ut Effluxum (qualis in *Gonorrhœâ* cernitur) ab Effervescentiâ quâdam & phantasticâ Fermentatione (quæ fit per mixturam humoris venenati cum semine & liquore *Prostatarum*) intumescere & explicari posse arbitrantur. Cum autem hæc Hypothesis cum descriptionibus Anatomicis, in superiori *Capite* allatis, vehementer pugnet, itaque hujusmodi Effervescentiam rem fictam esse & prorsus adumbratam, neque *Gonorrhœam* exinde proficisci, certo intelligimus.

Quæ cum ita sint, concludere licet, *Gonorrhœæ* Virus ad *Prostatas* & *Vascula Seminalia* nequaquam pertinere, propterea quod contagiosus ille liquor neque tantam velocitatem habet, ut illuc sursum feratur, neque effecta ejus respondent viribus, quæ in hisce locis exerceri supponuntur.

Argumenta, quæ jam Ego sum laturus, a *Posteriori* confirmant ea, quæ supra cumulavimus. <sup>(a)</sup> Cum verò in eorum mentionem aliquot abhinc annis incidi, eadem renovare, uti se in isto *Libro*

cx.

(a) See Diseases. pag. 237.

exhibent, atque in memoriam revocare liceat.

Primum igitur Argumentum ab istis Excreſcentiis depromitur, quæ in proceſſu *Gonorrhœæ* ab experienciâ ſunt perſæpè deprehenſæ. Cum enim hujusmodi Tubercula prævium ſemper Ulcus conſequantur, palam efficitur, ubicunque Caro tumida & quaſi incruſtata ſive aliud quodvis Ulcuſculi veſtigium relinquitur, Ulcus ibi prius inſediſſe; hujusmodi verò Excreſcentiæ in *Urethrâ* reperiuntur, *Urethram* igitur acrimoniâ quoque Ulcerum corrodi non eſt ut dubitemus.

Quod de hâc re a Nobis dictum fuit, illud ad quotidianum uſum adeò conſtanti ratione conformatur, ut factum ipſum Adverſarii negare non poſſint, tametſi concluſionem, quam nos deducimus, infirmare contendant. Enimverò acidus Humor, ſi quoque a *Proſtatis* effundi concedatur, nihilo ſegnius (ajunt) hujusmodi Ulcera atque Excreſcentias eſſet excitaturus, quam ſi in earum vicinitate ſecernatur; Experimentum itaque ab *Urethræ* Ulceribus aſſumptum nequaquam impedit, quo minus hujus Morbi Acrimonia a *Proſtatis* proflueret.

Sed ut huiusce Experimenti vim ingentem ulterius videamus, id maximè obſervari debet, Iſtiusmodi Excreſcentias juxta noſtram *Gonorrhœæ* ſedem (*Urethram* ſcilicet) ſemper verſari, vix unquam è contrario in viciniâ *Proſtatarum*.

Quod ſi forte earum una aut altera prope *Proſtatas* deprehendatur, in cauſâ eſt, quod magna *Tabi* copia ibidem conglomerata, cum facilis decurſus non detur, retro ſe convertit,

aut à male adhibito Injectionum impetu retro pellitur. Hæc itaque, quæ de Excrescentiis a nobis dicta sunt, conclusionem nostram confirmant, & cum sequentibus Experimentis conjuncta indubitata veritatem assequuntur.

Proximum Experimentum à communi Injectionum usu sumetur: ex eo enim quod Injectiones *Gonorrhœam* persæpè comprimant, palam efficitur, liquorem earum ad partem ægram penetrare. Illud autem fieri nunquam potest, si *Prostatas*, seu loca superius posita, pro sede morbi capiamus. Illud equidem etiam atque etiam in memoriam revocari debet, quod ab Anatomîâ nostrâ super ingenti *Urethræ* curvaturâ admonemur: hanc quippe si perpendamus, quæ usque ab eâ parte, qua primò *Urethra* jungitur *Vesicæ Collo*, donec ad ipsum *Penem* deventum sit, continuatur; tum quidem apparebit, quam durum erit facere, ut alicujus Injectionis Liquor ita immitteretur, ut ad *Prostatas* aut *Vesiculas Seminales* perveniat. *Urethræ* Radix in Pelvi est sita, in parte posteriori Abdominis, atque sub Os pubis sese insinuat; ut cum *Pene* tandem jungatur. Cum itaque *Urethra* ab ulteriores Pelvis regione originem suam ducat, certe sine maximâ curvaturâ cum *Pene* conjungi nequit. Ex hoc igitur *Urethræ* Cursu manifesto intelligimus, nullam Injectionem ad *Prostatas* deduci posse; nisi quæ ab arte singulari dirigitur. At profecto quicumque Syringis Usus exercet, idem potest Liquorem injectare, qui *Gonorrhœam* est sup-  
pres-

pressurus. Quocirca cum Effluxum ab Injectione, quæ ultra *Penem* spargi nequit, supprimi videamus, pro certo est non modo omnes Injectionis vires, quæ Morbum tollit, sed & Morbum ipsum, qui tollitur, intra *Penem* solum claudi & contineri. Quod contra vulgarem opinionem fuit demonstrandum.

Quod si præterea recordemur singulo *Prostatarum* Tubulo suam carunculam sive valvulam appendi, quæ inter Liquorem injectatum atque Prostatarum Humorem com meatum omnem intercludit, tum novæ ædepol vires accrescent huic Argumento, atque evidentior veritas elucescet.

Aliud Experimentum jam afferro, quod non tantum facillimum est tentatu, sed & præsentem difficultatem quam commode absolvit.

Siquis enim medium *Penem* manu capiat, Urethramque continuâ compressione *Glandem* versus arcte constringat, purulentus Liquor protinus exprimitur: si deinde autem eadem Constrictio a *Pube* usque incipiens ad *Glandem* iteretur, nullus omnino Humor post primam compressionem extrudi cernitur. Ex quo apparet Saniem, quæ per primam constrictionem exploditur, nequaquam antrorsum urgeri à vi Liquoris alicujus ab ipsis *Prostatis* propagati ad locum, ubi primum compressio inceperit. Si enim hoc Virus a *Prostatis* fundi supponatur, tum profecto totus *Urethræ* Canalis a Radice usque ad *Glandem* hoc fædo Liquore completetur; Quod huic Experimento adversatur.

Quocirca neque ex *Prostatis* nec Earum Vi-

## 22 GONORRHOEÆ VIRULENTÆ,

cinitate *Gonorrhœæ* fontem provenire, nec Sedem poni merito censeamus.

Huic autem Experimento a nonnullis opponitur, quod quando Effluxus non minus ex *Pene* erecto quam flaccido profluat, verum in flaccido suo situ per declivem quasi Alveum decurrat, ob declinationem istam fortasse pollutum Humorem exprimere, uti ab Experimento indicatur, possemus: sin autem Profluvii originem spectemus, non est ut idcirco eam à *Prostatis* deduci denegemus.

Cum vero nihil ad rem intersit, quali situ *Penis* utatur, itaque situm sibi commodissimum ab Adversariis deligendum relinquimus.

Enimverò si Liquorem in Alveo non tantum inclinato, verum etiam ad rectam (si ita velint) Lineam erecto profluentem statuamus, tum Liquor ille cursu forsan paulo celeriori per Declivia sua feratur, necesse tamen est Flumen a Fonte indefinenter profundi, & per totam Canalis seriem usque ad exitum continuari, quoniam Undæ profluentes ab Undis supervenientibus jugiter urgentur, donec ad ipsam retro Originem perveniamus.

Quando igitur Res ab Experimento facta in dubium vocari non potest, Conclusio quoque a Nobis illata, (nullum sc: Liquorem ad partem *Penis* manu imprimis constrictam a *Prostatis* propagari) sese Veritati reddit consentaneam; ex quibus omnibus confici videtur, hujus Morbi fontem à *Prostatis* nequaquam proficisci.

Illud equidem fateri non dubitamus, Guttas  
non-

nonnullas in omnibus his Canalibus, crebro longoque intervallo, postquam magnum flumen discessit, stillantes observari. Cum verò istiusmodi Guttæ Tubulorum scabredini, quæ particulas Liquoris languescente Fluoris impetu irretire solet, potissimum debeantur, itaque ad rem in præsentī objectam nihil exinde auxilii comparatur.

Neque quidem absimiles distillationes (uti infra animadvertemus) in discessu *Gonorrhææ* cernuntur. Quæ Observatio haud mediocrem Nobis lucem afferet, ut intelligamus, quantum temporis antea requiratur, quam ad optatam medelam hunc Morbum perducī expectemus.

Præter ea, quæ dicta sunt, nova quoque (si necessitas ita postularet) argumenta accersi poterint ex naturâ Remediorum, quæ huic Morbo adhiberi solent. Si quis enim faustum exitum perpendat, qui Diureticorum Praxin consequitur, aut pericula & calamitates, quæ ab Adstringentibus Pharmacis & Injectionibus sæpè procreantur, is nunquam rationem reddere poterit, cur *Gonorrhæa* à Diureticis juvetur, ab Adstringentibus verò *Venerea Lues* crebro cieatur, si hujus Morbi sedem in *Prostatis* collocaverit.

De hâc autem re satis jam dictum est, parcimus igitur Argumentis, quæ ex obliquo cumulari possent, ne nimium illustrando molesti videamur.

Cum verò per vicinas undique Partes vis Contagii aliquando se spargat, Prostatas Vesi-

## 24 GONORRHOÆ VIRULENTÆ,

culasque Seminales in processu *Gonorrhææ* vitia-  
ri tandem posse non vereor confiteri. Haud  
enim exinde efficitur, harum alterutram esse  
primam hujus Morbi sedem aut originem, unde  
Virus diffunditur. Effluxus enim, integris  
Prostatis vasculisque Seminalibus incorruptis,  
largus sæpè cernitur & copiosus, à quâ unicâ  
Observatione (si rem probè æstimemus) ma-  
nifestò intelligimus, primam *Gonorrhææ* sedem  
in iis nequaquam collocari. Quippe si ita se  
res habeat, tum Prostata & Vascula sper-  
matica prius debent, quam Effluxus extra pro-  
manat, contaminari. Probabile profecto est,  
has Partes nonnunquam vitia-ri, quando Ulcera  
nulla in Urethrâ cernere sit. Attamen hoc  
nunquam accidit, nisi quando Ulcera ista ab  
Injectionibus, quæ regiones remotiores tan-  
gere non potuerunt, prius essent depulsa. Sed  
perpauca hujus generis exempla proferri posse  
puto: Eruditissimusque D. *Cyprianus* mihi mul-  
tis Experimentis post Theoriæ meæ publica-  
tionem factis confirmavit, sese ingentia Vitia  
atque Defectus in Urethris eorum omnium of-  
fendisse, quos carnositatibus ibidem latitanti-  
bus vexatos explorâset.

Hoc igitur a Nobis paulo fusius demonstra-  
to, quod nec *Prostata* nec *Vascula Seminalia*,  
neque *Regiones* ulterius positæ primum hospi-  
tium *Gonorrhææ* præbere queant, reliquum est,  
ut quænam sint, & quantum ponderis afferant,  
argumenta Adversariorum, probe perpenda-  
mus.

Quoniam autem D. *Blenius* inter Eos omnes  
maxi-



maxime emineat, satis erit ea sola, quæ ille dictitat, recitare, ne infinitos Authores usque ad fastidium cumulemus.

(<sup>a</sup>) „In promptu est (inquit ille) hunc Morbum in Vesicâ situm non esse. Eo enim pacto Ulceribus fere insanabilibus, aut Inflammatione, quæ per totum hujus Morbi processum permaneat, quæque omnem penitus Urinæ egressum prohibeat, hæc Pars percelleretur. Multo minus probabile est, *Gonorrhæam* in Testiculis insidere posse: exinde enim acerrimi Dolores & Ardores & Intumescentiæ in iis excitarentur.

„Neque Veritati magis consonum videtur, sedem in toto Pene collocari: quippe à fungosâ suâ spongiosâque substantiâ, ab exquisitâ perceptione, necnon ab ipsius Usû Sitûque ratione, hoc Membrum Doloribus & Inflammationibus, crebris Humoribus affluxibus & spasmodicis Gangrænisque adeo valde subijcitur, ut per omnes ejus partes Contagium spargi nunquam poterit, nisi hæc omnia simul Symptomata, aut saltem pleraque sequerentur.

Postea verò quam paucas Lineolas, quæ Soritem intercipiunt, adjecisset, hanc demum Conclusionem deducit.

„Hinc igitur (ait ille) satis intelligimus, Vesiculas illas, ad quarum custodiam semen traditur, esse certam sedem *Gonorrhææ*. Has enim a Venereâ sanie vehementer affici atque mutari ipsa Injuria, quæ sequitur, ma-

B 5

ni

## 26 GONORRHOEÆ VIRULENTÆ,

„nifestat. Humor enim iste, qui ad irrigandam  
„Urethram comparatur, statim cohibetur: &  
„si Regionem, ubi hæc Vascula suum situm  
„obtinent, manu constringas, Effluxus ocu-  
„lis copiosior subjicitur.

„In dubium igitur vocari non potest, quin  
„*Gonorrhœæ* Virus Paraſtatas Proſtatasque præ  
„cæteris adoriatur & convellat: hoc autem for-  
„te accidit, quoniam hæc Partes, cum in Poros  
„maxime excaventur, Contagi facilius hospi-  
„tium, quam aliæ quæ circumjacent, possent  
„exhibere. Quid verò de Mulieribus statuen-  
„dum est, quæ Utrisque sunt destitutæ?

Contagiosum Liquorem eâdem ratione, quæ  
in Viris valuit, in Fœminis propagari non con-  
cedit, neque a Testiculis Mulierum emanare,  
propter nimiam loci distantiam, permittit.

„Necesse est, ut per Uterum Pests prius  
„transeat, qui ob humiditatem ejus & crassi-  
„tudinem retinere eam non potest.

Vaginam insuper excludit:

„Quippe si hæc Contages cum Liquore cras-  
„so, qui scatet in Vaginâ, sese forsan com-  
„misceret, tum Vires ejus extinctæ cito essent,  
„aut saltem impeditæ, aut simul cum innatis  
„istius loci sordibus expurgatæ.

„Ex quibus omnibus efficitur, *Gonorrhœæ*  
„sedem in Fœminis alibi, quam ad *Uterum*, re-  
„ferri non posse.

Jam verò consistere aliquanto liceat, atque  
expendere, quo perducimur a totâ serie hujus  
Disputationis.

Si Partes, præter *Proſtatas*, aliæ assignari  
ne-

nequeunt, quæ Effluxui copiam dare possunt, aut quibus hujusmodi Effluxus periculum magnum aut perniciem non est allaturus, tum forte fortuna Origo hujus Morbi ad *Prostata* debet revocari. Adeò ut si totam Hypothesin plane concedamus, res tamen veritatem probabiliter tantum conjecturâ innixam assequeretur. Quod si alia corporis regio in præcedenti *Blenii* enumeratione omittatur, tum nulla necessitas nobis imponitur ad *Prostata*, tanquam ad solum quoddam *Gonorrhœæ* Asylum, confugiendi. Ad talem verò Regionem statim digitos nostros quasi intendemus, atque ibidem demum immorabimur.

Quod si præterea haud minus hisce horrendis inflammationibus, quàm prædictæ Corporis Partes, *Prostatæ* etiam ipsæ, subjiciantur, tum profecto ab iisdem rationibus, quibus hic Vir utens cæteras amandavit, hæ quoque amandantur. Sin autem ex Partibus, quæ ab Adversariis nostris excluduntur, una aut etiam omnes Inflammationibus nonnunquam vexentur, ab iis verò periculis, quæ *horrenda & insanabilia Blenio* audiunt, prorsus removeantur, tum equidem facultas iis denegari non debet largiendi sedem *Gonorrhœæ*. Rem verò ita se habere posse idem *Author* disertis verbis confitetur.

„ Verum tamen est (ait) *Gonorrhœam* aliquando vesicæ Inflammationem, immanem in Testiculos Humorum defluxum, Ulceraque in Urethrâ quamplurima secum trahere.

At verò hæ Partes ab omnibus his cruciatibus

bus & capitalibus quasi pœnis (*si iis, quæ superius dicebantur, credendum sit*) omnino liberantur.

Si quis igitur D. *Blenii* sagacitatem, quæ *Gonorrhœam* in *Prostatitis* posuit, laudibus posthac & plausu cumulaverit, is perurbani quidam hominis, parum verò prudentis, nomen meretur. Argumentorum enim momenta, quibus ille utitur, non satis firma sunt, ut fidem faciant, aut ullam assensui nostro necessitatem incutiant.

Notatu ædepol dignissimum est, quantâ fiducia Testiculi absterrentur, quam facili autem & soluto animo *Parastatæ* seu *Epididymides* (quæ adeò arcte iis adhærescunt, ut à quibusdam eorum habeantur partes) pro sede Morbi adscribuntur. Illud insuper attento animo est advertendum, *Parastatas Prostatasque* ob solam commoditatis rationem (ob porositatem nempe suam) cæteris partibus a D. *Blenio* præponi, qui quoque Contagis materiam mirabili quodam atque inusitato modo ad Eas perducī confitetur: Uti autem propter inexplicabilem hunc & ab omnibus Mechanismi regulis plane abhorrentem modum, quo Contages perducitur, *Prostatæ* ablegentur a nobis, quo minus *Gonorrhœæ* veneno sedem & quasi hospitium præbeant, ita quoque aliam absurditatem ex ipsius Hypotheseos naturâ redundantem depelli relinquamus:

„Quid enim (ait ille) de Mulieribus dicemus? Testiculi enim iis porosissimi sunt, eamque ob causam ad Virus suscipiendum quam opti-

optime comparati. Hos verò tanquam loco nimium disjunctos rejicit. Quidni igitur ad eandem, quâ prius utebatur, admirabilem deductionis rationem, in hâc itidem difficultate perfugiat? pari enim jure utraque difficultas suffulcitur.

Convenit itaque (ut uno verbo rem conficiam) mihi cum *Blenio*, quod *Prostatae* aut *Parastatae* & *Vascula Spermatica*, etiamsi modica veneni copia perduci ad istas Partes posset, *Gonorrhœam* satis commode exciperent, nisi nimio loci intervallo essent disjunctæ. Quapropter secundum ipsius *Blenii* Hypothesin, hic Morbus ibidem recipi & collocari non potest.

Concedo quidem *Prostatas* non tantam, quantum Testiculi Fœminarum, loci distantiam obtinere; attamen transversæ haud minus digiti (si immodica sit) quam totius Ulnæ distantia impedimento est, quo secius Venenum suscipi, & Morbus progigni queat.

Sed ne ulterius D. *Blenium* Lectores suos in alias quoque angustias, cum in Utero ponat *Gonorrhœam* Fœminarum, adducentem persequar. Cum Argumenta, quæ ab eo afferuntur, interdum dubia sint & interdum sibi repugnantia, cum etiam tota ejus Hypothesis adeo manca sit & præfinita, ut utrique Sexui non conveniat, sedem *Gonorrhœæ* nec in *Vasculis Seminalibus*, nec in Partibus ulterius positis, figi oportere cum omni fiduciâ concludimus.

## CAP. IV.

*De verâ sede Gonorrhœæ in utroque  
Sexu: necnon de Materia Quan-  
titalisqne causâ.*

**C**omplura ex iisdem Argumentis, quæ *Prostata* vindicant a suspitione Hospitii, quod ab iis huic Morbo vulgo creditur præberi, nobis quoque animum inducunt, ut *Urethram* solam à *Gonorrhœâ* affici judicemus.

Quippe si *Gonorrhœa* in *Prostatis* esset generata, annon *Urethra* per totam suam seriem prius istâ materiâ repleatur, quam ex *Pene* Liquor posset jugiter profluere? quâ, quæso, ratione Injectio poterit Effluxum suppressere, cum ad *Prostatas* & *vascula Spermatica* perveniendi copia non datur? Quando igitur in quibusdam *Penis* partibus hujus Morbi flumen non reperitur, ab Injectionibus verò cohibetur, reliquum est, ut loca, quæ ad extremitatem ejus magis vergunt, vitari tantum arbitremur.

Crescit quoque Probabilitas, si reputabimus quam facili negotio *Gonorrhœæ* virus in *Urethram*, præsertim verò prope *Glandem*, se insinuare queat. Adeò ut si hæc Loca satis copię ad Effluxum tantum pascendum possint suppeditare, non dubium est, quin pro sede hujus Morbi recte statuatur. Mira porro facilitas, quâ Liquor immittere se potest, perspicue advertitur, si modo ea, quæ de *Glandis* crassitudine supra diximus, in memoriam revocemus:

mus. Ibi enim *Urethram* non distinctam & ad finem usque uniformem fervari, sed in *Glandem* aliquando tandem converti & evanescere notavimus. Quemadmodum verò ex ipsius Fabricæ naturâ *Glans* densior & compressior sit, atque ægrius, quam Penis ipse, Inflatione distendatur, ita Meatus, qui per *Glandem* penetrat & in *Urethræ* locum substituitur, ipsâ *Urethrâ* paulo laxior atque apertior diducitur, ex quo fit, ut Particulæ contagiosæ in eum locum se facilius, quam in *Urethram*, insinuare possint, etsi *Urethra* propius ad extremitatem Penis, quam revera est, accedere supponatur.

Itaque jam dilucidum efficitur, quâ ratione Penis, quando Materiâ morbificâ undique circumdetur, nonnullas Contagii particulas admittit.

Postremo cum hic Locus, cui Virus inprimis vim infert, cum Experimentis omnibus, quæ suprà proponebantur, quam optime conveniat, itaque extra dubium ponitur, *Urethram*, paulo prius quam in *Glandem* transit, esse veram sedem *Gonorrhææ*. Hæc verò res magis magisque elucescet, cum ad Symptomata, quæ hunc Morbum comitantur, quæque consequuntur, in hujus Dissertationis filo excutenda veniamus.

Sede igitur *Gonorrhææ* jam compertâ, deinceps explorare operam dabimus, quâ ratione hic novus Fons, cujus Rivuli in abdito adhuc delituêrunt, tantâ Humoris copiâ accommodatur, quantam in *Gonorrhææ* cursu emitti deprehendimus. Semen, quod à priscis plurimisque

### 32 GONORRHOÆ VIRULENTÆ,

que modernis *Medicis* pro Materiâ haberi solet; nihil posse vidimus. Deinceps igitur reputare oportet, utrum *Pus* aliquod cogatur, ubi vis contagiosa communicari potest; seu Humores ulli in hisce locis a Naturâ secreti & comparati jam depraventur, & in Materiam *Gonorrhœæ* transeant, sicut ante hâc conjecturâ prospiciebatur: si igitur ex his aut unum aut utrumque pro certo comperiatur, necesse est, ut Materia, quæ premente *Gonorrhœa* profluit, exinde repetatur. Illud profecto ab omnibus advertitur, verum *Pus* in Musculis musculosisque locis tantum modo glomerari, & quo longius partem aliquam Corporis a Musculorum conditione discedere, eo etiam minus ad *Pus* faciendum idoneam esse, præsertim verò si nullus ibi *Adeps* observetur; In Membranis enim Materia putrida rarior est, quam *Pus* genuinum, illa verò, quæ in Glandulis coagmentatur, sive in Capsulâ quadam, seu Cystide servata sit, sive Partibus circumjacentibus diffusa, imperfectam *Puris* rationem obtinet. At verò cum per totam interiorem *Urethræ* partem nihil cernere sit, quod magis ad Musculi naturam, quam vasa ipsa sanguifera, inclinât, luculentum efficitur, perexiguam *Puris* copiam in *Urethrâ* colligi posse, adeoque Effluxum *Puri* in *Urethrâ* coacto adscribi non oportere. Res autem clarior erit, si quæ de *Penis* Musculis ante diximus, memoriâ teneamus. Adde quod eadem quoque Ratio in scæmineo Genere locum habebit. Quippe *Vaginæ Musculus* situm ipsi *Vaginæ* parallelum sortitur, tantumque

strictio-



strictioni ejus revocationique inservit, postquam vis intus agens atque expandens cessaverit. Hic verò *Musculus* sufficientem Puris copiam præbere nullo modo potest, cum in exteriori superficie, ut prius ostensum fuit, inferatur. Accedit etiam quod præmatura Effluxus ratio cum naturâ Puris concilianda non est. *Gonorrhœa* enim in Bidui Triduive spatio emicat; Pus verò (præsertim si ingentem, quæ aliquando profunditur, Copiam animo habeamus,) tam brevi tempore generari nequit.

Quin etiam Effluxus non tantum citius multo extra cernitur, quam si ab Ulcere prægenito proveniat, sed etiam nulla prorsus est ratio, cur præeuntem ullam Inflammationem Effluxum hujusmodi concitaturam suspicemur. Si enim Inflammationem aliquam in *Vesicæ collo*, *Prostatisque*, aut in *Urethræ meatu*, accendi supponamus, tum profecto frequentissimum Urinæ reddendæ desiderium, acerrimusque intermingendum dolor consequeretur, sicut usu cernere est in id genus morbis, etsi quando forte hæc loca Cantharidum aculeis pungantur: e contra verò Effluxus, qui ab Inflammatione exoriri supponitur, absque ullâ molestiâ, aut Urinæ ardore per biduum triduumve emanat. Illud autem quotidianæ Experientiæ esset contrarium, si Inflammationi Profluvium debeatur. Quodcumque igitur ulcus aut Inflammatio regnante *Gonorrhœâ* animadvertitur, Acrimoniæ Morbi ortum non præbet, sed originem accipit ab illa.

Hæc autem majorem fidem habebunt, si cum

### 34 GONORRHOEÆ VIRULENTÆ,

alterâ virulenti Ulceris Affectione conferamus. *Ulcus* enim, cum primo inciditur, asperiores semper & vehementiores conditiones præ se fert: E contra *Gonorrhœæ* materia mitis admodum & mollis reperitur, atque in initio, ut supra notavimus, exiguâ corruptione afficitur. Itaque quum *Gonorrhœæ* materia cum eâ, ex quâ *Ulcus* conflatur, minime conveniat, absit a *Sapientibus*, ut ad *Ulceris* naturam *Gonorrhœæ* ab iis referatur. Quando hi duo vulgares *Gonorrhœæ* fontes, ad quos tanquam pulchra pollicentes, Medici, (quotquot huic morbo operam dederunt) recurrere consueti sunt, refutentur penitus & removeantur. Quando etiam nobis ante omnia curæ est, ne falsam sedem pro vera accipiamus (imposturam enim comprobando, ad hujus Morbi naturam & curandi methodum perducere non possumus) itaque jam pensitemus animo, utrum *Liquor* aliquis in hisce locis a *Natura* secretus reperiatur, qui a veneno corrumpi, & in materiam *Gonorrhœæ* mutari posse videatur.

Quod ut felicius persequamur, mente repetendum est id, quod supra annuimus, varios nempe canales modicæ mehercule magnitudinis in *Urethrâ* inveniri, qui album viscidumque *Liquorem* inferunt, ut feminis & urinæ *Acrimonia* leniatur. Itaque si efficiens *Gonorrhœæ* causa *Liquoris* hujus copiam aut raritatem adaugere, aut colorem mutare, valeat, tum omnia *Gonorrhœæ* Symptomata ante oculos subjicientur. Adeo ut si hanc rem paulo accuratiori animo conspectam habeamus, ad *Gonorrhœæ* Naturam

directo itinere perveniamus; neque in uno loco (ut imprudentes & ignavi homines solent) consistemus, diffusi commodiora nos unquam vestigia affecuturos: Quo nihil vim infert intellectui graviolem.

Quinimo hæc Hypothesis veritati se magis accommodatam est redditura, si crassitudinem, colorem & copiam liquoris eodem prorsus modo, quo antea sensibus exhiberi, eodemque ordine malignam causam aut tolli penitus, aut saltem mitigari, reputemus. Adhæc *Gonorrhœa* in mulieribus ex eodem fundamento repeti & explicari potest: Quæ res, si alia quacunque Hypothesi utamur, ad finem perducere nequit, incredibilemque Naturæ harmoniam indicat, qua diversa ejusdem speciei opera in diversis locis temporibusque effecta, (si modo locorum rationes prudenter habeamus) ab iisdem plane institutis perficiuntur.

Hæc omnia verò manifesta erunt, si (quod suo loco notavimus) *Vaginam* scilicet, non minus quam *Urethram*, permultis hujusmodi ductibus instrui, memoriæ mandemus.

Si ædepol canales, qui *Vaginæ* suppetunt, citius quam cæteri in lucem prodierunt, lacunarumque titulo semper fuerunt insigniti, posthæc vero hoc vocabulum, quandocunque alteruter ex his sub considerationem nostram veniat, libenter assumemus, quoniam ductus hoc nomine ornati pari ratione ad symptomata in utroque sexu promovenda concurrunt, & *Gonorrhœæ* materiam suppeditant: sola in hac Hypothesi manet difficultas, quo pacto tam te-

## 36 GONORRHOEÆ VIRULENTÆ,

nues & exiguæ Glandulæ ad tantam, quanta in *Gonorrhœa* profluit, copiam sufficiant, expedire, & quâ ratione Liquor, qui valde modicus a Naturâ valenti homini præbetur, ægroto tam vehementer augeatur.

Ut huic difficultati occurramus, animadverti debet nonnullas Glandulas in œconomiâ corporis reperiri, quæ non simul liquorem suum, atque ex sanguine secernitur, emittunt, sed in Glandulis ipsis, aut in Capsula quadam seu Cystide, ad hoc ipsum munus comparata, recondunt, unde, cum tempus ita postulat, effunditur: alias vero esse, à quibus excretorii quidam ductus propagantur, qui prodigis quasi orificiis Liquorem sibi jugiter commissum jugiter profundunt. Ad primam classem reducuntur *Prostatæ*, *Testiculi*, atque *Glandulæ*, quæ influunt in vesiculas seminales; ad alteram verò pertinent *Miliares Cutis Glandulæ*, istæ quoque, quarum excretorii ductus Lacunæ vocitantur, in Mulierum *Vaginâ*, & in *Urethrâ* Marium conspersæ.

Hinc sequitur, si duæ Glandulæ (una ex utraque classe accepta) in æqualibus determinatisque temporibus æquales Fluidorum quantitates excernant, necesse est unius magnitudinem ab altera multum superari. At verò minimus, (qui fieri potest) excessus (si copia materiæ in utrisque fere æqualis ponatur) quantitati Liquoris isto Temporis intervallo secreti, & in *Glandulis* sepositi certe adæquabitur. Etsi autem hic Excessus pro minimo habeatur, tamen

men-

mentius multo augebitur, si *Glandula*, cui retinendi facultas est, quantitatem liquoris duplo, triplo, quadruplove ac maiorem, quam quæ uno impetu ab altera *Glandula* extruditur, possit continere. Ex quo fit, ut inter harum Glandularum magnitudines quamlibet proportionem assignare liceat, quanquam Liquor, in dato tempore secretus, eandem penitus in utrisque quantitatem obtineat.

Hinc est, quod quanquam Glandulæ, quæ *Urethræ Vaginæque* tribuuntur, adeo exiguæ ponantur, ut aciem oculorum fugiant, tantam tamen fluidorum copiam in determinato tempore secernendi, quanta a Prostatis Testiculisque conjunctim sumptis separatur, facultatem habere possint. Hoc vero ut fiat luculentius, liceat mihi (quæso) supponere, Glandulas, (quibus Lacunæ suppetunt loco Ductuum excretoriorum) in uno minuto tantum liquorem, quantus dimidii grani pondus habebit, jugiter secernere. Ea ratione in horæ spatio triginta grana erunt separata, atque in horis viginti quatuor, sive die naturali summa ad duodecim drachmas seu sesquiunciam redibit: Quæ quantitas major erit, quam quæ in mediocri temporis spatio a Prostatis, Testiculis & Vascularibus spermaticis continue suppeditabitur. Hinc liquet *Urethræ* atque *Vaginæ* Glandulas eorum Fluminum, quæ in Gonorrhœæ processu in sensus incurrunt, origines rite reputari, quippe nulla conditione vacant, quam Prostata, Testiculi, vel alia quævis Glandula (eminus scilicet sita) potest sibi vindicare. Insta-

# 38 GONORRHOEÆ VIRULENTÆ,

re tamen contra fortassis erit, quo pacto fiat, ut in Glandulis, quæ ad *Urethram* & *Vaginam* referuntur, Liquoris flumen, cum *Gonorrhœâ* laboretur, supra naturalem modum tam vehementer augeatur. Verum hæc difficultas non minus iis hominibus, quibus placet *Gonorrhœam* in *Prostatis* collocare, quam qui *Urethram* aut *Vaginam* assignant, imminebit. Quippe e supra dictis ostensum fuit, quod ingens *Gonorrhœæ* profluvium ad humorem ex *Prostatis* secretum quam ex Lacunis, parem saltem, & fortasse majorem proportionem habeat. Atque equidem, ut verbo dicam, in quocunque loco ortus morbi ponatur, eadem semper difficultas permanebit, neque unquam erit sublata è medio, nisi ante expediemus, quibus rationibus Liquoris, à Glandula aliqua percolati, quantitas à Morbo aut Medicamento tam admirabilem in modum possit exaugeri. Animalis profecto œconomia nos admonet, ut si qua Glandula aut Ductus excretorius stimulatione quadam afficiatur, Liquor, qui ab impetu stimulativo est expulsus, tanto copiosior utique effundetur, quo fortior sit ista vis, quæ Glandulas prædictas aut ductus exstimulat. Experientia compertum est, si istius pulveris, qui ex *Cantharidibus* est confectus, perpaululum ad aliquam corporis partem admoveas, derepente *Pustula* emergit, & copia Humoris longissime uberior à Glandulis per vim stimulativam elicitur, quam quæ per insensibilem perspirationem exudat.

Sæpenumero adverti solet, paucas hujus pul-

pulveris particulas, quæ per vehiculum sanguinis ad Veficam, partesque Generationi addictas, perferri possunt, irritatione quadam inflammationem ibidem grayissimam, & æstum accendere, *Penis* erectionem, & vehementes urinæ ardores excitare. Et vix quidem ausim inficiari, quin, si hic Pulvis ad *Urethram*, aut *Vaginam* extrinsecus apponatur, ulcera & graves inflammationes cierentur, atque ingens simul liquoris *Effluxus Gonorrhœæ* haud dissimilis erumperet, etsi forte istiusmodi Liquor neque tanta acrimonia & malignitate imbui, nec tantam, quanta in *Gonorrhœâ* deprehenditur, fluminis diuturnitatem obtinere videatur.

Quandoquidem igitur virus, quod præ manibus est, acri quodam & penetranti spiritu imbuatur, quid ni per *Urethram* atque *Vaginam* conspergere ulcera, Glandulas omnes ferire, & stimulare, & ingentem, sicut *Cantharidum* vis, Humorum copiam glomerare valeat? Accedit etiam, quod pro certo scimus, subtile *Gonorrhœæ* venenum multo vehementius se agitare, celatum & quasi sepultum subito nonnunquam resurgere & redundare, mutationemque demum Liquoris glandulosi & depravationem multo graviores inducere posse, quam universus *Cantharidum* impetus minaretur.

Quod si adhæc incredibilem Glandularum numerum, si Ductuum, quibus gaudent, excretoriorum brevitatem & amplitudinem animis nostris teneamus, Copia *Effluxûs* pariter & Diuturnitas manifestius explicabitur. His itaque omnibus æquo animo sumptis & perpen-

#### 40 GONORRHOEÆ VIRULENTÆ,

sis, non vereor quin sententia fuerit, omnem Liqueoris copiam, quantacunque unquam cernitur in *Gonorrhœâ*, à *Vaginæ* atque *Urethræ* Glandulis suppeditari posse, si modo vis stimulativa accesserit.

Cor. 1. Hinc facilem Experimenti, a *M. Blasio* memorati, solutionem habemus, qui quasdam mulieres, nullo licet inter coitum semine ejecto, contagem suscepisse refert.

Hoc autem Exemplum Hypothesin ab eo ejusque secutoribus exstructam funditus evertit, sed facillimum est Explicatu, si nostra de sede & Materia *Gonorrhœæ* Theoria admittatur.

Cor. 2. Nostra insuper Doctrina Fœminarum *Gonorrhœam* in *Utero* collocandi necessitatem nobis nullam imponit. E contra vero Adversarius abesse non potest, quin ad ejusdem Phænomeni in duobus ejusdem Generis exemplis exorti explicationem duas Hypotheses adhibeat, quæ (si concedamus) symptomatibus tamen in Mulierum *Gonorrhœâ* deprehensis nequaquàm satisfacerent: uti ex iis, quæ & in præsentī & in superiori capite dicta fuerunt, luculentissimum efficitur.

Verumtamen non desunt nonnulli, qui Exemplorum ex Praxi supra desumptorum, horum etiam, quæ in speculatione solâ versantur, Theorematum ignari vix unquam se in animum inducent, ut Liqueorem a solâ Glandularum Ductuumque excretoriorum stimulatione centies milliesve augeri posse credant. Sin autem in hoc genere studii inchoati prorsus



# SYMPTOMATA, MATURA, &c. 41

fus non sint & absurdi, necesse est, ut a supra  
 allatis rationibus vincantur, si ea sola, quæ  
 Mulieribus, *Fluore albo* laborantibus, accidunt,  
 in memoriam revocent, Liquorisque copiam  
 in *Vaginâ* vulgo repertam cum incredibili istius  
 morbi profluvio conferant. Constat tamen in-  
 ter omnes hoc magnum flumen a malâ tantum  
 corporis valetudine proficisci, coloremque ejus,  
 atque alias qualitates, tantam cum *Gonorrhœâ* si-  
 militudinem habere, ut Medici parum periti  
 non est inter utrumque morbum dijudicare.  
 Quamobrem mirabilis Liquoris copia, in *Fluo-  
 re Albo* erumpens, non modo plurimum confert  
 ad meliorem in Mulieribus, verum etiam in  
 Maribus, *Gonorrhœæ* explicationem.

Hâc ratione igitur universæ, quæ reperiun-  
 tur in *Gonorrhœâ*, difficultates paucis verbis con-  
 ficiuntur, & Symptomata fiunt facillima intel-  
 lectu, si modo Hypothesi nostræ, quæ ad sen-  
 sus ipsos se reddit accommodatam, perpaulu-  
 lum concedamus: Adeo ut quicquid posthac  
 diligentia in Experimentis sedulo colligendis,  
 & in omnibus Symptomatibus, quæ aut ingra-  
 vescente morbo, aut decedente versantur, ante  
 oculos ad Hypothesin nostram redigendis, &  
 quasi conformandis, adhibebitur, ad eum tan-  
 tummodo finem dirigetur, ut addantur (quantum  
 fieri potest) Evidentiæ lumina, non ut veritatis  
 radices refigantur. Prius autem quam propo-  
 situm perficiam, aut ea, quæ universim posuimus,  
 sigillatim perstringam, non fastidiosum erit (ut  
 opinor) Lectoribus, si quæ de *Lue Venereâ* &  
 de origine *Gonorrhœæ* senserunt Veteres, recita-  
 vero.

## 42 GONORRHOEÆ VIRULENTÆ,

*Fernelii* igitur verbis utar, qui sensum eorum non sine elegantia complectitur.

„ Vapor deinde, aut spiritus ductu cavo Pudenti introrepens (neque enim credibile est, humoris quiddam eo subire) venæ cavæ sanguinem arteriæque majoris Spiritum labefactat. Tunc enim Bubo prorumpit in Inguine: hinc vasis spermaticis, renibusque affectis *Gonorrhœa* se prodit; quâ virus velut eructando turpissimè ejicitur.

### CAP. V.

*Ab acri Materia inter Sexus sparsâ, atque communicatâ, Gonorrhœa ortum ducit.*

**N**atura Acrimonix, quæ *Gonorrhœam* constituit, viresque, quas cernimus, incredibiles in clariorem lucem proferentur, si cum aliis humoribus acrimoniâ imbutis, sive ii sint, qui in structurâ humani corporis reperiuntur, seu qui ex artificiosâ permissione proveniunt, comparisonem instituemus. Imprimis igitur, si *Gonorrhœæ* virus in Tincturam, ex *Violarum* floribus confectam, aut in succum *Heliotropii* infundatur, protinus Hic in cupreum colorem migrabit, illa verò rubedinem paulo dilutiorē exhibebit. Cum autem similiter colorem utriusque Liquoris in rubedinem Acidus spiritus soleat convertere, indicio est, Materiam in *Gonorrhœæ* cursu promanantem acidi & corrosivi salis rationem obtinere. Sed cum usu per-  
sæpe

sæpe comperimus, quod hoc virus, (etsi major copia ejus sit, quam quæ *Carcinoma* excitare, multo autem major, quam quæ *Gonorrhæam* solet progignere,) *Peni* ipsi admotum, nullam prorsus ibi pustulam aut ulcus elicit, nec usitatas Acidorum vellicationes præ se fert, nec delicatam ipsius Glandis substantiam, nudato licet capite in quibusdam viris eminentem, expugnat; cum verò e contra in aliis hominibus, qui Glandem nunquam nisi in Coitus articulo Præputii expertem habent, sædum aliquando *Carcinoma* glomeretur; tuto igitur est colligere *Carcinoma*, haud æque in duabus Glandibus, (quæ eandem plane substantiam, diversam verò Cuticulæ integritatem sortiuntur) ab hujus Liquoris acrimoniâ excitari, qui nihilominus tantas vires exerit, ut exulceratam cutem (quod ab ignibus & aquis fortibus fieri solet) ad rugosam, exusti carbonis instar, siccitatem redigat.

Quemadmodum verò quælibet pars Cuticulæ, si *Spiritus Vitrioli*, *Stibii butyrum*, *Lapis infernalis*, aut quodcunque aliud medicamentum Escharoticum apponatur, simili ferè uredine percellitur, ita non ibo inficias, quin *Gonorrhææ* virus ab istis medicamentis Acrimoniâ multum superetur; in eo autem vincit, quod novas, mistione cum debito humore factâ, vires adipiscitur. E contrario autem pro certo habemus, contagiosam hujus Morbi materiam, si cum aliis omnibusejusdem generis liquoribus, in humani corporis fabricâ unquam repertis, comparatio struatur, præ cæteris vi corrosivâ eminere. Acerrima equidem sanies, quæ ex  
ulce-

## 44 GONORRHOEÆ VIRULENTÆ,

*ulceribus scorbuticis*, ex *Herpete Miliari*, aut *Cancro exulcerato*, aut *Phagedænicis*, *Chironiisve ulceribus* ebullit, tenerrimis partibus Corporis, largo licet flumine, admota non modo ulcus nulum, sed ne pustulam quidem aliquam, inducit.

Ex iis, quæ jam diximus, natura hujus Acrimoniae atque conditio colligi potest, sensibus sese manifestius proditura, cum Symptomatum, quæ in Morbo occurrunt, Historia accesserit. Deinceps igitur Operatio *Acidi Spiritus* excutienda est, qui fortiores eundo mirum in modum vires adipiscitur, & universos humanæ Fabricæ succos depravans, vitam prius aliquando extinguit, quam ipse ad ultimum statum, & quasi periodum perducitur. Modum verò, quo Infans virus se exerit, & *Gonorrhœam* cum suo Symptomatum Satellitio infert (cum ad Institutum nostrum magis sit) paulo enucleatius expendemus. Perniciosa Liquoris Acidi actio in eo potissimum consistit, quod vasa corporis, quibus infidet, crebrâ & vehementi contractione percellat. Hæc verò vasa (quando aut à Naturali suâ Elasticitate, aut à celeri motu Liqueorum, quos continent, plus minus in pristinam conditionem restituantur) Effluxum Humorum, quos aut secernunt, aut continent, uberiolem jugiter effundunt. Itaque oscula excretoriorum canalium atque ipsi lacunarum ductus ab acri contagis spiritu, quasi calcare quodam stimulati, Liquorem ab hisce Ductibus proficiscentem antrorsum urgent cum impetu virtuti stimulatrici, cæteris paribus, proportionato.

Hinc

Hinc ea omnia, quæ per totum *Gonorrhææ*, five prudenter seu imperitè suppressæ, curriculum contingunt, luculenter deducamus; quippe cum vis stimulativa sit ipsa contagies, cumque etiam vasi admoveatur, quod multo vehementius quam *Glandis* substantia, tactum refugit, non possumus dubitare, quin virus *Gonorrhæam* inducens multo minus copiosum sit, quam quod *Carcinomat*i originem largitur: adeo ut veneni quantitas, quæ ad *Gonorrhæam* sufficit, millesimam fortasse Grani partem pondere non excedat. Si enim inter contagiosam *Carcinomatis*, & *Gonorrhææ* materiam comparatio ulla potest intercedere, ex ante dictis efficiatur, nullam prorsus *Gonorrhæam* exorturam.

Ex meâ Hypothesi palam fit, *Carcinoma* intus natum & collectum *Gonorrhææ* flumina reprimendi, ne foras erumperent, potestatem habere; Quod licet in experientiam sæpenumero incurreret, sefellit tamen multos, & in ægroti hominis periculum & in Medici offensionem male redundavit.

Quamobrem operæ pretium erit hujus Generis exemplum, quod in meam exercitationem incidit, attexere; Quodque si attento & sagaci animo excipiatur, non solum ad Symptomatum cognitionem, sed & ad ipsam Medelæ rationem rite percipiendam magnopere conducet.

*Carcinoma*, de quo verba facturi sumus, in *Glandis* radice emicuit, exiguam in initio formam habens, & ad Medici consilium, cum  
nul-

## 46 GONORRHOEÆ VIRULENTÆ,

nulla *Gonorrhœæ* suspicio esset, per multos dies non referebatur. Tametsi verò *Carcinoma* subitam præ exiguitate curationem polliceri videbatur, tamen unguento meo, ut majoris momenti *Carcinomata* solent, non cessit, sed vires ultra sparfit & partes undique proximas irritavit: Quæ pessima cum ego adverti judicia, statim in eam incidi opinionem, ut arbitrarer, contagium suas omnes in *Urethrâ* radices agere, & *Gonorrhœam*, disrupto *Carcinmate*, cito foras erupturam. Protinus igitur interna ægroto medicamenta adhibui, quæ corrosione prius feliciter compressa, tribus Hebdomadibus post Coitum lapsis, *Gonorrhœam* tandem induxerunt. Notatu quoque dignum est, quod Effluxus non se (ut vulgo accidit) pedetentim glomeravit, sed magna subito copia Liquoris (ut in Recidivationibus, ubi profluvium à Medicamentis Restringtonibus fuit coërcitum, fieri solet) duo scilicet cochlearia, duodecim horarum spatio, repleturi fundebatur: ex quo luculentissime efficitur, Humorem Glandularum Odoriferarum corruptum fuisse & paulo uberius secretum, cætera tamen erumpere non posse, donec incrustatum *Carcinoma*, à quo repressus fuit, prius dissolveretur. Rem familiari cuidam meo, in *Luis Veneræ* exercitatione spectatissimo, cum Ego forte impertirem, ille etiam quamplurima in sua Praxi hujus Generis exempla, quorum Ratio sibi stetit in occulto, offendisse confirmavit. Ex iis vero unum, quod mihi maximi momenti esse videtur, eo-que magis, quia & Medicus & Ægrotus jam va-

lent

lent superstites, subjungamus.

Cum à quodam *Lue Venereâ* oppresso Familiaris meus vocatus esset in subsidium, intelligebat, præviæ *Gonorrhœæ* suppressionem per Cathartica Medicamina fuisse confectam, pauca autem Restringentia adhibita fuisse. Profluvium quoque bene & brevi prius decessisse, tribus verò septimanis post lapsis de integro exundasse: ingravescens Effluxus, iisdem planè rationibus relevatus, ad mensē delituit, tum vero iterum emergens ab iisdem Medicamentis reprimebatur: statim à recenti hac suppressione *Exostosis* eminuit in ægri frontem, complanata verò fuit refluenta *Gonorrhœâ*, quæ per prædictas rationes rursus retenta per aliquot menses perstitit, donec matura demum in *Luem Veneream* verteretur.

Neque equidem Medicus ipse, quo Æger utebatur, nec Familiaris meus, quod aut in curatione, aut in discessu *Gonorrhœæ* reprehendi potuit, nihil habuerunt; adeo ut gravis utriusque fuerit admiratio, unde *Venerea Lues* tam subito extiterit. Accedit quod *Gonorrhœâ*, cum diu multumque promanaverit, omni vi sua & quasi spiculo plerumque spoliatur: majori igitur admiratione dignum est *Veneream Luem* Effluxui tam diuturno supervenire, si Prudentia Medicorum reprehensione iusta caruisset.

Verum hæc omnia jam mirari definemus, quæ multo magis ante mirabamur, si *Carcinoma* in *Urethrâ* latitans supponamus. Vis enim *Carcinomatis*, prædictis curandi rationibus aliisque, quæ infra significandæ sunt, adhibitis mitigari, nec-

# 48 GONORRHOEÆ VIRULENTÆ,

necnon Effluxus inhiberi potest: si enim minima *Veneræ Labis* particula non penitus subacta supererit, repente partes proximas tentat & quasi vocat in societatem, universam sanguinis massam tandem pollutura. Quando igitur cessante *Gonorrhœâ* ulterior usus Medicamentorum amoveri solet, *Carcinoma* tuto sese interea agitat, & collectis iterum viribus erumpit in *Gonorrhœam*, quæ per antedictas methodos repressa alternatim postea renovat sua flumina, donec aut ad perfectam medelam, radice mali funditus evulsâ, perducitur, aut repetitis nimium viribus, in *Venerream Luem* adolescit.

*Εξοσώσεως* subsidentia cum *Gonorrhœa* reflueret, maximam sine dubio admirationem habet, non caret verò facili explicatione, si quæ in secundâ hujus Tractatus parte superius dicta fuerunt, diligenti animo percipientur. *Alexander Trajanus Petronius* hanc rem aliqua ex parte compertam habuit, cum curationem traditurus, quâ *Gonorrhœa*, quæ Purgantibus aliisque Medicamentis restitit, tractanda est, addit.

„Sæpe enim hac existenti reliquum corpus  
„ab interna Gallici Morbi Labe vindicari consuevit.

Quemadmodum verò hæc vis stimulativa continuo suas exerit vellicationes, ita quod Effecta ejus continua quoque essent, necesse est.

Hinc fit, ut Materiam noctes & dies & in omni situ corporis jugi flumine effusam deprehendamus. Notatu quoque dignissimum est, quod hic Liqueor non tantum multò citius, quam si ulcus aliquod generetur, foras se prodit,



dit, sed etiam multo albidior est & viscosior quam Ulcus (ut ex supra dictis patet) unquam cernitur. Ex quibus manifestum efficitur hunc album viscidumque Liquorem, qui tam subito foras apparet, nihil aliud esse præter Humorem Lacunarum, non multum contage vitiatum, & ab acido spiritu evocatum.

Hæc quidem prima Affectio, utcunque vulgaris sit, à supra memoratis Hypothesibus evolvi non potest, si enim omnia, quæ accidunt in *Gonorrhœâ*, *Vesiculis seminalibus*, pro sede morbi assignatis atque acceptis, explicari possent, tamen Effluxum fieri prius posse, quam *semen* aut *Prostatarum Liquor* est corruptus, nemo affirmabit. Quod si corruptio ibidem supponatur, necesse est, ut Liquor eodem, quo recens corruptus imbuebatur, colore, vel flavo semper, aut viridi perfusus emanet; quod Experientiæ adversatur. Præterea, si corrupta hæc materies ex Pure confletur, tum pessimas in Primordiis suis conditiones, maximam nempe flavedinem aut viriditatem habitura esset, quod nequaquam deprehendimus. Quando autem hoc Symptoma Hypothesi nostræ tam facile se reddit explicatu, novum exinde opinio nostra firmamentum assequitur.

Liquor equidem, qui incipiente morbo albus & viscidus apparet, ingravescente eo rarior & flavus & viridis evadit. Raritas autem ex accedente secreti Humoris copiâ repeti magna ex parte debet, etsi fortasse ad liquorum aut salium, qui flavedinem efficiunt, naturam quodammodo referatur. Flavus verò color partim

## 50 GONORRHŒÆ VIRULENTÆ,

flavis humani sanguinis humoribus, partim etiam acidis salibus, qui *Gonorrhœam* excitant, debetur. Quod ad primos spectat; pro comperto habemus Liquores, si secretio in hisce locis præcipitetur, aut si qua læsio forte offendat Glandulas, impuros magis, quam alias, & mixtos separari. Hinc confirmatur, quali ratione Fel hoc Liquore permistum colorem flumini flavum subministrat. Hoc verò non tantum à sensibus nostris non abhorret, sed etiam ad quotidianam Experientiam accommodatur: In *Scrophulosis* enim aliisque id Genus ulceribus Humor ebulliens intensiori, quam quâ *Gonorrhœa* insignitur, flavedine suffunditur, quamquam color fortassis, cum in linteolum exarescat, paulo debilitatior exhibetur: cujus causa est, quod horum Ulcerum Liquor, (cui color subjicitur) cum *Gonorrhœæ* latice rarior sit, citius exarescat atque abeat in vapores. Cum verò hæc flavedo quiddam cum contagiosis Ulceribus, quiddam quoque cum non contagiosis communicet, quidni colligamus flavum in utrisque Colorem ab eadem causa, à biliosis nempe sanguinis particulis proficisci? præsertim etiam cum usu frequenti cernimus *Gonorrhœam* sæpenumero ad optatam medelam perducì, quando ad ultimam utique guttam Flavedo perseveraverit. Res autem se ita habere non posset, si Flavedo semper pars sit, vel indicium Contagionis.

Quandoquidem verò flavi laticis, qui durante *Gonorrhœa* effunditur, suppressioni *Venerea Lues* sæpe succedat, probabile admodum est ipsam

ipsam contagem à naturâ ita esse comparatam, ut Flavedinem excitaret: & conjecturâ quoque consequimur, quod Acidi salis rationem flava hæc & corrosiva materies obtineat, quia viriditatem (reliquum Effluxus colorem) Mistione cum Urinæ salibus, aut Alkali, animalibusque Lymphæ particulis factâ facile inducit.

Cor. 1. Ex his luculenter constat, quo citius Profluvium erumpit, eo vehementiorem, cæteris paribus, acrimoniam fuisse; eo autem leniorem, quo diutius cohibetur, nisi forte *Carcinoma* intus delitescat.

Cor. 2. Profluvii incrementa proximis post initium quatuor aut quinque diebus allata se habent, ut gradus corrosivæ virtutis in isto temporis intervallo acquisiti.

Cor. 3. Effluxus color eo intensior per singulos istos dies efficitur, quo major accedit copia salium, quorum ratio præ Fluidorum quantitate indies accrescit.

Cor. 4. Profecto Effluxu *Veneræa Lues* generari nequit, quia Contages per *Pudenda* penitus ejicitur, quæ, si forte Egressus denegetur, refluit in sanguinem & Luem polluendo veneream inducit. Schol. Ex omnibus his simul sumptis manifesto efficitur, materiam *Luis Veneræ* esse venenum quoddam, quod sibi cæteros Humores assimilandi facultatem habet, quodque idcirco nunquam, nisi internis curandi rationibus adhibitis, radicitus evellitur.

Prius tamen, quam præsens caput conficiam, valde ad rem erit, si unam *D. Blenii* observationem breviter perstringam, utpote quod

## 52 GONORRHOÆ VIRULENTÆ,

singularis admodum notæ est, & totam ejus sententiam de sede & natura *Gonorrhœæ* funditus evertit. „Quando, inquit ille, premente „*virulenta Gonorrhœâ*, ingens mingendi desiderium excitetur, quando quoque materiæ „Effluxum, qui Canalem suum vexat, undique „& percellit, viridulo quodam aut flavo colore perfusum cernamus, tum dubitare non possumus, quin Vesica Partesque proximæ inflammantur. Superius verò luculenter ostendimus, quanta absurditate hujus morbi sedes „ad Vesicam referatur.

Notatum quoque vellem, quod hic Vir certam vesicæ Inflammationem ab hac Liquoris viriditate aut flavedine significari vult.

Quid igitur de mulieribus est censendum, quæ de viridulo hoc & flavo Effluxu participant? Harum verò Vesicam hujus morbi participem esse ille ipse non concedit. Sed ne amplius immorer in debili ejus Hypothesi redarguenda; illud, quod Medici fere omnes ostendunt, animadvertendum censeo, materiam nimirum *Gonorrhœæ* absque ulla Penis erectione in Maribus, & absque ullo Titillationis stimulo in utroque sexu exundare, sicuti hoc Symptoma æque in miti & quasi inermi *Gonorrhœâ* atque in virulenta deprehenditur, non est ut pro formali hujus indicatione accipiatur. Utrinque autem Ratio est, quia Flumina hujusce morbi vel valvularum, quæ vasculis spermaticis appenduntur, relaxationi, vel Liquori a Lacunarum stimulatione concitato originem suam debent. Hi verò Effluxus, cum neutrâ  
ex

ex parte aut causæ sint aut effectus cupidinis, nullum prorsus voluptatis sensum excitant.

Magis verò esset accuratæ veritati consonum notavisse, quod stimulativa hujus acrimoniæ vis tantam in initio & fine morbi Titillationem Penis progignit, ut vix unquam *Gonorrhœa* reperiatur, quæ iis temporibus non secum affert nocturnas Pollutiones.

Quæ ad vulgares *Gonorrhœæ* indicationes universim pertinere visa sunt, nec non natura, sedes, & causa hujus morbi satis fuse sunt explicata, illud proximum est, ut videamus, an Hypothesis nostra ad Symptomatum omnium explicationem quadret, & ad eorum molestias mitigandas sufficiat, dum morbus ipse, à quo hæc mala propagantur, præcipuam Medici curam studiumque occupat.

## CAP. VI.

*De acutis Doloribus, qui inter mingendum cientur.*

**D**olor, qui inter mingendum excitatur, tam constans est *Gonorrhœæ* affectio atque comes, ut pro ipso morbo persæpe à Gallicis Scriptoribus substituatur. Quando hic Dolor Infante morbo plane nullus sit, neque gliscit unquam, nisi humores magnopere depraventur; quando etiam multo ante Effluxus suppressionem (vi tantum acrimoniæ retusa) hujusmodi Angor penitus extinguatur, igitur pro solo ejus Symptomate haberi debet. Qua ratione verò

#### 54 GONORRHOEÆ VIRULENTÆ,

hos dolores urina procreat, facillimum erit intellectu, si *Urethram* ex partibus tum membranæ, tum spongiosis, confici recognoscamus. Cum enim Partes membranæ ab acri aliquo Humore vellicentur, protinus nervosæ Fibræ asperitate quadam laceffitæ efficiunt, ut liquores, qui aut jucundum aut nullum plane sensum antea intulerunt partibus, acerrimum jam dolorem atque molestiam inducant. Hinc est, quod urina salinis particulis onusta, & quasi saturata Fibras pungat fortiter & perstringat.

Hæc autem omnia demum clariora innotescunt, si nervosas quascunque humani corporis Fibras, externa cute spoliatas, aquaque falsa aspersas, gravi statim dolore perfundi meminerimus.

Ex eo autem quod Humor (qui ad eum usum a natura comparatur, ut ab urinæ & seminis acredine *Urethram* protegat) vitiatum ipse Fibras feriat, quas debuit tutari, necesse est, ut multo vehementior utique & assidua molestia efficiatur. Quippe Liquor, ab Odoriferis Glandulis suppeditatus, non modo *Urethræ* fistulam, defectu suo nudam atque inermem, incurrentibus ictibus & impressionibus exponit, sed etiam ipse acri spiritu correptus majorem in modum grassatur, multoque graviores, quam urina aut semen possunt ciere, doloris sensum commovet. Hinc igitur magisque elucescit, quemadmodum delicata *Urethræ* substantia falsedine Laticis percellitur.

Sicut autem caloris perceptio, cum lotium nobis calidum decurrat, Doloris perceptionem

secum semper ferat, mentem facile inducimus, ut urinæ æstum esse Doloris causam judicemus. Porro cum urinæ æstum pariter atque Dolorem à Liqueorum, qui fervido spiritu imbuuntur, potu provectum Medici deprehendant, idcirco hanc Experientiam non solum vocabuli Idiotismo, verum etiam Symptomatis explanationi sufficere existimaverunt. Illud etiam ex eo magis confirmari videbatur, quod tenui potu accepto, & æstus & dolor sensim deferveret.

Quandoquidem autem veram Doloris causam superius indicavimus, nullius negotii erit hæc Exempla tot Paralogismorum fœcunda evolve-re & explicare.

Si enim falsus hic Liquor certam humani corporis partem, cum cutis integumento spoliatur, acerbo possit cruciatu conficere, tum ædepol quo copiosiori falsedine Liquor oneratur, eo major aut certe constantior Doloris sensus erit: & è contra, quo minorem falsedinem ferat, eo etiam minus erit ad Dolorem excitandum accommodatus.

Illud insuper pro certo habemus Liqueores, qui homines inebriare solent, universos (nisi supra modum accipiantur) urinæ serum diminueret, eos vero, qui ad Aquæ conditionem inclinant, exaugere; eoque melius quo frequentiori haustu ingurgitantur; cum igitur feri quantitas, à spirituosissimis Liqueoribus minuat, ab aqueis vero & tenuibus incrementum capiat, necesse est, ut sales, qui urinam ingrediuntur, supra naturalem modum in Temulen-

## 56 GONORRHOEÆ VIRULENTÆ,

tis hominibus glomerentur, atque adeo gravio-  
rem molestiam inducant; in Aquæ autem po-  
toribus rariores sint, & minori fibras acrimo-  
nia exagitant. Quapropter acutus inter min-  
gendum dolor (nulla alia caloris aut frigoris  
Liquorum, quos bibimus, ratione habita) aut  
seri copia imminuenda intenditur, aut augmen-  
tanda relevatur. Hæc verò omnia clariora  
erunt, si eadem Operatio à ficcis Medicamen-  
tis perficiatur. Si unum enim Medicamentum,  
cujus vires in ciendo lotio exercentur, alte-  
rum autem, quod seri copiam in alias corporis  
Glandulas projiciat, adhibeatur; Relevatio,  
quæ à priori Medicamento, & fuscitatio Dolo-  
ris, quæ ab altero provenit, (quanquam hi Ef-  
fectus plane diversi sint) certa tamen semper &  
definita deprehenditur, ex quibus omnibus uni-  
versim sumptis manifestius patet acutos Dolo-  
res, qui, dum urina redditur, sentiuntur, ab  
urinæ salibus excitari, adeo ut hic ardor urinæ  
à Latinis & Gallicis Scriptoribus ad hoc tem-  
pus fuit male enodatus. Quanta vi Calor di-  
scutere sales urinæ & in inermes fibras impelle-  
re queat, non est hujus loci dicere (quod etiam-  
si dicatur) novam Theoriæ nostræ confirma-  
tionem esset additurum.

Ex eo autem quod primæ atque ultimæ gut-  
tæ, cum redditur urina, graviolem semper  
dolorem incutiant Ægrotis, *Veteres Medici* sus-  
picionem Calculi in Vesica latitantis habue-  
runt, qui talem fere sensum solet, qualis in  
*Gonorrhœâ* percipitur, fuscitare.

Verum hæc Affectio ex iis, quæ superius  
dicta



dicta erant, facillime eruitur. Quemadmodum enim falso lotio, quod per exulceratam *Urethram* deferitur, dolor debetur, ita vehementior utique erit, si urina ibidem tamdiu diverfetur, donec falis particulæ ab erumpente Liquore diluantur & diffolvantur: at verò fœdum virus *Gonorrhœæ* primas urinæ guttulas aliquantisper irretit in cursu, atque extremas quoque detinet, quo minus a canali sese cito expediant; ex quo fit, ut Homines acerrimum, & incipiente & cessante impetu mingendi, dolorem sentiant, quoniam lotii Sales, cum iis præcipue temporibus urina detineatur, altius in *Urethram* inferunt sua spicula, & infigunt.

Obiter quoque notandum est, quod sicut in eo loco, ubi corpora cavernosa Glandi annectuntur, mingendi æstus & dolor excitatur, ita recens exinde Argumentum delabi videtur ad Opinionis nostræ confirmationem, & nullum prorsus Liquorem ex *Prostatis* cæterisque remotis locis, tanquam ex fontibus, promanare, ex obliquo demonstrat.

Urinæ ardores, quibus mulieres hac *Ægitudine* affectæ percelluntur, iisdem sane rationibus innituntur, quibus nos usi dolorem in maribus enodavimus; etsi illarum dolor haud morbi sedem tam certo fortassis & commode, ac virorum, quibus urina per totam partem exulceratam spargitur, designet: Illud enim est probabilius *Vaginarum* Fœminarum totam affligi; doloris verò aculeos in Lacunis inferioribus, quæ *Urethram* subeunt, quæque idcirco solæ lotio irrigantur, percipi & contineri.

58 GONORRHOÆ VIRULENTÆ,

Nimirum hic ardor urinæ, quem pro Symptomate nos recensemus, ita passim in ore *Gallicorum* Scriptorum versatur, ut (si iis credendum sit) dignus videatur, qui morbo ipsi nomen præbeat, omneque Medicorum studium ad relevationem ejus & medelam vocet. D. *Blenius* (a) profecto profluvium materiæ ab urinæ dolore disjungit, magnopere tamen laborat, dum utriusque terminos describere, & alterum absque altero existere posse contendit; ex iis autem uter partes in *virulenta Gonorrhœa* majores agat & graviores, expedire nullo modo potest: quanquam paulo infra ostendat se (b) discrepantiam istam abunde manifestam reddidisse.

Hoc propositum a D. *Blenio* discrimen inter *Gonorrhœam* & urinæ ardorem ab universis *Gallicorum* Scriptorum patrociniis defenditur: atque alter ex eorum numero Vir probatus, dum paulo fusiori calamo rem satagit evolvere, in majores difficultates atque errores incurrit.

„(c) *Gonorrhœa*, inquit, in duas species distinguitur, quarum una ab impuro Con-  
 „bitu inducitur, & propter materiam viridem,  
 „flavam atque acrem ex Pene projectam *Viru-*  
 „*lenta* nuncupatur. Altera verò *Urinæ ardor*  
 „dicitur, qui vegetum quendam palpitantem-  
 „que æstum mingentibus ægrotis infert, &  
 „vel a nimio Veneris fervore, vel ab immodi-  
 „co tenuis cerevisiæ potu proficiscitur. Pro-  
 „fluens hujus materia, quæ seminis nomen non  
 „me-

(a) Pag. 125, 126.

(b) Pag. 127.

(c) Verduc. Tom. 2. *Suite de la Pathologie*. p. 10, 13.

„meretur, aquea est & limpida, & ad albu-  
 „minis fere speciem composita, nullumque  
 „voluptatis sensum inter decurrendum exfusci-  
 „tat. Quod si forte hic æstus non remittat  
 „aliquid, sed in plurimos dies ingravescat, tum  
 „*Virulentæ Gonorrhææ* conditionem induit, ve-  
 „hementemque Penis distensionem, maximam  
 „excandescentiam, maciem demum & lan-  
 „guorem & molesta id genus Symptomata  
 „inducit.

Ipsa quidem harum descriptionum ratio con-  
 fusos potius hujusce Scriptoris & Sectatorum  
 animos indicare, quam justum aliquod inter  
 duas, quas assignat, *Gonorrhææ* species discrimen  
 ponere videtur: Symptomata enim ex  
 utraque parte eandem plane, (quantum ad *Gonorrhæam*  
 pertinent) faciem ostendunt: neque  
*Gonorrhæam* illam, quam Medici *Simplicem* vo-  
 cant, in *Virulentam* abiisse Experientia unquam  
 confirmavit: adeo ut discrepantiam, ab hoc *Au-*  
*thore* constitutam, fingi potius in phantasia &  
 adumbrari, quam vim aliquam in natura &  
 fundamentum habere merito judicemus. Uri-  
 næ ardorem, quem ille jactitat, quemque etiam  
 sub Symptomatis ratione nos supra accepimus  
 & explicavimus, non est ut ulterius prosequa-  
 mur. Illud tamen audebo dicere, aliam quam-  
 vis *Gonorrhææ* significationem ad eum finem  
 multo commodiorem fore, quo magis hic mor-  
 bus in diversas species decidatur. Præterea  
 macies & languor ab eodem Viro quoque ad  
 lucem excitantur; neque enim alibi apud *Me-*  
*dicos* Scriptores exstiterunt in signorum nume-

ro, quæ *Gonorrhœam* consequuntur. Verum horum omnium hallucinationum radix ex eo deduci videtur, quod hi homines *Gonorrhœam* ad optatum exitum, extincto urinæ æstu, statim perferri animadverterent.

Quando autem Symptomata omnia a singulorum morborum fontibus promanant, ita certe quo leniora indies & remissiora hæc sensibus præbeantur, eo etiam apertius mitigata morbi rabies & vires fractæ denotantur.

Cum igitur urinæ æstum (qui ex eo prorsus excitatur, quod interiores *Urethræ* partes a vi stimulativa percussæ integumentis præsidio spoliuntur, atque acutis urinæ salibus pateant) sedatum paulo &, falfedine lotii etiamnum superstitite, defervescentem videamus; certissimum est colligere, gratam illam mutationem & medelam ex virtutis stimulatricis remissione omnino proficisci; ex qua ratione efficitur, urinæ ardorem leniri semper prius debere, quam materiæ flumina ad extremam guttam deveniant.

Hisce omnibus rite perpensis, *Profluvium Humoris* præcipuum esse & Pathognomonicum hujus morbi indicium, ardorem verò lotii, aliaque Symptomata, de quibus infra dicendum est, a sola materiæ virulentia provenire, necesse est ut concedatur.

## CAP. VII.

*De Constrictionis dolore, qui Pene erecto percipitur: de Glandis & Fræni inflammatione: necnon de Hiatu, qui in Urethræ extremitate deprehenditur.*

**V**is illa, quæ *Penem* rigidum constringere videtur, ita adhuc in abdito delituit, ut ex Medicis plurimi absolutionem ejus vix ausi sint attingere, plurimi etiam a *Fræni* inflammatione, (reclamante licet *Experientia* & *Veterum* suffragiis) haud sejunxerunt. *Iodocus Lommius*, non sine assensu aliorum, qui de Medicæ artis studio optime meriti fuerunt, cum de Ulcere in *Urethra* glomerato disceptetur, addit „perfectam istiusmodi Ulceris generatio-  
„nem a certo quodam dolore significari, qui ta-  
„lem sensum in Pene exsuscitat, ut veluti fune  
„substringi videatur.

Quando autem hic dolor cum eo prorsus conveniat, quem sermo Gallicus *Chordee*; Anglicus verò *Corded* appellat, maxime esset ab istarum Linguarum Idiomate alienum, si quis forte aliquem à *Cordee* perstringi dicat.

Verum in Praxin Medicam multo magis injusti essemus, si hoc Symptoma sensibus tam obvium & manifestum suppressere & celare, aut in aliam partem tanquam in exilium transferre conemur, quo melius ab ignorantia rei, quæ difficiles explicatus habet, mentes nostras  
vin-

vindicemus: eo enim pacto Experientia (quod avertat veritatis Amor) adducitur, ut dignitatis suæ fasces vanitati Hypothesium submittat.

Mirari quidem satis non possumus, *Ulcus* aliquod ita posse membrum corporis, ubi insidet, commovere, ut sese vi quadam graviter constringi credat, cum sola partium divulsio & molis incrementum ante Oculos versaretur. Magis in promptu est sensibus judicare, partes contiguas a se invicem recedentes, *Divaricationis* potius sensu quam *Constrictionis* percussas fore.

Adhæc, quod multo magis incredibile videatur, totum *Ulcus* in intima *Urethræ* substantia versatur, vis tamen, quæ exulceratam hanc fistulam comprimit, extra sese agitat.

Hæc nostra Opinio ex iis colligitur, quæ de situ *Urethræ* atque structura supra attulimus. Hic enim Canalis, cum inter cavernosa *Virgæ* corpora propagetur, compressionem, illis inflatis, statim subit, quæ tanto gravior est, quo partes circa positæ vehementius distendantur.

Hinc est quod *Urethra*, cum prematur undique & in angustias redigatur, tali fere dolore affligitur, qualis esset excitatus, si fune quodam circumligetur.

Coarctatam hanc *Urethræ* conditionem adeo molestam fieri alibi annuimus, ut semen atque urina, dum Penis plurimum rigeat, non sine maximo labore & pœna extrudantur.

Cor. 1. Locum, ubi insidet, necnon quousque se spargit Pestis, erectionis dolor designat.

Cor. 2.

Cor. 2. Hinc quoque colligere licet, *Urethrae* regiones, quæ juxta *Vesiculas* seminales sunt sitæ (si ex his virus delabatur) acutiori, quam cæteræ, molestia perstringi debere; quod *Experientiæ* adversatur; atque equidem constrictionis dolor, qui nunquam sese antehac submisit explicatui, ab *Hypothesi* nostra feliciter absolvitur.

Non esset fortassis à præsentī tempore alienum, si tentiginem *Virgæ* fere continuam, quam quibusdam viris infert *Gonorrhœa*, paulo acriori animo contemplemur. Sed cum irritatio, qua *Penis* inter contagiosi *Humoris* decursum indefinenter vexatur, in promptu sit, & perspicuam hujusce *Priapismi* rationem adhibeat, non est ut ibidem ultra consisteremus.

Rapimur potius (quo instituta ratio nos vocat) ad alias strages, quas edit ferum *Gonorrhœæ* virus, ad turpes nimirum *Pforas* & *Ulcera* & *Marcores* perstringendos.

Inter foeda vero vestigia, quæ promanans *Pestis* in *Pene* relinquit, præcipuum sibi locum vindicant *Glandis* & *Fræni Inflammatio*, *Urethrae hiatus*, immania *Carcinomata*, necnon *Phimosis* & *Periphimosis*, de quibus pauca in limine operis locuti sumus.

Inter omnia corporis humani organa nullum reperitur, quod aut graviore poena affligi potest quam *Glans*, aut majori voluptate perfundi: substantia enim ejus, cum plane ex nervis & fibris constituatur, tenuissimaque tantum membrana vestiatur, incurrentium corporum ictibus pene inermis patet, atque impulsus quasi in-

integros excipit & conservat: unde fit, ut *Glans* præ cæteris injuriam ab acri humore & venenato atrocissimam accipiat: Quando enim hujus membri fibræ, cum Renitentia ab altera parte facta nullius fere momenti fit, Penem versus corripiantur, protinus a contractionis vi *Glans* in breviorum statum & densiorem redigitur, sanguinisque vasa, quæ nervis hisce & fibris implicantur, magno impetu compressa inflecti inter se, & velut arcuari incipiunt: his vasculis verò inflexis, contenti sanguinis cursus repente inhibetur, & præternaturalis copia conglomeratur, quæ vesiculas capillares supra modum distentans, gravem undique inflammationem inducit.

Quocirca vis stimulativa ab acri liquore perfecta inflammationem imprimis exsuscitat, quæ propter pellucidam membranæ, qua *Glans* circumcingitur, tenuitatem Oculis nostris paulo evidentius subjicitur. Sicuti autem stimulativo humoris spiritui inflammatio hujus membri debeat, ita semper ad eas partes, ubi cavernosis corporibus *Glans* inseritur, Fibrarum contractio dirigetur, quæ in singulis eo vehementior erit, quo fortior causa apponatur.

Quod si vis ea, qua fibras retrahi deprehendimus, ab *Urethræ* osculo cavernosa corpora versus semper intendatur, necesse est ut *Urethræ* labia divellantur a se invicem, unde *Apertio* ejus sive *Hiatus* proficiscitur.

Ex varia hujus *Fistulæ apertione* consequimur, ut simul de atrocitatis gradibus, quibus sævit virus, atque de Remediorum efficacia, quæ  
vel



vel ad leniendam vel penitus tollendam fluoris acredinem adhibentur, judicium fatis justum feramus; quia quo acrior sit Contagis spiritus, eo etiam Glandis inflammatio gravior, & *Hætus Urethræ* foedior, cæteris paribus, indicabitur.

Quæ de inflammatione, quam virus *Glandi* infert, dicta sunt a nobis, eadem ad *Fræni* quoque inflammationem & spissitudinem evolvendam quam maxime conducunt. *Frænum* enim, quod exterior Glandis membrana conduplicatione sua efformat, eidem quoque fato, scil. inflammationi spissitudinique, subjicitur, si modo eadem Pestis sibi admoveatur, a quâ spissitudine partes ejus in breviorum conditionem coactæ Glandis apicem, cui annectuntur, secum retrahunt. Quod, cum fieri cernitur, *Chordee* a *Neotericis* Medicis jam vulgo nuncupatur: obstrepunt verò *Veteres* universi, qui solum illum constrictionis dolorem, quem erectus *Penis* aliquando percipit, ab isto vocabulo apte denotari existimarunt.

## CAP. VIII.

*De Carcinomatibus & Crystallinis.*

**I**nter prima Symptomata, quæ sese in *Venereo Morbo* produnt, *Carcinomata* numerantur; atque (a) vetus Scriptor significat nobis Tubercula illa (quæ in Glandem aut Præputium, aut in utrumque nonnunquam apparent,) ex acrimonia humorum, qui inter Coitum agitantur,  
E
Vene-

(a) *Ant. Mus. Brasav. pag. 585. Scriptorum &c.*

Venereisque Contagii particulis, quæ in Uteri collo continentur, aut quæ ex Pene Maris profluunt & propagantur, originem suam habere.

His præmissis, pro certo statuimus ingens discrimen inter Fræni Præputiique *Carcinomata*, atque ea, quæ Glandem cæterasque Corporis partes exagitant, intercedere. Hæc enim *Tuberum* quorundam marginibus asperis circumseptorum speciem exhibent; illa verò nunquam supra cutem cernuntur emicantia, substantiamque, quæ manu compressa humorem excernit, duriusculam fortiuntur, & magnam eorum, quæ in Labris inferioribus versantur, (quæque *Cancrorum* nomen gerunt) Ulcusculorum similitudinem præ se ferunt. Cum verò utraque horum *Carcinomatum* species substantiam duram, humores acredine imbutos habeant, cumque etiam de aliis multis *Cancrorum* affectionibus participent, est equidem ut ea *Καρκινώσθαι* dicamus, & vulgaris vocabuli *Cancrici* apud *Latinos*, & *Carcinomatis* apud *Græcos*, acceptatio analogicum nomen nuperis hisce *Ulcusculis* impositum, autoritate iusta præmunit. Quod si quis forte miretur *Carcinomatum*, quæ in Fræno & Præputio delitescunt, medelam in tot ardua atque angustias *Scriptores* coniecisse, is mirari desinet, cum sciat naturam eorum & Symptomata haud satis attento animo fuisse accepta, ex quo fit, ut neque descriptio clara, neque apta (uti jamjam annuimus) nomina relinquuntur.

De Medela *Carcinomatum* non hic est dicendi locus: Qua ratione *Gonorrhœæ* virus, dum per

per Penem delabatur, *Carcinoma* inducat, in præfenti tantum fciscitamur. Cogitantibus autem nobis & memoria duritiem aliasque *Carcinomatum* affectiones reputantibus occurrit partes undique proximas ab acri *Gonorrhææ* fpiritu aut liquores coagulante, aut ignis ad inftar diffipante indurari; adeo ut cum cauftico *Vitrioli* aut *Origani* oleo, cum *Lapide infernali*, aut *Ignè* etiam ipfo, cognationem quandam habere hæc *Peftis* merito exiftimetur.

Sola Humorum coagulatio, aut etiam diffipatio, fatis erit ad eorum, quæ in Frænum & Præputium, cæterasque partes membraneas, graffantur, *Carcinomatum* explicationem: Quæ verò fupra Glandis fuperficiem emicant *Tubercula*, coagulationem Fluidorum potius, vel faltem interclufionem requirunt. Adhæc quoque Liquorum coagulationi magis quam diffuffioni duritiem *Carcinomatum* deberi ex Medicamento cùjufdam ufu ultra confirmatur, quod nonnullis abhinc annis excogitatum in publicas manus nondum ante hac emanavit. Quippe Liquoribus minimo negotio atque dolore a vi hujus Medicamenti refolutis *Carcinoma* abfque fubftantiæ læfione extinguitur; *Efcharoticis* verò Medicaminibus adhibitis caro non fine fuma moleftia imminuitur: Quod multos *Medicos* in eam opinionem adduxit, ut caufam *Carcinomatum* vires igni ipfi haud abfimiles habere credant.

Quando autem ab acri *Gonorrhææ* fpiritu, qui Præputium Glandemque vellicat, *Carcinomata* cientur, igitur Glandes, quo teneriores funt, eo faciliores hanc feram *Peftem* excipient, hæc

quidem est misera istorum Virorum conditio, quibus Glans suo Præputio superintectus nunquam non fovetur: in eorum enim Præputio (quoniam Glans propter continuam obductionem mollis admodum est & delicata) Contages diutius detenta multam sibi moram assequitur, qua & longius latiusque suas vires spargere, altiusque infigere possit.

Hinc igitur Modum intelligimus, quo *Carcinomata* in complexu Venereo communicantur; qua ratione formantur, facilem cognoscendi ansam nobis exhibet *Mercurius Dulcis*, qui (si forte nimius daretur, aut vellicantibus suis salium quasi aculeis haud satis & secundum artem spoliaretur) fere eadem in Linguam atque Genas ulcuscula, quæ in Præputio *Carcinomata* sunt, solet fuscitare.

Cor. Hinc igitur ea, quæ Naturam sibi propriam neque a *Gonorrhœâ*, cujus Symptomata interdum sunt, pendentem vindicant, quæque ex *Venereâ Lue* profluunt, *Carcinomata* facile dignoscimus: idque fit, si justam Temporis, quod inter *Coitum* & *Carcinomatis* exortum interponitur, Conditionumque, quæ *Gonorrhœam* designant, cæterarum rationem habeamus. Hæc autem cognoscere, tantum est negotii, ut acutissimorum *Medicorum*, eorumque in universis *Morbi Gallici* provinciis versatissimorum, aciem eluserit.

Omnia hæc, quæ supra recensentur *Carcinomatum* Genera (utcunque incredibilia nonnullis videantur) agnoscit *Blenius*, quorum verba, quanquam varia *Carcinomatum* discrimina notare,

re, nobisque tradere non potuit, erit operæ pretium recordari.

„Experientia (inquit ille) nos admonuit,  
 „homines permultos Doloribus, Impetigini-  
 „bus, Verrucis Carcinomatibusque vexatos  
 „fuisse, qui Luem tamen Veneream nullam ha-  
 „buerunt.

Significat sane quasdam unicuique Ulcusculo adesse quasi Notas, à quibus una species eorum ab alterâ distingui queat, notas verò illas nullibi commonstravit, quæ a præcedenti *Theoriâ* facile eruuntur.

In proximam nostram considerationem de *Crystallinis*, veniunt *Crystallini*, qui inter pessimos *Gonorrhææ* satellites collocari solent; sunt autem *Tubercula* quædam, sive *Phlyctænæ* aqueo humore repletæ, & *Crystalli* speciem induentes. Cæterum quoniam hæ vesiculæ aquâ vacant aliquando, itaque digito compressæ languescunt, & absque ullo dolore levigantur. *Crystallini* in Præputium solum coacervantur, cuius partes circa has vesiculas undique positæ livido quodam rubore, qualis cernitur in *Contusionibus*, perfunduntur. Cum verò inter ruborem hunc, atque illum, qui a supra memoratis Præputii Glandisque inflammationibus conspergitur, discrimen magnum intercedat, in promptu est, neque *Crystallinos* ipsos, neque circumjacentium partium *rubedinem*, a virulentâ *Gonorrhææ* acrimoniâ ullo pacto excitari.

E regione si colorem subfuscum pariter ac rubrum cum eo, qui in omnibus contusionibus accidit, paulo accuratius conferamus, cum ra-

tione colligere licet hunc etiam ab eadem causa proficisci. Quod si *Contusionem* quandam fieri supponamus, *Phlyctenarum* formatio statim perfacilis erit explicatu, præsertim quoque, si ingentem lymphaticorum vasculorum numerum, quibus hæc corporis pars instruitur, in memoriam revocemus. Quippe lymphæ, (cum iter ejus a contusione intercluditur) vesiculas suas ita distendet, ut naturalis earum Forma, quæ scilicet *CrySTALLINORUM* figuris exquisite respondet, conservabitur. Lymphatica enim neque planam superficiem neque faciem, quam cætera vasa gerunt, tam accurate *conicam* aut *cylindricam* obtinent. Licet enim *cylindrici* generis revera sint, inæqualia tamen & nodosa a multis, quas frequentes eorum valvæ afferunt, interclusionibus redduntur: nempe lymphæ, si forte tardius aliquanto progredi, aut retrorsum cedere cogeretur, in nodos *crySTALLINOS* protinus conglobatur. Manifestum est igitur, quod *CrySTALLINI* a coitu nimio fortasse excieri, nequaquam verò a Contage aliquâ inter concubitum susceptâ possunt proficisci; sed earum partium (ut verius dicamus) quæ generationi inserviunt, ineptitudini adscribi debent.

Partem autem illam, quæ in Fœminis generationi dicatur, *Natura* angustam parit, aut *male Meretricum Artes* efficiunt.

Methodus insuper, quam in *CrySTALLINORUM* curatione adhibemus, opinionem superius allatam haud mediocriter corroborat, sicut enim hæc *Tubercula* absque ullo *Gonorrhœæ* periculo sæpe cernuntur emicantia, ita absque ulla ejus  
ratio-

ratione habita semper sanantur: quod minime fieri potuerat, si essent Symptomata *Gonorrhææ*. Verum magis elucescent hæc omnia, cum ad specialem *Crystallinorum* curationem perventum erit.

## CAP. IX.

*De Phimosi & Periphimosi.*

**E**x *Carcinomatum* atque *Crystallinorum* naturâ tandem patefactâ vix superest occasio dubitandi, quin quod *Phimosi* ac *Periphimosi* a *Carcinomatibus* & *Crystallinis* in Præputium congestis potius, quam ab acri *Gonorrhææ* effluxus spiritu, *Carcinomata* ista excitante, immediate proficiantur; licet quædam forte horum tam sævorum Symptomatum ansa ab acrimoniâ vere præbeatur. Quemadmodum enim *Phimus* seu *Phimosi* est quasi quædam Glandis suffocatio, ita ut Præputium semel productum ægerrime retrahi queat; sic si quando in Glandis collo Præputium consistat, neque ultra possit promoveri, morbus iste a *Paulo Ægineta Periphimosi* vocitatur. Utriusque autem affectionis causa palam in sensus nostros incurret, si quid sit quod motum Præputii promptum lubricumque, quod verò tardum & difficilem efficit, perpendamus.

Balani Glandulæ a Natura (ut suprâ annuimus) comparatæ sunt, ut viscidum quendam humorem separent, qui irrigatione sua Glandem fovet atque lubricat, facitque, ut Præpu-

tium facilius ultro citroque agitetur. Si quando igitur harum Glandularum liquores ultra modum coagulantur, nec in Glandem se conjiciunt, tum sua munia non sine labore magno & molestia Præputium exercet, atque a foedis *Tuberculis Carcinomatibusque* indies vexatum, & miram in spissitudinem coactum, in Glande tandem consistit & commoratur.

Adde quod Præputium, quum non ex unica, sed ex geminata membrana conficitur, *internam* suam, quæ Peni est proxima, membranam constipatam habere possit, dum *exterior* fortasse nulla spissitudine implicatur. Hinc a novo, qui a Glandis suffocatione coguntur, humorum affluxu spissa Præputii amplitudo majorem in modum promovetur, & gravior quotidie *Phimosis* & *Periphimosis* excitatur.

Haud erit (ut mihi persuadeo) ab instituto nostro alienum, si *Phimoseos* cujusdam ex Glandis siccitate & inflatione profectæ Historiam, ubi nulla acrimoniæ, nulla Venereæ Luis suspicio residere poterit, in præsentī attexamus. Hæc *Phimosis* (de qua loquor) infanti cuidam variolis affecto accidit, adeoque vehemens fuit, ut omnis mingendi facultas per bidui spatium præcideretur: Hæc autem inter primam *Carbonum* desiccationem coorta ad ipsam subsidentiam permanfit. *Fæmineum* Genus non modo in *Gonorrhœâ*, verum in aliis quoque morbis *Phimosi* affligitur.

*Phimosis* enim (si accurate dicamus) iis tantum mulieribus attribuitur, quibus adeo arcte stringitur & obseratur Vaginæ Orificium, ut  
omnis



omnis ibi aditus denegetur. Pari verò postmodum ratione factum fuit, quod universæ Corporis partes, quæ a Natura propatulæ comparantur, ab inflatione verò angustæ fiunt & obturatae, idem sibi nomen vindicarunt. Hinc est quod *Labiorum, Palpebrarum, Anus & Præputii* haud rarius, quam ipsius *Vaginæ Phimosin* audiamus. Atque equidem animadversione dignissimum est, hæc Symptomata non tantum primævo suo titulo fuisse spoliata, sed etiam vocabulum illud (*Phimosin*) ita transferri a *Recentibus* & immutari, ut ad eandem rem, quæ apud *Galenum, Æginetam* priscosque Medicos *Periphimosin* est vocata, significandam tradetur. Hujusmodi autem error, qui haud minimam rebus confusionem intulit, ab imperitia potius Medicorum videtur, quam à novitatis studio, profluere. Quocirca mirari satis non queo, eruditissimum *Gorræum* in tam gravem hallucinationem incidisse.

Hæc nominum quoque inversio apud *Blenium* est insignissima. Virorum *Phimosin* (ait ille) est tanta Præputii contractio, ut ad Penis Glandem obducendum extendi non queat, è regione verò ægrorum *Periphimosin* laborantium Præputio Cutis tam firmiter adhærescit, atque ultra Glandis apicem tantopere porrigitur, ut Penis quasi præfocetur, & Glans Cute obducta omnino evanescat.

## C O N C L U S I O.

*Ratio, cur Mares facilius Gonorrhæam quam Mulieres suscipiant, necnon verum inter Fluorem Album & Gonorrhæam discrimen eventilatur.*

**E**x *Gonorrhææ* Natura & Symptomatibus (quæ nobis superior ratiocinandi methodus patefecit) manifestum efficitur, hujus morbi Symptomatumque causam in utroque sexu (quantum partes generationi servientes permittunt) plane eandem esse. Nostra autem hujus Rei explicatio a cæteris omnibus Hypothesibus, quæ pro diverso sexu semper sunt diversæ, quæque plerumque sibimetipsis non constant, quamplurimum distat.

Etsi verò per totum *Theoriæ* curriculum ad Mares potissimum oculos conjecimus, tamen quicquid in fœmineo genere proprium & peculiare reperitur, de manibus nostris elapsum non est. Quapropter totum *Gonorrhææ* ambitum, sicut in utrumque sexum sævit, eventilatum satis esse atque absolutum non est ut dubitemus.

Prius verò quam ad *Gonorrhææ* curationem progrediamur, duo præmittenda sunt, quæ sese antehac haud commode obtulerunt.

Imprimis causam investigabimus, cur Viri multo citius quam Mulieres Contagem *Gonorrhææ* hospitentur; deinde certos inter *Fluorem Album* Fœminarum & *Gonorrhæam* terminos (quod

(quod tanti adhuc negotii fuit) constituere conabimur.

Quod ad primum, pro certo habemus perpaucos Viros, qui rem cum Fœmina hoc morbo afflata habuerunt, contagii (quantulumque sit) immunes evasisse: e contra vero Fœminas, ingentem licet hujus veneni copiam suscepserint, *Gonorrhœam* effugisse Experientia attestatur. Quod si quis hoc forte miretur, is mirari statim desinet, si animadvertat liquorem vitiatum effluere a Viro cum semine commixtum.

Cum verò ejectum semen contagem copia longe superet, cumque etiam mollem admodum substantiam & viscosam sortiatur, igitur verisimillimum est, Pestis acrimoniam, (præcipue cum in Vagina commoratur) aut a superiori feminis abundantia obrui, aut à visciditate implicari & retundi: Quo pacto fit, ut Pestis neque ipsas Vaginæ Lacunas stimulare, neque humorem ex earum ductibus proficiscentem possit vitare. Hinc intelligi satis queat, quomodo sana Fœmina, infectum licet Marem patiatur, impune sæpenumero elabitur: Vir verò, si minimum hujus veneni igniculum excipiat, protinus accenditur & pœnas luit: Contages enim omnibus suis viribus armata ad Viros traditur, neque ulli, nisi ex Lacunis, humori occurrit, qui ad dissolvendos magis & propagandos veneni sales, quam ad obtundendos aut opprimendos, valet.

Huc etiam repetendum est, quod Mulieres, cum suos menses agant, contagem adhuc ægrius hospitantur; sanguis enim tum temporis  
ab

## 76 GONORRHOEÆ VIRULENTÆ,

ab Uteri orificio dimanans non modo irretit & obtundit hos acidos sales, sed etiam fortiter una trahit atque secum projicit e corpore.

Accedit quoque, quod sanguis jugi flumine in *Vaginam* exoneratus per quatuor aut quinque aut plurium dierum spatium indefinenter ex eadem effluit, quo pacto ad Pestem extinguendam magnopere accommodatur.

Neque vero de mollium liquorum viscosorumque facultatibus (quibus ad acidi spiritus stimulos implicandos frangendosque sunt comparati) quisquam dubitare posset, nisi qui Experimentiam ipsam reprehendit, nisi qui olea atrocissima fortissimosque spiritus (si cum lentis viscidisque misceantur) adeo corrigi & castigari, ut in Pharmaca perquam salutaria abeant, obliviscitur.

Ex his omnibus igitur facillimum est colligere, qua ratione acidus *Gonorrhœæ* liquor a semine & sanguine menstruo subigatur.

Proxima demum & difficilis provincia nobis restat, ut inter *Gonorrhœam* & *Fluorem Album* quid intersit, necnon quibus notis & quasi characteribus ambo dignoscantur, diligenter excutiamus. Cum enim Fluor æque in hoc *Morbo* ac in *Gonorrhœâ* lentus sit & albus, flavus & nonnunquam viridis, Urinæ etiam æstum persæpe secum trahens, non mirum est quod fines & quasi lapides terminales utriusque tantum adhuc in abdito latuerunt.

*Albus Fluor*, si *Baglivio* credamus, in castarum Fœminarum mensibus discriminari facile potest, utpote qui pro illo tempore evanescit,  
&

& cum sanguine prorsus commiscetur, sin autem mulieres *Gonorrhœa* polluantur, tum ille significat utrumque morbum distincto flumine decurrere.

Hanc autem *Baglivii* animadversionem, quippe quæ Fabulam fictam sapit, nec omnino ad quotidianam Experientiam reique ipsius Naturam quadrat, non est ut ultra eventilemus: quomodo enim fieri possit, ut duo liquores, qui perquam prompte uniuntur, in eodem compresso alveo tardi delabantur, puri interea a se invicem & separati conserventur?

Quibus rebus probe perpensis intelligimus, nullos aut liquoribus, aut sedi fluoris originique notas satis clare inultas esse, ut horum morborum discrepantiam inde perspectam habeamus. Eandem materiam, (jugem nempe Lacunarum liquorem) uterque morbus sortitur; Colores materiæ eosdem etiam esse, supra fuit significatum: neque igitur ex materiâ neque colore, quod multum diuque desideratum est, aliquid consequimur.

Quandoquidem verò *Fluor Albus*, suaque Symptomatum cohors, ex causis & quasi scintillis, quæ intra muliebri corpus accenduntur, *Gonorrhœa* verò ex iis, quæ extrinsecus sunt admotæ, originem accipiat, idcirco veras differentiae notas assequi nunquam possumus, nisi ad peculiarem modum, quo alteruter morbus generatur, mentem convertamus. Hæc autem ratio quotidianæ Experientiae se reddit consentaneam. Etenim post colores *Gonorrhœæ* atque acrimoniam in mulieribus subactam, albi  
cu-

## 78 GONORRHOEÆ VIRULENTÆ,

cujusdam lentique liquoris effluxus sæpenumero superest, qui a *Fluore albo* ægre distinguitur, quam ob causam sordidus Empiricorum Grex miseras mulieres ad remedia isti morbo accommodata referunt, mercedem verò postulant, quasi toti jam penitus *Gonorrhœæ* satisfecissent, cum effluxus iste (si qua alia) pars est & quasi vestigium *Gonorrhœæ*.

Ad has autem observationes magnam lucem afferunt ea, quæ de Virorum *Gonorrhœæ* ante diximus: Coloribus enim, quibus eorum effluxus insequitur, dissipatis, atque urinæ æstu deferrescente, *albus Fluor* seu *Fluor* (ut semper vocari solet) *absque Virulentia* statim cernitur. *Fluorem* autem *album* Maribus attributum (quanquam in hac parte æquo jure ac de Mulieribus dici possit) me nunquam memini audivisse. Quapropter cum omnia *Gonorrhœæ Fluorisque Albi* Symptomata in mulieribus tantam inter se similitudinem fortiantur, signum aliquod Pathognomonicum, quod aut a fluminis sede aut colore peti poterit, non est ut expectemus. Igitur universæ discriminis rationes ad prudentiam *Medicorum* & sagacitatem relinqui debent, nisi forte fluor *Carcinomata*, aliosve certos *Gonorrhœæ* comites indicaverit.

P A R S S E C U N D A.

C A P. I.

*De Generali Gonorrhææ Consilio : Speciatim verò de Methodo Directa.*

Quemadmodum in superiori hujus operis parte vehementer elaboravimus, ut nullis Hypothesibus, quæ passim receptæ sunt, freti atque confisi ex solis *Gonorrhææ* Symptomatibus sedem ejus atque naturam eruamus, ita totam in præsentī operam dabimus, ut a morbi Natura ita tandem exploratâ, & ex Modis, quibus absque ope Pharmacorum effluxus inhiberi nonnunquam cernitur, Curationis methodum eliciamus. Hoc enim Consilium & instituto nostro & rei naturæ paulo melius & plenius satisfacere videtur, præsertim quando methodi *Therapeuticæ*, quæ in populari usu sunt, nec Ratione nec Experimentiâ multum innituntur.

Ex iis, quæ superius sunt allata, intelligimus veram *Gonorrhææ* causam esse depravationem humoris cujusdam, in *Glandulis Odoriferis* à natura separati, cujus acrimonia hæ Glandulæ excretoriique ductus graviter stimulatī *Fluorem* commovent & conservant: necnon pro certo comperimus, *Gonorrhæam* fluendo opem sibi metipsi atque medelam afferre, si modo effluens humor depravantem contagis spiritum copiâ superaverit. Unde fit, quod quamdiu stimu-

# 80 GONORRHOÆ VIRULENTÆ,

stimulativa vis continuos latices in *Urethram* conjiciat, tamdiu omne *Morbi Gallici* periculum removetur, qui immanes suas strages edere prius nequeat, quam ab importuno Pharmacorum usu *Fluor* aliquo modo cohibeatur.

Siquis igitur absolutam *Gonorrhœæ* medelam assequi velit, necesse est, ut vel Pestem ipsam, a quâ humores ex *Odoriferis Glandulis* emanantes vitiantur, radicitus evellat, vel Fluminis cursum, quo morbus sibi aliquando succurrit, promovendum curet.

Methodus quidem, quâ ex his prius propositum consequi possimus, in communi usu nondum versatur, ad posterius verò tota Medicaminum, quæ in manibus habentur, Praxis intenditur: quæ res ideo in majori dubitatione atque periculo ponitur, quod Rationes adhibendi commodissimas attingere non possumus.

Prudentia *Medicorum*, quæ ex hâc parte desideratur, in causa est, quod nos toties de bonâ curationis spe dejiciamur, quod morbi Symptomata urgeantur maxime, & in pejus vertantur, quodque *Gonorrhœa* sæpe secum trahat agmina malorum, quam ipsa est, multo graviora. Æquas itaque has indicationes, quæ in directiores medendi tramites quasi manu nos ducent, impræsentiarum persequar.

Neque equidem mirari merito possumus Medicamina, quibus acer contagii spiritus funditus evellatur, in omni adhuc Temporum memoriâ fuisse inaudita: necesse enim est, ut *Medici*, quando nec materiam *Gonorrhœæ*, nec sedem veram calluerunt, in varias quasdam Theorias



# SYMPTOMATA, NATURA, &c. 81

rias inciderent, quæ, nisi falsæ essent & adumbratæ, in eam illos opinionem adduxissent, ut tam directam curandi methodum attingi nunquam posse arbitrarentur. Cum verò ab *Odo-riferis Glandulis*, quorum excretorii Ductus perbreves & in propinquo sunt, *Gonorrhœæ* flumina propogari comperimus, facillimum est intelligere liquorem in *Urethram* injectum ad ipsa Glandularum quasi penetralia sibi viam munire posse, quo pacto præternaturalis Fluor simul cohiberi, & Contages domari queat.

Atque equidem ingentia, quæ temerariam injectionum Praxin consequuntur, incommoda satis magno argumento sunt, *Gonorrhœæ* fontem & veluti domicilium ab iis tangi & agitari. Vafri igitur ii astutique homines, qui Injectionum ului clamoribus magnis adversantur, id in animo habere videntur, ut inanes magis terrores excitarent, quam vera ad salutem Ægrotantium promovendam Auxilia afferrent; cum præclaræ Injectionum facultates in Experientiam eorum atque Oculos incurrant. Itaque siquando Pharmaca, ex quibus Injectio aliqua componitur, se sano intelligentium judicio permittant, si quoque *Gonorrhœam* a nonnullis Injectionibus sublatam & feliciter confectam, ab aliis verò male confirmatam & in pejus conversam, quotidianus usus attestetur; malevoli quidem Cavillatoris est, Injectiones itidem universas rejicere & ablegare; probi verò & prudentis Medici, ut ex hoc Genere eas tantum devitet, a quibus plurima aliquando Mala inferri & sua observatio, atque aliorum Praxis, significavit,

82 GONORRHOEÆ VIRULENTÆ,  
cavit, omnem cautionem & diligentiam adhibere.

Quanquam autem Argumenta hæc, quæ ad Injectionum utilitatem & fructum demonstrandum jamjam attulimus, Instituto nostro satisfacere videantur, paucula tamen quasi ex abundanti adjungam, quæ haud mediocrem directæ huic Methodo auctoritatem & Hominibus curiosis literatisque jucunditatem (ut spero) sunt additura.

Et quidem haud injuria in pretio erit hæc nostra Injectionum ratio, si Pharmacum unumquodque ex eo maxime commendari, quod morbum sine periculo & sine mora conficiat, diligenter perpendamus.

Imprimis enim non modo virorum *Gonorrhœa*, verum & Foeminarum multo citius ab hac Methodo, quam à quacunque alia, subigitur, *Albusque* ille mulierum *Fluor*, qui vulgaribus curandi rationibus non cedit, sistitur & cohibetur. Illud quoque prætermitti non debet, Injectiones nostras in quovis *Gonorrhœæ* tempore cum fructu adhiberi, tantisque semper facultatibus pollere, ut (acido veneni spiritu protinus retuso) nova deinde Incrementa ad Profluvium nunquam afferantur. Si igitur ad ineuntem aut paululum gliscentem *Gonorrhœam* Injectio admoveatur, juvamen multo facilius assequimur, utpote quod in Effluxu modico pauciores plerumque Labis particulæ continentur: è regione verò necesse est, ut Effluxus copia vehementer prius augeatur, quam ex Diureticorum Medicaminum aut Cathar-

tharticorum usu utilitatem aliquam speremus: prioris enim Generis *Pharmata*, cum neque ad Contagem corrigendam, neque ad Profluvium protrudendum, valeant, morbo (ut palam fit) potestatem faciunt, ut ab acido suo spiritu sese interea intus agitante exaggeretur: Posteriora vero ad Effluxus stimulos suas quoque vires stimulativas attexunt, quo pacto Profluvii copia graviolem in modum promovetur: at si quis discrimen illud, quod inter harum Methodorum facultates atque hujus nostræ intercedit, attento animo excipiat, hanc equidem inveniet fortiter domantem frangentemque vires Contagionis, illas verò aut mansuete sinentes ut venenum se foras expediat, aut saltem urgentes ut citius aliquantulum extra veheretur; quarum utraque adstringentium Pharmacorum necessitatem imponit, quorum auxilia in directa Methodo accersi non debent.

Præterea, Injectionum usus non tantum propter efficaciam celeritatemque, qua *Gonorrhœam* subigit, sed etiam propter minimum periculi, quod habet, maxime commendatur.

In directa enim hac Injectionum Methodo non tantum ipsa Acrimonia extinguitur, verum & feri ejus satellites feliciter opprimuntur, in Indirectis verò Res contra cadit: *Purgantia* enim Medicamina acredinem armant & exacuunt; *Diuretica* autem præsidium omne, quo Fibræ muniuntur, submovent & exturbant. Utraque igitur ex parte constrictionis dolor, urinæ æstus & cætera, quæ supra memoravimus, symptomata necessitate quadam

#### 84 GONORRHOEÆ VIRULENTÆ,

inducuntur, neque tamen in directam Methodum unquam solent imminere: immo ab ea urinæ dolor, licet vehementissimus sit, optimisque Remediis in quacunque alia via adhibitis obstitisset, in duodecim aut viginti quatuor horarum spatio mitigatur.

Quando igitur hoc nostrum curandi consilium, sive Directum, quem affectat, sanationis tramitem, sive insigne, quod præstat, juvamen respiciamus, indirectam Methodum longe superaverit, id demum nobis contendendum est, ut freti Principiis illis, quæ de *Gonorrhœa* supra tradidimus, Injectionem efficacem excogitemus.

Illud insuper sedulo est videndum, ut de salute, quam utraque Curandi ratio pollicetur, Judicium justum faciamus. Neque enim æquum erit illos, qui Injectionis ope ad sanitatem juvantur, per totum vitæ curriculum vanis Recidivationis terroribus examinari, qui verò cæteris curandi Methodis valetudinem fortasse debuerunt, illos, si per exiguum mensis spatium a morbo valeant, ut nihil futuri metuant, imperari. Tempora in utraque Praxi eadem esse debent. Cumque ex *Modernis* nemo, quum sanati non modo extra periculum sed extra metum se poni confidant, exquisitum Tempus definiverit, Doctissimi *Fracastorii* Formulam, quæ ad Experientiam vere componitur, audiamus.

„*In primis mirum illud erat: quod labe recepta,*  
 „*sæpe tamen quater ipsa suum compleverat orbem*  
 „*Luna, priusquam signa satis manifesta darentur.*

Ni-

Nihil igitur mali. (Experientiâ teste) habemus quod ultra est metuendum, si modo *Gonorrhœa* per quatuor mensium spatia evanescens nunquam ebullierit, nec ulla *Veneræ Luis* indicia protulerit.

A Directo hoc curandi consilio, in quo, acrimonia morbi penitus sublata, ad optatum exitum *Gonorrhœa* perducitur, excusso, & (quantum in nobis est) explicato novam quoque Utilitatem consequimur. Quippe cum verissimilimum sit, idem Medicamen, quod largissimam Contagis copiam opprimit, Contagis vim, si forte rarior daretur, multo facilius oppressurum; tum haud injuriâ in eam opinionem adducimur, ut Injectionem hanc nostram ad ipsam *Gonorrhœæ* causam, cum primum communicate, extinguendam valere credamus, ideoque gloriosum *προληπτικὸν Φαρμάκον* titulum mereri.

Hic autem eventus (sive *Gonorrhœæ* in ipsis quasi radicibus evulsio) non inducto Effluxus incremento, in cæteris rationibus Therapeuticis sperari non potest: ab iis enim (ut supra ostensum fuit) Effluxus copia magnopere augeatur, & minimam suppressionem *Veneræ Lues* certo excipit. Egomet verò, ut rem uno verbo conficiam, curiositati fræna eatenus permisi, ut *Anticipantis* hujus Injectionis periculum in quosdam ex utroque sexu salacissimos fecerim, quæ Contagem omnem ab eorum Corporibus inter effusissimas Libidines depulit. Atque quidem vis hujus Remedii efficacior est, quam ut in tam petulantem hominum gregem confera-

## 86 GONORRHOEÆ VIRULENTÆ,

tur: quocirca ne in parte flagitiorum, quæ indies perpetrant, dum hos a Pestis periculo securos præstent, ego quodammodo esse videar, est mihi in animo hoc Arcanum in æternas tenebras detrudere.

Dignissimum denique est notatu, quod sicut illa valetudo mulierum, quæ *Fluor Albus* vocitatur, magnam in præcedenti Theoria similitudinem cum *Gonorrhœâ* gerere dicebatur, ita felix juvamen ab eadem Iniectione uterque morbus adipiscitur. Quod significari hoc in loco & declarari volumus, quia ex eo innotescit, quam constans sibi sit nostra Theoria, quamque omnibus numeris absoluta.

### CAP. II.

*Indirecta Methodus, quæ Effluxum adaugendo ad Medelam procedit.*

Secunda curandi Indicatio, præcedente *Gonorrhœæ* Hypothesi innixa, id sibi proponit, ut tantam, quanta veneni vires extinguat, Effluxus copiam excitaret: hac enim ratione humor ille, qui ex *Glandulis Odoriferis* proficiscitur, in processu temporis fordes suas contagiosas quasi expurgat, inque suo cursu sistitur, nisi forte brevium Excretoriorum Ductuum Elaterium a tam gravi Effluxus diuturnitate vehementem in modum læderetur. Cum itaque, ut supra annuimus, hujus morbi curatio, nisi ab Acrimoniae retusione, aut ab evacuatione, confici nunquam possit, illud omnino relinqu-

tur,

tur, ut, quatenus Medicamina ab Experientia nobis commendata duobus hisce propositis inserviant, videamus. Ea igitur, quæ rariora secum mala atque pericula afferunt, optima utilissimaque existimari debent: ex illa enim una conditione cujusque Pharmaci aptitudinem capimus, & optima quæque Medicamenta cum optimis adhibendi Methodis feliciter assequimur.

Antequam autem progrediamur, operæ pretium erit, Rationum pondera, quæ Medicorum animos, ut Pharmacis vulgaribus utantur, induxerunt, leviter attingere; præsertim quoque, quoniam hujus generis Medicamina aut in præsentī aut superiori seculo excogitata esse, neque unquam apud Priscos homines in usu fuisse, passim credantur.

Imprimis igitur argumenta, quibus antiqua Purgantium, Diureticorum, Adstringentium, Balsamicorumque Remediorum Praxis nitetur, breviter perstringam; deinde etiam ea, quæ apud recentes Medicos valorem habuerunt, attexam; postremum autem veras antedictorum Medicaminum vires & commoditates, cum de iis figillatim egerimus, paulo diligentius exeutiam.

*Gonorrhææ* Curatio obscure satis <sup>(a)</sup> a *Bernardino Tomitano*, clarius aliquanto a *Prospero Borgarutio*, qui varia desiccantium stypticorumque incommoda recenset, significatur. Hic Vir vitium seminis, ut effectricem hujus morbi causam, sibi traditum ab *Antonio Musa* in men-

## 88 GONORRHOEÆ VIRULENTÆ,

te habuit, ideoque ea omnia, quæ semen & Vesiculas seminales refrigerant, præclaris laudibus accumulât, sedulo autem nos admonet, ut omnem, præsertim in principiis morbi, Adstringentium usum fugiamus.

Porro Refrigerantium Medicamentorum præparationem quam optime cum *Gujaco* & *Sarsaparillâ* fieri existimat, eam scilicet ob rationem, quoniam *Gonorrhœam* Venereæ Luis satellitem & symptoma esse arbitratur: addit etiam ea Pharmaca, quæ a *Galeno*, *Aëtio* aliisque antiquis *Medicis* ad *Simplicis Gonorrhœæ* Curationem commendantur, ingentes quoque ad *Virulentæ* medelam commoditates ferre. At verò universæ hæc curandi indicationes a falsa morbi opinione, quæ quondam percrebuit, quæque ad nostra usque tempora descendit, omnino profluxerunt. Purgantia quoque Remedia ab eo laudantur, inter quæ primas partes *Cassia* obtinet, utpote quæ virtute ad omnes Renium vasculorumque seminalium affectus sanandos specifica imbutur. Atque hæc vis ejus specifica ab hoc Viro tam mire prædicatur, ut hæc sit Potio purgativa, quæ ab eo præ cæteris præscribitur, quæque a *Recentibus* plerisque religione quadam adhibetur: In quibusdam verò temporibus minorem, quam vulgo solet ministrari, hujus Pharmaci dosim præberi oportere, (ut specificam hanc suam facultatem paulo tardius fortiusque exerceat) ille docet cum consensu plurimum *Neotericorum*.

His Medicamentis prius ab ægroto acceptis, tum Adstringentibus locum dat, de selectioribus;



bus, quorum formulis, quæ hujus *Medici* animo arident, infra a nobis dicendum erit.

(<sup>a</sup>) *Alexander Trajanus Petronius* hujus vestigia præ cæteris sequitur. Purgantia, inquit, Pharmaca atque Laxativa, quæque vim quandam refrigerantem habent, egregii sunt usus; potissimum verò *Cassia*, quæ simul facultate Purganti imbuitur, Renesque & Vesicam purificat. (b) Postea verò cum de virulentæ *Gonorrhææ* Curatione verba facit, omnem suam Praxim a sequenti ejus & falsa *Gonorrhææ* Hypothesi deducit:

„Hic enim morbus (ait ille) aut semine vi-  
 „tiato & partibus calida intemperie male af-  
 „fectis gignitur; aut omni vitio feminis amo-  
 „to & partibus omnibus præter Glandulas,  
 „quæ *παράσταται* dicuntur, ad integritatem  
 „reductis nihilominus perseverat, tanquam se-  
 „men per ulcera, quæ in his Glandulis adhuc  
 „aperta manent, non exire possit.

Quando autem signa quædam, quæ ex utraque parte in sensus incurrunt, quæque vera sunt *Gonorrhææ* Symptomata, protulisset, addit quoque præcipuam Indicationis ansam ab Ulceribus *Parastatarum* præberi.

Sed vero ne forte confusio aliqua mentem, dum hujus generis Symptomata attente observaret, in Praxi distrahat & perturbet, primo vulgares recenset Indicationes, deinde speciales quasdam apponit, quibus omnibus diligenter excussis, omne studium eo convertendum

F 5                      nos

(a) Cap. 4. lib. 7.

(b) Cap. 7. 12.

nos admonet, ut Inflammatio imprimis mitigetur, ut dolor gravis atque urinæ æstus leniatur, ut Purgantia demum & Diuretica adhibeantur, quorum facultatibus vitium omne & contagio foras protruderetur.

Priscorum hominum intentionibus, fundamentisque earum perpensis, necnon Remediis, quæ ab iis juxta principia sua laudabantur, allatis atque expositis; jam illud nobis est faciendum, ut Recentium Virorum principia & Medicamina, quæ sibi propria vindicantur, quæque genere toto ab Antiquis differre vulgo jactitantur, excutiamus.

(a) D. Blenius, cum Gonorrhœam aliquando in *Morbum Gallicum* migrare secum reputasset, omnes nervos nostros in eo intendi arbitratur, ut *contagiosum Spiritum*, ne suas ultra vires agitet, foras confestim pelleremus. Quoniam autem malignum hoc virus tantam sævitiam asequi prius non potuerit, quam *insolita quædam Effervescentia atque Inflammatio* (ut ejus verbis utar) *vesiculas spermaticas invasisset*; ideo non minus studii tribuendum esse censet, ut hoc Symptoma, quam ipsam morbi causam, corrigamus.

(b) Alio quoque loco, atque disertius aliquanto, hæ Indicationes referuntur, cum nobis vehementer præcipit, ut *ad Diuretica Medicamina Catharticorum stimulos addamus*. Siquando autem fœdum Contagis vitium copiose satis ejici & expurgari animadvertatur, tum (c) intelligo

*Ef-*

(a) Cap. 7. part. 2. pag. 137. 138.

(b) Pag. 141.

(c) Pag. 143.

*Effluxum a Stypticis & Desiccantibus sisti oportere, ut, iis, quæ de Contage supersunt, particulis absorptis, Vesiculae à continuâ irritatione relaxatae se tandem in naturalem libertatem vindicent, & facultas omnis, ne has partes vellicent & pungant, a Venereis Acidis quamprimum auferatur.*

Propositi nostri ratio non postulat, ut totam *D. Blemi* Theoriam in præsentî persequar, & supervacaneum esset, si inter Curationis consilia, quæ ab illo & ab antiquis Medicis statuuntur, cum ad eadem prorsus redeant, comparisonem instituiam: Quid enim quæso, inter Contagis evacuationem ope Purgantium Remediorum (quæ a priscis Medicis & recentibus mire prædicantur) factam interest, atque ejusdem ejectionem per Diuretica (quæ æque ab utrisque etiam collaudantur) absolutam? idcircone diversam a semetipsa naturam *Cassa* sortitur, quoniam & a vetere *Trajano* & ab hujus ævi Medicis magnopere præscribitur? idcircone demum Refrigerantia, Balsamica aut Adstringentia a sibi metipsis differre videntur, quia omnes uno ore de eorum utilitate & Prisci homines & Neoterici consentiunt? Minime gentium mehercule, eosdem enim fines utraque ætas sibi in praxi proposuit. Quocirca consequimur, curandi Consilia ne non Remedia, quibus usi sunt, in diversis his Medicinæ seculis prorsus eadem exstitisse.

Illud vero a nobis jure agnoscendum puto, rationem prudentiamque in *Veterum* Praxi mul-

to magis conspicuam, quam in *Neotericis* eluxisse. Ii enim sibi & suis, quas fingeant, Hypothesibus constituerunt: Hi vero eandem omnino *Praxin* a Majoribus suis traditam inierunt, *Principia* a Majoribus posita turpiter obliviscentes. At vero si infirma illa, quibus recens *Praxis* nititur, Fundamenta seorsim ponerentur, tum quidem Remedia antiquitus laudata suas vires intaminatas conservarent. Purgantia enim & Duietica causam, ut administrantur, justiore nullam habent, quam quod ad acrem Humorem subigendum quam maxime accommodentur.

Atque quidem si *Horum* vires & facultates ingentibus iis, in quæ ingressi sumus, votis respondissent, esset profecto, cur *Recentes* in *Veterum* prudentiam æquo animo incumberent, neque a præceptionibus, quas ii dederunt, stolidè recedentes, neque a fama, quam meruerunt, invade decerpentes.

Cum autem hæc Pharmaca aliquando multum juvaminis ad ægrotos, nihil aliquando, aliquando etiam plurimum detrimenti attulerint; proximum erit, quatenus & quas ob causas hæc locum habent in Curatione *Gonorrhœæ*, gnaviter exponere; ut Regio illa, ex qua *Tela* quasi ista, quæ concidunt spes nostras, proveniant, explorata habeatur.

## CAP. III.

## S E C T. I.

*De Purgantibus Pharmacis, quæ in Gonorrhœæ Curatione versantur; deque Formulæ quibusdam eorum selectissimis.*

**I**llud equidem nemo unquam sibi assumpsit, ut *Purgantia* ad ipsum acrem *Gonorrhœæ* spiritum domandum valere dicat: omnis igitur eorum utilitas in eo est sita, quod ad Contaginem foras protrudendam quodammodo accommodentur. Partes vero, quas aut in *Effluxu* sanando aut promovendo *Cathartica* agant, manifestas magis & in medio positas fore existimo, si generales *Cathartorum* facultates accuratius paulo exposuerim.

Atque equidem omnes *Purgantium* Pharmacorum vires in eo prorsus consistunt, quod vel secretionem ex Intestinorum glandulis profectas majorem in modum promoveant, vel Fibras eorum nerveas stimulatione quadam convellant; ab horum uno aut utroque modo ingentes crebro Evacuationes excitantur: adeo ut verisimillimum sit, mutationes, quas in solidas fluidasque Corporis partes *Purgantia* moliuntur, universas aut a secretionis profectione, aut a diuturno gravium evacuationum cursu atque impetu, aut a virtute stimulativa proficisci.

Hinc quoque, quod obiter notari potest, pro-

profluit Ratio, cur ex hoc Remediorum genere nonnulla, quæ, si intus sint assumpta, gravem aliquando Hæmorrhagiam excitant, extrinsecus admota fluentem sanguinem sistunt: hanc scilicet ob causam, quoniam stimulandi facultas, si forte modum quendam superet, induit quoque facultatem causticam. Sed ut eo, unde paululum digressi sumus, revertamur, aut nimia (ut supra annuimus) Glandularum secretio aut Fibrarum stimulatio efficit, ut Fibræ Corporis nixu suo tonico & quasi tensitate spo-  
 lientur.

Si igitur vulgares hæc *Purgantium* actiones ad rem in præsenti institutam referamus, fructus omnis, quem ex eorum usu *Gonorrhœa* percipit, facillime deducitur; qui in eo nimirum non ponitur, quod Pharmaca hæc Contagem ipsam opprimant, sed quod ad quorundam Corporum validorum temperiem ita præsto sint, ut Materiam omnem virulentam foras projiciant. Atque equidem auxilia atque incommoda, quæ varius *Catharticorum* usus affert ad naturalem Corporis conditionem, adeo perspicua sunt, ut de iis merito ne dubitare quisquam posset. Quando enim sanguis rarior per secretionem copiosam, fibræque tensiores semper reddantur, tum profecto Excretoriis Ductibus mediocriter tantum dilatatis, Liquores moderato flumine profunduntur, atque Effluxus sensim & pedetentim languescens post veneni subactionem haud largus apprehenditur; è contra vero cum a *Purgantibus* Pharmacis labefactetur Sanguis, Fibrarum quoque inten-

tensio debilitari simul solet; ex quo fit, ut excretoriis Ductibus vehementer relaxatis, Effluxus non tantum undis copiosioribus, verum etiam ultra supremum (si ita dicam) Contagis diem aliquandiu profunditur. Utriusque Generis exempla & in curatione Fœminarum & Marium, maxime vero in Fœminarum *Gonorrhœâ* proferri possunt.

Cum autem Materiæ Effluxus facultati *Purgantium* stimulativæ debeatur, cumque acer spiritus, qui (ut supra statuimus) *Gonorrhœam* excitat, vim quoque stimulativam habeat, certo intelligimus Effluxum, si utriusque stimulus jungatur, abundantiore multo fore; quum vero hæc juncta Liqueorum abundantia à vi quadam, quæ nihil vitii interim asferre potest, glomeratur; igitur hæc humorum Effusio Contagem copia tandem vincet, quo pacto ad optatum finem a *Purgantibus* remediis *Gonorrhœa* perducitur. Quod si *Catharticum* stimulus, ut aliquando accidit, adeo vehemens sit, ut a magna humoris copia velocitateque excretorii ductus magnopere dilatentur, tum equidem virus citius extra promi, Effluxus vero diutius aliquanto produci solet.

Quæ omnia cum ita sint, palam fit, *Cathartici* generis Medicamina ad *Gonorrhœæ* Medellam ordine directo non procedere. Hinc etiam quæ sibi consilia proponunt Medici, cum *Cathartica* administrentur, qualemque, si parum juvaminis asferatur, jacturam faciunt, assequimur; hinc insuper intelligimus, quod *Purgantibus* Pharmacis in hoc morbo promiscue uti  
non

96 GONORRHOEÆ VIRULENTÆ,

non liceat : ex iis enim quædam acrimoniam pariter atque Effluxus copiam, Inflammationem molestissimam, Penis constrictionem, urinæque æstum exaggerant ; quædam a natura sua comparantur, ut elasticum excretoriorum Ductuum tenorem atterant & perfringant : Has autem *Purgantium* facultates malas cognoscere, in hujus morbi curatione haud parvi momenti est.

Atque equidem (ut, quod mihi videtur, candidus dicam) stimulativam vim in *Purgantium* praxi tantam aliquando esse Experientia ipsa attestatur, ut *Gonorrhœam* multo citius, si nihil Medicinæ adsit, ad bonum exitum perventuram, quam si *Purgantia* adhibeantur, haud immerito existimem. Quod si quis forte miretur, is mirari tandem desinet, si Temporis spatia, quæ in *Gonorrhœæ* Curatione à celeberrimo *Sydenhamo* commendata ponuntur, cum iis, quæ ad eundem finem a *Natura* sumuntur, sedulo conferat.

Quando autem aliquid aliquando ad hunc morbum juvaminis a *Purgantibus* Pharmacis ferri, ea argumenta, quæ supra posuimus, atque etiam communis Observatio testentur, æquum erit eorum nonnullas, quæ ab *Auctoribus* hac in re versatissimis celebrantur, formulas subjungere.

*Apozema.*

℞. Folior. *Scrophular. aquatic.*

*Senn. virent. ana* ʒij.

*Immittantur in Aq. bullient. ℥j. & infundantur.*

Abi-



Ab igne remotam Colaturam hauriat duabus vel tribus vicibus.

℞. *Tamarindor.* ℥ij.

*Aq. commun.* ℔. iv.

*Coq. ad ℔ij.*

*In Colatura infunde per noctem.*

*Senn. mundat.*

*Semin. Coriand.*

*Liquirit. & Flor. Ros. rubrar. ana ℥ij.*

*Colaturæ Cyathum hora ante pastum sumat.*

*Veslingius*, cui expurgare potius quam adstringere mens est, hunc *Bolum* præscribit.

### *Bolus.*

℞. *Conserv. fl. Malvæ.*

*Pulver. Radic. Rhab. el. ana ℥j.*

*Terebint. Venet. ℥ij.*

*M. F. Bol. primo mane deglutiendus.*

Eundem quoque ad finem *Apozema* hoc accommodatur.

### *Apozema.*

℞. *Radic. Alth. ℥℔.*

*Folior. Malvæ.*

*Bismalvæ ana M. ℔.*

*Ficuum ping. ℥j.*

*Aq. Ebshamens. ℔ij.*

*Coquant. ad quartæ partis consumptionem.*

*Colaturam hauriat communibus intervallis.*

Sicuti autem in animis plurimorum hominum Opinio inveteraverit, *Mercurium* cum variis ejus præparationibus, tanquam Antidotum quoddam, *Venereo Morbo* occurrere, ideo plerique se, nisi ex his aliquantulum afferant, ad medelam nihil proficere arbitrantur: *Riverius* in prima sua & secunda Observationum centuria hunc in modum dicitur.

### *Pilulæ.*

℞. *Calomelan.*

*Pilul. Coch. min. ana* ℥j.

*Syrup. de Spin. Cerv. q. s.*

*M. F. pil. v.*

Eundem ad finem valent *Pilulæ*, quæ *Trium Diabolorum* nomen gerunt.

℞. *Trochisc. Alband.*

*Diagrid. ana gran. iv.*

*Merc. sublim. dulc. gran. viij.*

*Syrup. de Stœchad. q. s.*

*M. F. pil. iv.*

℞. *Extract. Catholic. ʒ. ʒ.*

*Panac. mercurial. gran. v.*

*Elixir. proprietat. q. s.*

*M. F. pil. v.*

Cum hujus generis *Pilulis Turbith. Minerali*, *Præcipitatum viride* (seu *Lacertus viridis*) necnon *Album Præcipitatum* misceri debent. Univerſa verò, quæ ex *Mercurio* fiunt, Remedia

dia perſæpè *Caffiam* ſibi additam habent, quæ ſcilicet non tantum potio eſt leniter admodum purgativa; ſed etiam Veſicæ Urethræque ſaluberrima.

*Bolus.*

- ℞. *Caff. recenter extract.* ʒſ.  
*Pulver Rad. Rhabarb. Elect.* ʒſ.  
*Merc. d.* ʒſ.  
 (vel *Lacerti virid. gr. iv.*)  
*M. F. Bolus mane deglutiendus.*

*Alexander Trajanus Caffiam* ſolitarie præberi docet; juxta hanc formam:

- ℞. *Floris Caffiæ* ʒij.  
*F. Bol. cum penidiis.*  
*Capiat Ægèr mane; ſtatim ante cibum;*  
*ſingulis diebus ad quadageſimum uſque;*  
*niſi Venter interim perturbetur, aut*  
*Lues per totum ſparſa ſentiatur.*
- ℞. *Ocul. Cancror. præpar.* ʒſ.  
*Gum. Guajac.*  
*Diagrid. ana* ʒiij.  
*Sal. Prunell.*  
*Gum. Tragacanth. ana* ʒj.  
*Calomelan.* ʒij.  
*Solution. Gum. Tragac. q. ſ.*  
*M. F. pilulæ de ſingulis ʒx. quarum quin-*  
*que bis in die accipiat.*

℞. *Lacert. virid.* ʒij.

*Gum. Guajac.*

*Nativ. Stib. diaphoretic. ana* ʒj.

*Scammon. sulphurat.*

*Aloes socotrin. ana* ʒʒ.

*Solution. Gummi Tragacanth. q. s.*

*M. F. pilularum Massa.*

*De cujus singulis* ʒjʒ. *formantur pil. xij.*

*Harum* iv. *primo mane & hora somni*  
*sumat.*

Aliæ innumeræ variæque formulæ ab *Authoribus* excerpti possunt. Quæ vero supra cum-  
lavimus satis multa sunt, utpote quæ ex opti-  
morum & in *Lue Venerea* exercitatisimorum  
Medicorum mentibus hauriuntur.

## S E C T. II.

*De Juvamine atque Damno, quod ad*  
*Gonorrhœam curandam afferunt*  
*Adstringentia Medicamina.*

Quemadmodum Contagis exportatio Medi-  
cis argumento fuit, ut *Cathartica* adhi-  
beantur, ingens igitur, quæ ab iis nun-  
nunquam cieri solet, Effluxus copia Restrin-  
gentium Medicaminum necessitatem induxit:  
sicuti insuper *Purgantium* facultates (utcumque  
magna & speciosa primo intuitu polliceri vide-  
bantur) in varias justasque reprehensiones in-  
currerent, ita Adstringentia quoque Remedia,  
nisi

nisi valde adfit prudentia, haud minorem etiam secum trahunt malorum turbam.

Quæ si ita sint, haud injuria a plurimorum *Medicorum* voluntatibus dissentio, qui hujus generis Medicamina adeo magni faciunt, ut non tantum ad ea, tanquam salutis perfugia, in universis Evacuationibus recurrant, sed etiam tam immanes in hoc potissimum morbo doses instaurant, perinde quasi ex hac parte nimii nunquam esse poterimus. Neque tamen ego hæc ita intelligi velim, ut omnem Adstringentium usum a præsentī morbo depellam; gravissimæ enim omnes Evacuationes compri-mi sine dubio & cohiberi semper debent, at mehercule huic fini Adstringentia nonnunquam non inserviunt.

Enimverò sæpe in Evacuationibus magnis fieri potest, ut tantarum stragum causa urgeatur potius ab iis, quam castigetur. Perversus enim Restringtonium usus non tantum in *Gonorrhœa* cernitur, sed in aliis quoque morbis, in quibus hæc magni æstimantur, Hæmorhagiis nimirum, & alvi Profluviiis se sensibus reddit manifestum; in quibus omnibus Adstringentia non reprehenduntur, quod nihil possint, sed quod eorum vires perperam exercitæ, quam quorum Curationi studemus, graviores sæpe morbos inducant. Quicquid igitur est in iis boni depromere, quicquid etiam mali id propulsare, acerrimam nostram curam diligentiamque desiderat. Sed ut veram, quam ad *Gonorrhœam* afferunt Restringtonia, utilitatem assequamur, sat erit vulgares eorum facultates

## 102 GONORRHOEÆ VIRULENTÆ,

notare, quæ in eo scilicet sunt constitutæ, quod immane aliquod Liquoris profluvium cohiberent, ne foras emitteretur.

Hoc autem Opus aut à massa Humorum constipanda perficitur, quo pacto Latex e Ductibus effundi non sine difficultate atque expediri queat; aut Canales ipsos ita afficiendo, ut quoddam quasi repagulum, quo contentus Humor intus reprimatur, ibidem injici videretur: hanc vero esse præcipuam Adstringentium provinciam, ex actualibus potentialibusque Cauterizationibus, ex Consuturis & similibus Methodis liquet, quæ, etsi forte in varias agendi quasi semitas irent, eundem tamen sibi finem & veluti metam proponunt.

Adstringentia Remedia præclarum usum habent, si totam Humorum massam aut unius tantum Canalis rivulum constipare gestiamus: quippe quæ excretoriorum Ductuum relaxationem non modo, cum facta sit, corrigere, sed ne fieret, prohibere possunt; necnon ad pravam sanguinis conditionem, sive ex *Purgantium* Pharmacorum praxi, sive ex mala ægroti crisi profectam, emendandam adeo valent, ut ingens Humorum torrens brevi comprimeretur.

Cor. 1. Ex hac Adstringentium Historia palam efficitur, ea non posse Liquores, qui in Receptaculis servantur, vehementer afficere. Quamobrem si ex *Prostatis* (ut vulgo creditur) & *Vasculis Seminalibus* Gonorrhææ materia profluxerit, hujus generis remedia utilitatem nullam habuissent.

Cor. 2.

Cor. 2. Hinc insuper intelligimus rationem, qua Fluor vitiosus, ab Adstringentibus Pharmacis repressus, in sanguinem revertitur, suumque ibi venenum spargens *Veneream Luem* inducit; quæ, si suppressio fluminis præmature, si penitus, si partim tantum fieret, varios atrocitatis gradus excipiet: multo enim vehementiora, si penitus, quam si partim supprimatur, pericula imminebunt. Etsi vero omnibus suis Contagii aculeis *Gonorrhœa* spoliaretur, nihilominus si Adstringentium vires, cum Effluxus nondum satis deferbuerit, vesiculas obferarent, Liquores haud ultra, quam ab Excretoriis ductibus capi possunt, intus retinentur; postea enim disrupto quasi aggere præcipites dantur, tantisque subito rotantur fluminibus, quanta per totum unius diei spatium in *Gonorrhœa* plerumque emittuntur. Hinc igitur colligimus Canales excretorios, si nimia Adstringentium copia admoveatur, adeo immanem aliquando relaxationem pati, ut, tenore suo naturali haud facile recuperato, gravissimæ Recidivationes inferantur. E contrario autem Restringtonia, quæ fortia admodum sunt, quæque iteratis vicibus adhibentur, non modo morbificum hunc Liquorem, sed etiam naturalia Lacunarum flumina, adeo valide cohibent, ut Urethra, viscoso suo integumento orbata, gravi seminis & Urinæ acredini subjiciatur: unde fit, ut multos post *Gonorrhœæ* medelam annos Urinæ ardor nonnunquam perseveraverit.

*Bernardinus Tomitanus*, postquam tritissimum Adstringentium intempestive adhibito.

104 GONORRHOEÆ VIRULENTÆ,  
rum exemplum tradiderit, hæc, quæ sequun-  
tur, cum Tempus recte ferat, ad usum com-  
mendat, *Thus* nimirum & *Mastichen* & *Coral-*  
*lium* & *gummi Tragacanthæ*.

Demonstrato, quantum ad *Gonorrhœam* va-  
leant *Adstringentia*, necnon quæ *Temporum*  
ratio haberi, qualesque doses adhiberi debent,  
si omne *Veneræ Luis* periculum propulsare  
speremus, selectiores eorum formulas reliquum  
est ut attexamus.

### *Pulveres.*

℞. *Croci mart. adstringent.* ℥iv.

*Offis Sepiæ.*

*Succin.*

*Coral. utriusque.*

*Ebor. ana* ℥ij.

*M. F. Pulvis*, *cujus* ʒß. *exhibeatur*  
*bis in die.*

℞. *Folior. Menth.*

*Mum.*

*Coral. rub.*

*Agni cast.*

*Carabe ana* ʒij.

*M. Pulv. Hujus* ʒj. *ex Ovo tremulo*  
*primo mane deglutiat.*

℞. *Magister. Off. sep.* ʒß.

*Pulver. Rosar. rubrar.* ℥j.

*M. pro unica dosi.*

*Claud. Deodatus Saccharum Saturni mire præ-*  
*dicat.* *Ele-*



*Electuarium.*

- ℞. *Semin. Lactuc.*  
*Agni cast.*  
*Sang. Dracon.*  
*Myrrh.*  
*Oc. Canc. præpar.*  
*Terr. sigillat.*  
*Irid. ana ʒij.*  
*Cons. Rosar. rub. ʒß.*  
*Syrup. Menth. q. s.*  
*M. F. Opiata, de qua magnitudinem*  
*Nuc. moschatæ major. bis vel ter in*  
*die accipiat.*

*Bolus.*

- ℞. *Mastich.*  
*Coral. rub. præpar.*  
*Succin. alb.*  
*Sach. Saturæ. ana gr. xv.*  
*Conserv. Cynosbat. q. s.*  
*M. F. Bol. ij. quorum unum hora som-*  
*ni capiat, alterum proximo mane.*

*Haustus.*

*Cl. Mouffet hunc haustum habet.*

- ℞. *Summ. cum florib. salv. rub. ana M. j.*  
*Mulge desuper lac vaccinum. Infund. per*  
*noctem. Colaturæ addant. pulveres Te-*  
*rebenth. coctæ, succin. & nuc. moscha-*  
*tæ ana ʒj.*  
*Quem hauriat mane, præparetur similis*  
*Dosis, ut vesperi propinet.*

*Apozema.*

- ℞. *Radic. Consolid. major.* ℥j.  
*Plantagin.*  
*Equiset.*  
*Bellid. minor.*  
*Polygon. ana* M. j.  
*Acetos. M. j.* ℞.  
*Semin. Plantagin.* ℥j.  
*Acetos.*  
*Malv. ana* ℥℞.  
*Fl. Rosar. rub. pug.* i.  
*Uvar. Passar.* ℥℞.  
*Glycirrhz.* ℥iij.  
*Coq. in Aq. pint.* x.  
*Colaturæ add.*  
*Syrup. Portulac.*  
*Myrtin. ana* ℥j℞.  
*M. F. Apozema pro tribus Dosib.*

*Pillule.*

- ℞. *Semin. Alkekeng.*  
*Quatuor Frigid. major.*  
*Papav. albi.*  
*Lactuc.*  
*Plantagin. ana* ℥℞.  
*Rhab. elect.* ℥ij.  
*Mastich.* ℥j℞.  
*Gum. Arabic.*  
*Bol. Armen.*  
*Succin.*  
*Tragacanth.*

# SYMPTOMATA, NATURA, &c. 107

*Amyli ana ʒj.*

*Semin. Agni cast.*

*Ros. rubrar. ana ʒʒ.*

*Solution. Gum. Tragacanth. q. s. F. pilular. Massa.*

**Rx.** *Oculor. Cancror. præpar. ʒʒ.*

*Gum. Guajaci ʒij.*

*Sperm. Cet. ʒjʒ.*

*Sal. Prunel.*

*Gum. Tragacant. ana ʒj.*

*Bezoart. mineral.*

*Camphor.*

*Bals. Capyv.*

*Mercur. dulc. ana ʒij.*

*Balsam. sulph. anisat. ʒj.*

*Ol. sabin. gutt. x.*

*M. & optime subigantur solutione Gummi, Tragacanth. in pilular. Massam; de cujus singulis Drach. formentur pil. xiv.*

*Harum iv. prima mane & hora somni sumat.*

**Rx.** *Croci Mart. adstringent. ʒij.*

*Trochiscor. de Carabe ʒj.*

*Offis sepiae præp. ʒj.*

*Sacch. Saturni gran. xv.*

*Syrup. de Nymph. q. s.*

*ut F. pilulæ Ciceris magnitudine.*

**Rx.** *Gum. Arabic.*

*Tragacanth.*

*Carab.*

*Mun.*

108 GONORRHOEÆ VIRULENTÆ,

*Mum.*

*Bol. armen. ana ʒj.*

*Syr. de Ros. ficc. q. s.*

*M.F. pilular. Massa, de qua capiat ʒj.  
singulis diebus mane.*

*Injectiones.*

℞. *Siliquar. Fabar. Cineres.*

*Aq. Plantagin. q. s.*

*M. & injiciantur.*

℞. *Vin. rubr.*

*Aq. Symphit. ana ʒv.*

*Folior. scord. M. j.*

*In his infund. per noctem Granor. Juniper  
per contusor. ʒiij.*

*Bol. Armeni alcoholizat. ʒß.*

*Bulliant leniter mane. Filtretur liquor,  
& injicito.*

℞. *Virid. æris ʒß.*

*Aq. fontan. ℥ij.*

*Stent simul, quousque coloretur aqua. De-  
canta, & dissolve Mercur. meteorizati  
gr. iij.*

*Filtra pro Injectione.*

℞. *Aq. Plantagin. ℥ß.*

*Dracon. mitigati in pollinem redacti ʒij.*

*M. in Phiala, & agita. Vice Dracon.  
addi potest sal Saturni.*

℞. *Aq.*

℞. *Aq. Plantagin.* ℥v.

*Vitrioli rom.* ʒß.

*Croci Mart. adstringent.* ℥ij.

*M. & Filtra. Liquor. est rubicundus.*

℞. *Lapid. medicamentos.* Crollii ʒß.

*Aq. Rosar. rubr.* ℥ß.

*M. & eluat Urethram ope Syringæ.*

### S E C T. III.

#### *De Medicamentis Balsamicis.*

Quando *Medici*, frequenti usu docti, *Adstringentium* praxin ad *Gonorrhœam* nihil certi, multum sæpe periculi, afferre deprehendissent, idcirco ad alia alterius (ut videbatur) generis remedia impulsæ fuerunt, quippe cum existimassent materiam *Gonorrhœæ* ex pure quodam conflare, itaque Medicamentorum, quæ ad cuticulam Ulceri obducendam commode admoventur, quæque ideo *Sanativa* dicuntur, periculum fecerunt, haud dubitantes, quin eundem fructum, quem cætera Ulcera ex iis perceperunt, in *Gonorrhœæ* quoque Ulcera redundaturum spectat.

Quod si facultates Balsamicorum, quæ hac in parte administrantur, attento animo excipiamus, eventum, ac si extrinsecus admoveantur, longe alium esse intelligemus. Causa vero nimirum est, quod Digestio nulla antecedit: *Gonorrhœæ* autem materia, paulo licet albidior, mollior tamen & lenior nequaquam fit, sed è

con-

## 110 GONORRHOÆ VIRULENTÆ,

contra crassior multo, quam quando Balsamica exterius apponantur, & tenacior efficitur: & ut uno verbo rem complectar, vires, quas Balsamica exerunt, haud multum sunt a prædictis Adstringentibus abhorrentes.

Quæ omnia si ita sint, dubium esse non potest, quin facultates, quæ ab hoc genere Medicaminum exercentur, longe diversam ab ea, quam adhuc habuerunt, explicandi rationem postularent.

Quippe cum *Gonorrhœæ* materia ex Pure non constituatur, cumque insuper Balsamica remedia munia ab iis, quæ peragunt in vulnere fanando, plane diversa moliantur, certo intelligimus, quicquid emolumenti affertur, illud nullo modo a vi Sanativa promanare. E regione igitur, quando hujusmodi Pharmaca eandem, qua ad *Gonorrhœam* Adstringentia utuntur, supprimendi viam muniant, atque in eadem prorsus Recidivationum pericula incurrant, æquum erit, ut in eundem numerum posthac adscriberentur.

Adhuc quoque (quod magni momenti est) prætermitti non debet, Balsamica Medicamina in Adstringentia, quæ præclarum usum habent, posse immutari.

Si enim Sulphur eorum & oleositas (quod per coctionem in aqua communi fieri potest) detrahatur, vis nihilominus Adstringens intermerata superest, & ad *Gonorrhœæ* medelam haud male administratur. Hoc autem sensibus manifestum erit, si *Terebinthinam* elixemus. Hæc enim, quæ præ cæteris eminet in facultate

### SYMPTOMATA, NATURA, &c. III

tate Digestivâ, quicquid Balsamici continet, illud omne coquendo exuit, atque Restringtonis Pharmaci officio, sive intus accepta sit, seu exterius admota, adeo valide perfungitur, ut Medici quamplurimi puræ *Terebinthinæ* ejus Pulverem anteferentes cum bono eventu eam adhibeant ad *Gonorrhœam*, postquam Balsamica facultas nihil profecisset.

Reliquum est ut optimas quasdam Balsamicorum formulas (ut supra) seorsim apponamus: Porro quasdam Purgantium, Adstringentium, & Balsamicorum conjunctim præbendas addeamus; pro certo enim capimus, quod hæc Remedia auxilium sibi adjungunt, quando rem inter se communicent; vel (ut legitur.)

*Quæ non prosunt singula, multa juvant.*

#### *Misturæ albæ.*

℞. *Terebinth. optim.* ℥j.

*Vitellum Ovi.*

*M. in Mortario, dein adde Aq. Agrimon. ℔j.*

*Ponatur Mistura per noctem in Baln. Mar.*

*Adjice mane succi Limon. ℥iij.*

*Sacch. albiss. q. s.*

*ad gratiam conciliandam.*

Eodem quoque modo *Misturæ* ex *Opobalsamo*, *Copayvi*, sive *Peruviano*, cum proprio vehiculo, confici possunt.

℞. *Aq.*

112 GONORRHOEÆ VIRULENTÆ,

℞. *Aq. Calc.* ℥j.

*Opobals. Copayv. vel Peruvian.* ʒj.

*Ovi vitelli auxilio F. Mistura alba.*

*Hujus vel præcedentis Cochlear.* iij.

*capiat ter in die.*

℞. *Opobals. gutt. xxx. Cap. cum Sacch. albiss.*

*Bolus.*

℞. *Rhabarb. tost.*

*Nuc. moschat. tost.*

*Bals. Tolut. ana gr. xv.*

*Sacch. Saturni gr. vj.*

*Tereb. Venet. q. s.*

*M. F. Bol. Mane & horâ somni sumendus.*

℞. *Cassie rec. extr.*

*Terb. Ven. ana ʒij.*

*Merc. dulc. ʒß.*

*M. F. Bolus mane deglutiendus.*

℞. *Tereb. Ven. ʒijß.*

*Dracon. mitigat. gr. x.*

*M. F. Bol. Obeliis involvendus, ut alternis exhibeatur diebus.*

*Elec-*



*Electuarium.*

℞. *Pulp. Cassiæ rec. extr.* ʒij.

*Bals. Capyv.* ʒj.

*Merc. dulc.*

*Ocul. Cancr. præpar.*

*Sal. Prunell. ana* ʒj.

*Sal. volatil. succin.* ʒiv.

*Syr. de Alth. Fernelii q. s.*

*M. F. Conditum, de quo capiat magnitudinem Nuc. moschatæ majoris bis, vel ter in die.*

Superius hoc Electuarium inter *Medicos Belgicos* longo in usu fuit: atque in *Praxi Chymiatrica rationali*, in *Cap. de Gonorrhœâ* pag. 115. locum habet, idemque profuse est cum eo, quod *D. Wallus* apud nos adhibuit, & suum etiam nomen tradidit.

℞. *Electuar. lenitiv.* ʒij.

*Balsam. Capyv.* ʒvj.

*Oculor. Cancr. præpar.* ʒiiij.

*Nuc. moschat. ras.*

*Sal. prunell. ana* ʒij.

*Merc. virid.* ʒiv.

*M. F. Electuar.*

℞. *Sang. Dracon.*

*Amyli ana* ʒiiij.

*Opobalsami* ʒʒ.

*Terebinth. Cypriæ* ʒʒ.

*M. Saccharo apud Pistores saccharios far-*

# 114 GONORRHŒÆ VIRULENTÆ,

*no incrustetur, & capiat ex eodem ter  
vel quater in die.*

## *Pilulæ.*

℞. *Mumie.*

*Sang. Dracon.*

*Terebinth. coct.*

*Corall. r. præpar. ana ʒij.*

*Bals. Peruvian. q. s.*

*M. F. pilul. Massa, de cujus singulis  
drach. formantur Pilul. x. Cap. IV.  
omni Vesperi & multo Mane.*

℞. *Ocul. Cancror. præpar. ʒj.*

*Gum. Guajac. nativ.*

*Bals. Tolutani ana ʒij.*

*Terebinth. Cypriæ q. s.*

*ut redigantur in formam pilularum me-  
diocris magnitudinis.*

## SECT. IV.

### *De Remediis Diureticis.*

Veteres Recentioresque Medici Diuretico-  
rum Pharmacorum praxin adeo acriter si-  
bi proposuerunt ad largiorem Urinæ copiam  
excitandam, ut in hoc consilio, etiamsi *Gonor-  
rhææ* eventus votis suis non responderit, perstare,  
atque ex hoc Medicaminum genere interdum  
periculosissima, quoniam Lotii undas certius &  
vehementius promoveant, administrare consue-  
verint. At vero plurimum Lotii, five una five  
re-

repetita vice redderetur, *Gonorrhœam* ita afficere non potest, ut acrimoniam corrigat, aut Ductuum, a quibus Fluor proficiscitur, tenorem protegat & conservet, neque equidem ad Naturam ipsam ita præsto esse queat, ut Effluxum promovendo Contagem projiciat.

Sed rem paulo altius repetamus, & quid commodi ad hunc morbum magna Urinæ copia crebro iterata afferret, videamus.

Atque imprimis illud apparet, Liquorem ex Vesica profluentem partes, quas transgreditur, abluere; quam ob causam modica Urinæ redditio crebro repetita multo commodius ablationem istam, quam largissima copia, si unâ & eâdem operâ effunderetur, promovebit.

Sicuti autem Urina ob eam tantum rationem commovetur, ut abluat Canalem suum, ita pro certo habemus, totam Diureticorum praxin ad *Gonorrhœæ* virus corrigendum nequaquam valere, sed in ablutione solâ collocari. Nempe hujus morbi materia, cum ab Urethræ lateribus jugiter sit excussa vi horum Pharmacorum, neque retrorsum ferri, cum quantitas augeatur, nec novam acredinem adipisci potest; quod futurum esset, si diuturnius in iis locis commorandi diversorium haberet: hæc itaque operatio una eademque est, ac si Ulcus aqua vivâ elueremus, cujus usus, si commode admo- veri possit, eundem plane eventum, ac Diuretica Medicamina, ad hunc Morbum esset allaturus.

Hinc itaque perspicuum est, *Gonorrhœæ* medelam, quæ Diureticorum ope comparatur,

ipſi *Medicorum*, a quibus ad hunc finem adhibentur, Hypotheſi repugnare. Cum enim a copioſis his, quæ cientur, Urinæ undis partes, præter *Urethram*, irrigari nullæ poſſunt, ſedeni *Gonorrhœæ* in *Urethra* poni neceſſe eſt, cujus ſuſpicionem nullam habuerunt. Hinc præterea ratio repetitur, cur Diuretica nullius momenti ſunt ad *Gonorrhœam* foëminarum, quoniam ſedes ejus adeo alte in Illarum Vagina conſtituitur, ut ab Urinæ fluminibus attingi nequeat.

Hæc vero omnia in clariorem lucem proferentur, ſi paulo acriori animo rem intuebimur: Etiamſi enim quiſquam *Proſtatas* unam tantummodo Glandulam conflare, aut in duas diſſindi oportere judicaverit; quomodocumque tamen res iſta ſeſe habeat, certe Liquor in Ductibus earum ſecretus ablui ab Urina prius non poteſt, quam aut tota moles *Proſtatarum* aut ſaltem Ductuum Valvæ corroſione quadam expugnentur. Quod ſi quis forte concedat, iſ tamen perfractam *Proſtatarum* compaginem a ſola ablutione renovare nunquam exiſtimaverit, quam ob cauſam ablutio hæc, ſi admove-ri poſſit, incaſſum admovebitur. Sin autem e contra in *Proſtatis* eſſet ſita *Gonorrhœæ* ſedes, quæ contagii ſui undas in *Urethram* jugiter exoneret, nemo tamen *Proſtatas* ab Urina emendari arbitrabitur, qui cognoscit nullum inter Urinam & *Proſtatarum* laticem com-  
 tum intercedere, ex quibus omnibus efficitur, Diuretica remedia (ſecundum eorum Theoriam) huic Morbo occurrere non poſſe; quod  
 Ex-

Experientiæ ipsi adversatur.

Idem vero Argumentum, si ad *Vesiculas Seminales* referatur, multo plus virium obtinebit, quoniam semen haud magis ab Urina attingi, quam *Prostatarum* liquor, potest. Accedit etiam, quod cum Urina ne externam quidem Vesicularum harum faciem tangat, pro certo habemus, *Gonorrhœæ* medelam, quæ Diureticorum auxilio perficitur, in nullis locis, multo minus in *Vasculis Seminalibus* a credinem corrigendo comparari.

Jam vero ad incommoda, quæ ab immoderata Diureticorum praxi afferuntur, significanda proficiscimur, quæ adeo multa, adeoque gravia sunt, ut Medici a nimio eorum usu merito deterreantur. *Hippocrates* ingentem jacturam, in quam Homines, (si pariter æqualiterque in hiemis atque in æstatis tempore perpotarentur) incurrunt, perspectam habens vult, ut curæ sit, ne multum in hieme biberetur. At vero hujusmodi incommodum, in eo tantum (ut a Medicina Statica confirmari potest) est collocatum, quod nimium Lotii exinde cieatur; unde Morbi quamplurimi exoriuntur. Sicuti autem Instituti nostri ratio postulat, ut Mala, quæ ex jugi ingentique Urinæ copia *Gonorrhœa* percipit, potissimum notarem; ideo unum tantummodo alterius generis Morbum, ab *Hippocrate* memoratum, ab aliis Medicis pæne omnibus prætermisum, adjungam, qui crebro cadit sub praxin Medicam, qui dolores vegetos secum fert, & qui persæpe pro Lithiâsi (non sine magno errore) accipitur. Difer-

## 118 GONORRHOÆ VIRULENTÆ,

tam hujus descriptionem in *Libro Illius de Natura Hominis* τὰτέων κυσῖς ψωρία &c. reperi-  
mus, quem locum si quisquam cum iis, quæ in  
*Libro de Morbis internis* leguntur, sedulo confe-  
rat, is inobservati hujus & perquam molesti  
Morbi originem assequetur: sed ad propositum  
redeamus. Longus Diureticorum usus causa  
est, ut non modo fœdum *Gonorrhœæ* virus, ve-  
rum etiam Mucus ille, qui a Natura (quod su-  
pra docuimus) comparatur ut Urethram obli-  
nat, eodem tempore expellatur, unde fit ut  
hæc *Fistula* ab Urinæ Seminisque acrimoniâ  
adeo gravem in modum stimuletur, ut imma-  
nes Dolorum insultus per totum Urethræ ca-  
nalem ad ipsum etiam Vesicæ collum aliquando  
propagentur. Adde quoque, quod stimulatio  
hæc, cum aliquandiu sævierit, ad partem tali  
irritatione confectam (quod cum de Glandis &  
Fræni Inflammatione ageretur, satis enuclea-  
vimus) ingentem Humorū affluxum adducit,  
qui Urethræ membranas incrassans facit, ut  
Meatus in perangustam conditionem redigatur;  
unde acerrima Mingendi molestia, & totalis  
interdum Urinæ suppressio exoritur; adeo ut  
ad Balnea confugiendi propter Inflammationem  
mitigandam, & *Perinæi* etiam pungendi, si  
Balneatio nihil profecerit, sæpenumero neces-  
sitas imponiatur. Porro notatu dignissimum est,  
atrocissimam hanc *Urethræ Prostatarumque* mo-  
lestiam in nulla Pharmacorum methodo, præ-  
ter Diureticam, quæ inter Galliæ Medicos ma-  
xime diligitur, reperiri.

Sed quidem mihi cum animo meo reputanti  
Even-

Eventus dubios, quos praxis Diuretica fortita est, Nemo hisce jacturis præstantius, quam diligentissimus sagacissimusque M. Ronjat, occurrisse videtur. Illius autem felicitas magis ipsius hominis ingenio, quam ulli hujus methodi excellentiæ, adscribi debet.

### *Pulveres.*

℞. *Terebinth. coct.*

*Crystall. mineral.*

*N. moschat. pulverat. ana ℥j.*

*M. F. Pulver. Dos. iij.*

*quos unico die capiat.*

℞. *Cremor. Tart.*

*Sal. Absynth.*

*Coral. ad albedin. calcinat.*

*Virg. aur. ana ℥j.*

*M. F. Dos. iij. unico similiter die sumenda.*

### *Bolus.*

℞. *Marg. præpar.*

*Pulv. Radic. Alth. ana ʒss.*

*Nit. præpar. ℥j.*

*Conserv. flor. Malv. q. s.*

*M. F. Bol. duo, quorum unum hora somni, alterum proximo mane deglutiat.*

### *Apozema.*

℞. *Radic. Alth.*

120 GONORRHOEÆ VIRULENTÆ,

*Petroselin. ana ʒvj.*

*Gramin. ʒß.*

*Uvar. passar. exacinat. ʒvj.*

*Coq. optime riteque in Aq. commun. f. q.  
ad ℥ij.*

*In Colatura solve Nitri purificati ʒß.*

*M. F. Apoz.*

℞. *Decoct. Capillor. Vener.*

*Agrimon.*

*Hepatic.*

*Plantagin.*

*Ceterach. ana ʒv.*

*Syrup. de succo violar. ʒij.*

*M. F. ptisana.*

℞. *Decoct. de v. Radic. aperient. ℥ij.*

*CrySTALL. min. ʒij.*

*Sacch. albiss. ʒv.*

*M.*

*Riverius cum multis aliis in aquæ illius, quæ  
Quercetani nomen gerit, laudibus consen-  
tit.*

℞. *Menth. sicc. ʒiiij.*

*Semin. Lactuc.*

*Rut.*

*Agni Cast. ana ʒijß.*

*Ireos florent. ʒij.*

*Fol. Dictamni Cretic. ʒx.*

*Sacch. optim. ℥ij.*

*Pulverisatis adde Terebinth. venet. ʒv.*

*Vin.*



*Vin. alb. generos. ℥xxx.*

*Destillent. vase vitreo, Balneo vaporoso.*

*Chymici Tincturam* quandam ex vermibus mense Majo collectis confectam, & cum sale Tartari commixtam, de qua viginti aut triginta guttæ simul capiuntur, mirum in modum commendant, necnon Tincturam ex Juniperi baccis conflata.

### *Tinctura.*

℞. *Bacc. Juniper. maturar. ℥ electar. q. v.*  
*Contund. & affusa Aq. Saxifragiæ s. q.*  
*Digerantur. Hinc exprime, abstrahendoque inspissa ad Mellis consistentiam. Hujus Mellis juniperini cochlear. x. Misc cum aq. vitæ Juniperinæ & digere, quo F. vel Tinctura vel Elixir Juniperinum.*

### *Electuarium.*

℞. *Cons. fl. Malv. ℥j.*  
*Symphit. ℥ß.*  
*Radic. Ononid. pulverat. ℥iij.*  
*Semin. Rusç. Brusç. ℥ij.*  
*Syrup. Alth. Fernel. q. s.*  
*M. F. Opiata, de qua capiat. subinde Magnitudin. Nuc. moschat major.*

Postremum autem, alia ex Diuretica remedium turba nonnulla in usum venerunt, quæ non modo majorem Urinæ copiam excitant,

H s sed

sed etiam partes, quas transcurrunt, stimulatione quadam perstringunt. Atque hæc equidem ad *Gonorrhœam* tollendam & ad colorem illius immutandum, quam Diuretica, quæ nulla vi stimulatrice imbuuntur, multo præstantioris momenti esse existimantur. Enimvero cum *Medici*, debilioribus Diureticis parum fauste utentes, ad ea, quæ Urinam vehementius provocarent, sese contulissent, in facultatem quoque quandam stimulativam inciderunt, quam ii non tantum *Gonorrhœæ* nihil prodesse, sed etiam officere arbitrabantur. E regione vero pro certo habemus, quicquid boni ad hunc Morbum ex usu Diureticorum defluerit, illud omne nullo modo ad facultatem Diureticam, sed ad virtutem stimulativam referri oportere. Quippe horum Medicaminum stimulus (quod supra de purgantibus Pharmacis dictum fuit) ad morbosos *Gonorrhœæ* aculeos superadditus, multo celeriores, quam si a solo Naturæ impetu projiceretur, Contagis finem faciet.

Quando autem hic optatus Exitus a tam indirecta Methodo pariatur, non mirum est, quod Dolores acerrimi, aliaque, quæ conjunctæ duorum stimulorum vires suscitare solent, gravissima Symptomata exardescant. Unde fit, ut nonnulli, cum plane fuerint nescii, quo pacto corrigi hæc Pharmaca & mitigari possent, eorum prius usum, quam Morbus confectus atque ejectus sit, intermittere cogerentur.

Illud equidem negari non potest, hoc genus Diureticorum a quibusdam, Mistura cum Oleis,

leis, aliisque mollibus Medicamentis facta, castigari solere. At vero hac castigatione virium adhibita, Remedium statim suo stimulo quasi castratur, unde nobilis ejus impetus repente flaccescit, atque utilitas jugulatur.

Quando autem antedictæ Observationes Methodos quasdam, quibus hæc medicamina moderemur, nobis proponunt, idcirco formulas recensebo.

### *Pharmaca.*

℞. *Cantharid. integrar.* ℥j.

*Vin. Rhenani* ℥iij.

*Vel Sp. Vini tantundem. Infund. per aliquot dies, hinc filtra. Hujus Tincturæ cochleare misceatur cum Cerevisiæ vel vini Cyatho, quem hauriat Ager. Proximis diebus augeatur cochleatim Dosis.*

Hæc Methodus cum *Thoma Bartholino*, alium tamen ob finem, primo fuit communicata. Quo modo *Cantharides* præparantur, & quæ fuerunt hujus Tincturæ effecta, in *Epistolarum Centuriis* fuse explicatur.

Cum vero hæc Tinctura vehementissimos Dolores, cruentam Urinam, aliaque molestissima Symptomata progignere comperta fuit, igitur cum Oleo, cum *Albi Verbasci succo*, cum *Althææ Syrupo*, quæ omnia immanem illam malorum turbam temperent, commiscetur.

Et si autem hoc Remedium (sicut res visa est) magis ob bonam spem, quæ de illo erat, quam

# 124 GONORRHOEÆ VIRULENTÆ,

quam ob fructum ullum, qui capiebatur, maximis in laudibus aliquando atque deliciis fuit, ea tamen opinio haud diu permanfit, ufusque ejus, aut propter dolores excitatos, aut propter vires Mixtionis additamento defalcatas, depositus atque abjectus fuit; donec *Recentiores* quidam illud præparationibus minus jucundis, eventu autem haud magis prospero, corrigere & instaurare contenderunt. Methodus vero hæc *Neoterica* sic se habet.

℞. *Spir. vini* ℥ix.

*Rhabarb. el.* ʒjß.

*Cantharid.* ʒij.

*Gum. Guajaci.*

*Coccinell.*

*Bals. peruv. ana* ʒj.

*M. Elic. f. a. Tinctura.*

℞. *Sp. vini* ℔j.

*Cantharid.* ʒj.

*Rhab. el.* ʒjß.

*Gum. Luccæ* ʒj.

*Guajac.* ʒij.

*Digerantur diebus tribus in B. M.*

℞. *Rhabarb. el.* ʒjß.

*Cantharid.* ʒj.

*Gum. Guajac.*

*Bals. peruviani.*

*Coccinell. ana* ʒß.

*Sp. Sal armoniac.* ʒjß.

*Sp. vini* ℥ix.

*M. F. f. a Tinct.*

Hæ

Hæ quidem rationes nobis sunt propositæ, ut offensiones, quas affert *Cantharidum* Praxis, feliciter devitemus. At vero mehercule quam foeda, quam indefinita, (ne dicam quam malefana) est hujusmodi compositio? in quâ, quæcunque ad *Gonorrhææ* aut *Veneræ Luis* curationem unquam pertinuerunt, in unam quasi massam univerſa congeruntur.

Sed ut hæc ingrata atque imperita Mixturarum instituta relinquam: non possum profecto quin adverterem *Priscos* Medicos non tantum cum *Modernis* convenisse, quod *Gonorrhæam* a Diureticis & Purgantibus Pharmacis tolli credant, sed etiam in statuendis eorum formulis nequaquam a Recentibus superatos fuisse. Accedit etiam, quod præscriptiones multas ab *Hodiernis Recentibusque* Medicis adhibitæ cernere licet, quæ suis *Gonorrhææ* hypothefibus plane repugnantes, ad indicationes opinionesque Veterum hominum quam optime accommodantur: adeo ut modernam Curandi rationem in plurimis rebus Empiricam prorsus esse jure optimo dicamus, utpote quod Praxis pendet ex fide *Veterum*, quorum Prudentia atque Consilia interim exciderunt.

Illud equidem negari non potest, Medicamentorum genus, quæ ad immoderatum seminis effluxum coercendum *Specificæ* olim habebantur, in *Gonorrhææ* curriculo ab Antiquis viris commendatum, atque ab iis, Mixtura cum Diureticis Purgantibusque persæpe facta, administratum fuisse. E regione vero ingentem Diureticarum Ptilanarum *Specificis* hisce refer-

tarum

tarum thesaurum inter Neotericos Authores cumulari reperimus, quorum utilitatem ab ea, quam sibi hi finxerunt, *Gonorrhœæ* Theoria significatam judicare nullo modo possumus.

*Alexander Trajanus Petronius* ad hunc ipsum finem *Agni Casti Syrupum* moliebatur, qui, magna licet congeries sit istiusmodi Medicaminum, hodiernis diebus adeo parvi penditur, ut ne in Pharmacopoliis quidem audiatur. Hanc tamen præscriptionem, tum quia præcipuum sit hodiernarum Ptisanarum fundamentum, tum quia proportio Medicaminum in quibusdam Pharmacopæis perperam augeatur, atque in aliis ordo immutetur, operæ pretium erit ex antiquo ipsius fonte exhaurire.

℞. *Accipe Seminum Endiviæ,*  
*Lactucæ,*  
*Portulacæ,*  
*Cucurbitæ,*  
*Melonis ana ʒij.*  
*Psyllii ʒj.*

*Flor. Nenupharis,*  
*Folior. Mentæ ana Mß.*  
*Seminum Rutæ,*  
*Canabis ana ʒß.*  
*Agni Casti ʒiv.*

*Aquæ Coriandri, Decocti Lentium*  
*ana partes æquales. Bulliant s. a.*  
*postea Colentur. Ex hoc Colato*  
*accipe ℥j.*

*Succi Limonum ʒij.*

*Sacchari q. s.*

*M. F. Syrupus.*

*Tra-*

*Trajanus* in hujus Syrupi subsidium *Camphoram* vocat, *Electrum*, & *Nymphæam*, atque alia quædam *Specifica* ad semen cohibendum, quando igitur Recentiores remedia ejusdem generis præstituant ægrotis, originem Praxeos, a suis utique principiis abhorrentis, quis non deprehendit?

Hactenus *Veterum* atque *Recentiorum* Praxin, Indicationesque, quibus innixa fuit, fideliter significavimus: Rationes quoque, a quibus horum omnium Medicaminum vires exponuntur, atque ad *Gonorrhæam* referuntur, enodavimus: Unde non modo istius juvaminis, quod Pharmacæ afferunt, causas consequimur, sed etiam qua ratione Symptomata gravem aliquando in modum ab iis urgeantur, atque ipse Morbus in Luem Veneream vertatur, manifesto intelligimus.

Quod si quis forte mihi vitio daret libertatem illam, qua & *Veteres* *Recentesque* Medicos, Pharmacis suis parum perite & prospere utentes, sum prosecutus, is profecto resipiscet, si secum reputaverit ab hisce cautionibus viam muniri ad depellenda pericula istorum Medicaminum, quorum incommoda à mille miserorum hominum experientia possunt nimis confirmari. Sed quidem non est, ut Testimonia aliunde repetam, quam ex ipsis candidissimis ingeniosissimisque harum Methodorum Inventoribus, qui jacturas, quas Secutores eorum aut non vident, aut data opera dissimulant, palam profitentur: hæc verba sunt *Petronii*, in capite de *Virulentæ Gonorrhææ curatione*: „Itaque postquam  
„ne-

„neque Medicamentis Alvum ducentibus obe-  
 „divit, neque per Cutim, neque per alias Cor-  
 „poris partes evacuantibus &c. aliis modis,  
 „aliisque ingeniis insistendum.

Jam vero procedimus ad optimas quasdam rationes investigandas, quibus Symptomata superius memorata atrocitate sua spolientur; Hæc enim negligi non debent, dum totius Morbi, a quo profluunt, Curationi præcipua diligentia studeamus.

Prius vero quam hanc novam provinciam suscepero, significandum duco errorem, qui passim jactatur, *Gonorrhœam* scilicet Foeminarum distinctam quandam & peculiarem Curandi methodum postulare.

Quandoquidem vero diversam hujusmodi tractationem, nisi in gravidis Mulieribus, quæ (sicut omnes Medici norunt) a purgantibus Pharmacis remonentur, nullam agnoscerem, non est ut in hoc loco ulterius commorarer. Verum profecto est, Mulieres majori fortassis difficultate, quam Mares, sanari. Uterque tamen Sexus eadem omnino desiderat Curandi Instituta, ut ex iis, quæ & in Theoretica Practicaque hujus Operis parte dicta sunt, manifestum efficitur.



## CAP. III.

*De Mingendi dolore mitigando.*

**G**ravissimum dolorem, qui inter mingendum percipitur, ex eo prorsus commoveri, quod Lotii sales Urethram prius a *Gonorrhææ* acrimonia exesam in cursu suo sollicitent & pungant, supra intelleximus. Itaque Molestia tolli sine dubio non potest, dum virus ibidem insidere & sævire perseverat, è regione autem, morbo ad medelam vergente, Urinæ dolor utique defervescit. Cum vero hic Urinæ ardor non tantum semper plurimum molestiæ, sed etiam, si perstiterit, plurimum aliquando periculi afferat, necesse est ut aliquam hujus acredinis leniendæ rationem habeamus, antequam sola *Gonorrhææ* Curatio penitus absolvetur.

Hic dolor, nisi aut Urethram ita muniamus, ut acutis Urinæ salibus haud subjiceretur, aut ipsam Urinæ falsuginem auferamus, nequit relevari: illa quidem ratione, sales Urethram rodere non possunt, hac vero, falsedo ipsa extinguitur. In priori profecto methodo Magistrum Naturam intuemur & imitamur, quæ ejusdem generis præsidio utens cavet, ne Urethra falsugine feminis aut lotii vellicetur.

Juvamen, quod ex hac parte ministratur, eo nomine est commodius, quoniam mollis Lacunarum liquor a *Gonorrhææ* veneno vitatus vertitur in adversarium, & loca illa turpiter dive-

xat, quæ defendere debuisset. Sin autem Urinam viscositate imbuerimus, aut Liquores viscositate imbutos injecerimus, Urethra inde Muco quodam (tanquam a Natura ipsa) obliterata ab omni & Urinæ & Morbi acrimonia vindicabitur.

Alteram doloris leniendi intentionem assequemur; si vel præstemus, quod Liquor in renibus separatus haud multo sale oneretur; vel quod salis particulæ inter ingentem aquearum partium numerum adeo dispergantur, ut præ exiguitate sua Uræthram lædere non potuerint. Prior hujus Consilii pars utcunque factu sit difficillima, tamen certi sumus, salem in larga aquæ copia conjectum naturam suam prope modum exuere. Si igitur aqueam sanguinis partem (nempe serosam) vehementem in modum augeamus, tum sal magnopere dilutus suos penitus stimulos amittet, & Urinæ æstus relevabitur.

Hinc & a Coroll. 3. causam colligimus, cur *Gonorrhœa*, biduo triduoque post quam eruperit, dolores Urinæ nullos concitaret.

Hic Urinæ æstus, qui *Gonorrhœæ* plane Symptoma est, atque acrimoniæ comes, in hallucinationes plurimas Authores adduxit. Ii enim ad ardorem hunc mitigandum, quasi morbi medela exinde foret comparata, sua studia contulerunt, plane ignari, *Gonorrhœam* si prius de medio sustulerint, hunc istius satellitem cito subitoque perituum. Eorum profecto error ex eo nimirum defluxit, quod dolores inter mingendum excitatos à quodam Urinæ æstu pro-

proficisci judicaverint, qui æstus à vesicalis colli vasculorumque seminalium Inflammatione, sicut Inflammatio ab ipsa *Gonorrhœæ* causa, cieri credebatur. Quapropter omnis eorum solertia ad Inflammationis moderationem vocata fuit. Ex hac culpa tota simul Theoria & Praxis *Blenii*, aliorumque Authorum, exoriuntur. Quando autem hæc Hypothesis, præter colligatam somniorum rerumque adumbratarum seriem, nihil complecti supra ostensa fuit, ibidem haud longius immorarer, quam ut, in eorum Praxin quid Conferat Hypothesis, videamus.

Illud negari non potest, quod Medicaminum eventus prudentiam horum *Medicorum* magnopere superavit, qui per mille errores proVecti in tolerabilem curandi methodum tandem inciderunt.

A falso enim hoc Principio, *Inflammationes nimirum a Remediis actu frigidis tantummodo relevari*, factum est, quod in usum quorundam Pharmacorum sunt delapsi, quæ propter *Frigiditatem* suam largiorem Urinæ copiam promovebant; ex quibus quoque nonnulla, quando lenta atque viscosa fuerint, non solum Lotii sales diluebant, verum & Urethram, præter ipsorum mentem, muco perfundebant. Fortunati profecto essent, si omnes eorum hallucinationes eundem exitum habuissent, tum quidem imprudentia exire & in publicum emanare nunquam potuisset. At vero perversus Phlebotomiæ usus non modo Curationis spes illis universas præcidit, sed etiam *Veneream Luem*,

132 GONORRHOEÆ VIRULENTÆ,  
 sicut ipsi confitentur, sæpenumero induxit.  
 Alii hujus generis errores non desunt, qui &  
 ipsos crebro clam sunt, atque (quod beatius  
 est) ab ægrotorum suorum sensibus removen-  
 tur.

Hactenus Rationes, quibus Mingendi mole-  
 stia mitigari possit, ex vera Theoria deduxi-  
 mus. Jam Pharmaca illa, quæ acerrimo huic  
 dolori, sive ex imperita tractatione, sive ex Go-  
 norrhœa ipsa profecto, occurrant, diligenter ad-  
 hibebimus.

### *Pharmaca.*

℞. *Sal. volatil. succini* ʒj.

*Sacch. Candie* ʒij.

*M. F. Dos. vj. Harum unam accipiat  
 ter in die cum Cyatho Tinct. Theæ,  
 Cerevisiæ tepide, vel seri Lact.*

℞. *CrySTALL. mineral.* ʒij.

*F. Dos. ij. unico die sumendæ cum han-  
 stu quorumlibet Liqueurum prædicto-  
 rum.*

℞. *Spec. Diatragacanth. frigid.* ʒj.

*Sal. prunell.* ʒij.

*M. F. Dos. iv. similiter eodem die su-  
 mendæ.*

℞. *Amygdalar. dulc. par.* viij.

*Decoct. Hord.* ℥ij.

*F. s. a Emulsio, cui adde Sacch. albiss.  
 q. s. ad gratiam. Hauriat tribus vel  
 quatuor vicibus.*

℞. *Ser*

SYMPTOMATA, NATURA, &c. 133

℞. Semin. iv. frigidior. major. ℥j.

Papaver. alb. ℥ij.

Amygd. dulc. No. viij.

Contand. sensim, affundendo Aq. Petroselin. ℥jss.

F. Emulsio Sacch. Candiae edulcoranda.

℞. Semin. Canabin. ℥ss.

Amygdal. dulc. par. vj.

Aq. commun. ℥ij.

F. Emulsio, qua immisceatur

Aq. Fol. Aurantior. ℥j.

Hauriatque vicibus duabus.

℞. Amygd. dulc. par. ix.

Aq. Saxifrag. ℥ij.

F. s. a Emulsio, in qua dissolve

Gum. Arabici ℥iij.

M. & hauriat tribus vel quatuor vicibus.

℞. Seri Lactis ℥ss.

Gum. Tragac. ℥ij.

Solvatur Gummi & injiciatur Mistura.

℞. Aq. Plantagin. ℥x.

Trochisc. albor. Rhas. ℥ss.

M. in usum eundem.

℞. Flor. Sambuci M. j.

Radic. Alth. ℥ss.

Sem. Cydonior. ℥j.

Præp. s. a & decoq. in Aq. ℥jss.

Utatur Colatura.

℞. *Radic. Hyosciami* ℥℔.

*Furfur. Siligin. M. ℔.*

*Sem. Lini contus. ℥ij.*

*Decoq. in Aq. Rosar. ℔ij.*

*Frigescant cooperta, Liquor postea colatus injiciatur.*

℞. *Hord. commun. ℥j.*

*Radic. Lilior. albor. ℥℔.*

*Folior. Malv. M. ℔.*

*Semin. iv. frigidor. major. ℥j℔.*

*Lamii albi pug. ij.*

*Præparent. s. a ℥ decoq. igne lento in Aq. Flor. Sambuc. ℔ij. ad  $\frac{1}{2}$  consumptionem. Liquoris colati portio subinde per Siphonem injiciatur.*

Hujusmodi Remedia non tantum se reddunt Theoriæ nostræ consentanea, sed & uberrimos fructus in Praxi præbent; raro enim aut nunquam spes nostras fallunt gravissimi hujus doloris leniendi. Sed permulti (ut supra innuimus) *Authores*, cum dolorem hunc ex Inflammatione (quæ ab æstu sanguinis promota fuit) exoriri judicarent, ad venæ sectionem confugerunt.

Jam vero utcunque Inflammationi, aut potius Virtuti stimulatrici, quæ Inflammationis causa est, hic dolor debeatur, profecto non est, ut de istius recreatione prius speremus, quam aut Urinæ sales aut Contagis acrimonia tollerentur. Ad has autem Intentiones Phlebotomia (ut ab even-

eventu confirmatur) proficere nullo modo potest, quippe quæ neque Balsamicam ullam neque Diureticam facultatem fortitur. Quinetiam nonnulli sunt, qui (ut jam docuimus) venæ sectionem a *Lue Venerea* excipi sæpenumero adverterunt. Intima quidem hujus calamitatis causa a revulsione illa (quæ Phlebotomia perficitur) peti potest, quæ antiquis temporibus haud ignota fuit, in nostris vero per magnificam *Circulationis* doctrinam præclarum in modum explicatur.

Balneorum praxis, non modo ad recreandum Urinæ ardorem, sed ad vehementem ejus suppressionem (quæ quorundam Pharmacorum usum consequitur) relevandam, adeo ingentis momenti est, ut digna sit, quæ fusiori accuratiorique stylo pertractetur. Balneationis Theoria nos admonet, homini in aqua frigida immerso Urinam & crebrius, quam a Natura, & copiosius commoveri; si autem in aqua admodum calida, contrarium prorsus in modum rem procedere. At vero Urinæ suppressio nascitur ex vehemēti quadam Vesicæ colli constrictione, cujus interventu Sphincter quasi male feriat vim explosivam vi nova repellit. Cum autem hæc constrictione ex Inflammatione (quæ, ut supra innuimus, immodicæ stimulationi debetur) prorsus proficiscatur, cum etiam istiusmodi Inflammationes ab admoto Liqueurum tepore perquam feliciter relevari soleant, itaque temperatæ Balneorum undæ, totum ventrem infimum valde suaviter circumlambentes, faciunt, quod quasi iratus Vesicæ Sphincter adeo

## 136 GONORRHOÆ VIRULENTÆ,

mirum in modum mitigetur, ut, renixu haud amplius facto, humores descendere permittantur.

Quando autem insuper eodem tempore, eandemque ob causam, Urethra haud dissimili Inflammatione vexetur, tamen Balneorum tepor iterum quoque hoc in loco tam prospero munere perfungitur, ut, exeundi venia impetrata, Lotium exoneretur non sine summo ægroti oblectamento.

Hinc demum ad qualem caloris gradum hæc Balnea debeant elevari, necnon quam nullius momenti sit ea calidis plantis aut etiam Diureticis medicari, tuto colligamus.

### CAP. IV.

#### *De Constrictione, quam erectus Penis percipit, relevanda, necnon de Glandis Inflammatione recreanda &c.*

**Q**uemadmodum gravis illa Constrictio, quæ erectionem Penis nonnunquam consequitur, ex eo prorsus facta sit, quod Urethra exulcerata inter *cavernosa Corpora* dure comprimeretur; Erectio autem ipsa a stimulativo *Gonorrhœæ* spiritu excitaretur, ita nisi aut Urethram a corrosione salvam præstemus, aut ipsum erectionis impetum domemus, spes doloris leniendi inanes agitabimus. Ex his prior Intentio ab iis rationibus medicamentisque perfici potest, quæ in superiori Capite cumulavimus: Altera vero ad optatum exitum perducere nequit, nisi



nisi istas Methodos, quæ Penis intumescen-  
tiam repente compescunt, admoveamus. Sin  
autem quisque repetet, quid sibi obtigit, quan-  
do in aquam vivam aut marinam, aut (quod  
majus est) in Frigidarium se immiserit, medi-  
cina ei nunquam deerit in promptu.

Amasia ex Nive confecta, qualem D. *Fran-*  
*ciscus* olim habuisse legitur, præsentaneum,  
præsertim in nostro Climate, juvamen exhi-  
bebit.

Sed ut Methodum hæctenus institutam ex-  
plerem, formulas quasdam *Authorum*, ad eun-  
dem licet scopum collineantes attexendas puto.

Antequam vero hæce formulas adjungam,  
hoc in loco præclara facultas mihi datur de  
Glandis & Fræni inflammationibus, deque fœ-  
do Urethræ hiatu sanando, differendi. Hæc  
enim omnia ab acido *Gonorrhœæ* veneno com-  
moventur, & gravissimam molestiam atque pe-  
ricula inducunt. Etiam si Mulieres Glandem  
nullam aut Frænum habeant, Vaginæ tamen  
Sphincter, & Clitoris, & Labia ipsa eandem  
prorsus ab acredine, atque istæ Virorum par-  
tes, Inflammationem passa ab iisdem curandi  
intentionibus ad medelam promoventur; iis  
nimirum intentionibus, quæ instantem simul  
Inflammationem mitigant, atque impediunt,  
quo minus in hisce locis Contages postmodum  
grassaretur. Hujus generis sunt Medicamina,  
quæ subjunguntur.

℞. *Lact. tepidi.*

*Aq. Rosar. rubrar. ana ℥j.*

I 5

*Sacch.*

## 138 GONORRHOEÆ VIRULENTÆ,

*Sacch. Saturni* ʒiſs.

*M. & fove Glandem & partes vicinas.*

*Rx. Flor. Sambuci.*

*Furfur Siliginei ana M.*

*Radic. Lilior. alb. ʒj.*

*Decoq. in Aq. Sperm. Ranar.*

*Lactis rec. ana ℥j.*

*Colaturæ tepidæ adde Bals. Saturni ʒj.*

*M. & foveantur partes tumide.*

*Rx. Folior. Acetos.*

*Flor. Sambuci ana M. j.*

*Panis Siligin. ʒij.*

*M. F. Lactē ebutyrato, sed recenti, Cataplasma Glandi inflammatae applicandum.*

## CAP. V.

### *De Carcinomatum sive Cariei Curatione.*

**Q**uanquam inter *Gonorrhœæ* Symptomata in hoc loco *Carcinomata* numerentur; tamen omnia in eodem satellitio non collocari supra significavimus: Ex iis enim quædam haud minus distinctas, quam *Gonorrhœa* ipsa, in *Lue Venerea* provincias sortiuntur; Quædam ab infelici atque imperita Curatione aut ab ipso Morbo Gallico nascuntur: Quædam demum vera sunt atque directæ Symptomata *Gonorrhœæ*.

Etsi autem fortassis & *Carcinomata*, quæ Go-

*nor-*

*norrbœam* consequuntur, & ea, quæ propriam sibi & non dependentem Naturam vindicant, ad Medelam (nullis Medicamentis intus acceptis, ut infra ostendemus) possint perducî; e regione vero eâ, quæ a *Morbo Gallico* excitantur, postulent, ut Topica interna caperentur; tamen haud iniquum erit, si Methodum eorum curatoriam paulo generaliori intuitu impræsentiarum persequamur. Utcunque enim Pharmacorum intus assumptorum necessitas se habeat, unusquisque sibi Medicus proposuit, ut externis applicationibus hæc Tubercula discuteret, etiam si incertus exitus & dolores magni istis Methodis obstrepere quodammodo viderentur. Sin autem ex tribus *Carcinomatibus* duo ad minimum non faciunt, ut Medicinam internam adhibeamus, tum equidem de humano genere quam optime merebimur, si a Salivatione parum necessaria, & a Mercurialibus, periculosissimisque Vomitoriis, miseros vindicabimus. Cuicunque vero origini hæc *Ulcuscula* debeantur, an coagulentur an vero dissipentur Liquores partium, quas incrustant, hoc persuasum habemus, Remedia nulla ad hoc usque tempus excogitata ex sententia successisse, nisi quæ hæc pestes penitus consumpserint, profecerintque, ut se a sinceris partibus segregarent. Hæc autem Ratio efficienti *Carcinomatum* causæ nequaquam occurrit, utpote quæ, velut vulnera insanabilia, quasi flamma delentur, non mediocri cum damno partium integrarum. Hujusmodi autem Remedium tantos dolores Inflammationemque tam atrocem inferre solet,

ut ad ipsam aliquando Penis amputationem, ob immanem morbi acrimoniam, vimque admoti Medicaminis immaniolem, confugiendi necessitas imponatur. Hæc nihilominus est unica curandi intentio, quæ inter *Medicos* hætenus prævaluit. In ea quidem opinione est D. *Blenius*, ut putet *Escharotica*, in malignitate *Carcinomatum* subigenda, primas semper partes obtinere: Illud vero præcipue nos admonet, ut in hac Praxi prudentem locorum, ubi emicant hæc *Tubercula*, & virulentia, qua sæviunt, rationem habeamus. Lenioris nempe generis *Escharotica* partibus teneris admodum & delicatis, uti & *Ulcusculis* recentibus & exiguis, admoveri; e contra autem ad loca crassa & callosa, necnon ad *Carcinomata*, quæ radices latas & profundas & diuturnas egerunt, activa *Pharmaca* & fortissima debent applicari.

Verum enim vero hæc *Escharoticorum* methodus non modo incredibiles dolores secum trahit, sed & magnam medelæ *Carcinomatum* moram producit, siquidem plerique non nisi annuo, & nonnunquam longiori tempore, sanantur. „Excidente jam *Eschara*, ait *Blenius*, „*Suppurativorum* usus ad octo tantum dies, si „perexigua sint *Carcinomata*, sin autem grandia, ad sex septimanas est prorogandus, ad „mediocria denique, media utique mora postulatur.

Hic minimus est *Temporis terminus*, quo utitur *Escharoticorum* Curatio, quæ ad plurimum annorum spatium, cum incommodis omnibus supra memoratis, nonnunquam prolatatur.

Quan-

Quandoquidem autem *Medicorum* omnium & *Chirurgorum* familia pro incerto hoc & tardo curationis instituto certum aliquid & expeditum nondum substituere & supponere cœperunt, itaque Formulas quasdam Escharoticorum, quæ in vulgari usu sunt, numerare prope-rabo.

Medici cum Remedia, quæ vulgo apposuerunt, ad *Carcinomata* eradicanda perpauullulum valere vidissent, medicaminum præ cæteris omnibus acerrimorum periculum facere, ipsius nimirum *Aquæ fortis* & *Regiæ*, necesse habuere. *Fallopium* autem ingentem illam, quam atrocissima hæc medicamenta attulerunt, jacturam compertam habens vehementer vult, ut ab istius aquæ usu Medici valde caveant, quæ Aurum ab Argento solet segregare: deinde etiam duas diversas *Aquæ fortis* formulas, unam ex *Mariano Barolitano*, ex *Johanne de Vigo* alteram, proponit. Idem quoque Vir *viridis Æris* tincturam cum *Aqua rosacea* compositam commendat; atque sibi denique persuadens, uti ab eo tempore omnes sibi persuaserunt, *Carcinomatum* medelam frustra tentari, nisi adsint *Corrosiva* seu *Escharotica* medicamina, ea, quæ sequuntur, sedulo subjungit.

### Pharmaca.

℞. *Aq. commun. q. v.*

*Balliat in lebetæ æneo, in ea infunde*

*Calc. vivæ parum, & adde*

*Vitrioli Hungar. q. s.*

*ut cærulescat solutio; hanc filtra pro*

*Fetu tepide applicando.*

℞.

142 GONORRHOEÆ VIRULENTÆ,

℞. *Lact. virgin. q. v.*

*Mercur. sublim. pauxillum.*

*M. F. Liquor, quo sæpius tangantur Ulcera maligna.*

℞. *Axung. porcin. q. v.*

*Ol. Tart. per deliq. q. s.*

*ut Axungia deveniat acris & F. Unguentum; vel Ol. Tart. vice addatur Ol. Vitrioli.*

℞. *Merc. præcip. ℥j.*

*Vini sublimati ℥ij.*

*Stent simul in vase, & vinum sublimatum accendatur, ut totum cremetur. Id cum novo vino sublimato ter repetatur.*

℞. *Merc. præc. ℥ij.*

*Sp. vin. ardent. ℥iv.*

*Ponantur ambo in Retorta, & Sp. vini a Mercurio præcipitato destilletur, & in vas recipiens accipiat. Hunc Sp. serva.*

Duæ Præparationes Præcipitati proxime significatæ sine ullo vel leviori saltem cruciatu rem suam efficere jactitantur. Quod tamen aliter fore eventurum comperiemus, nisi summa in iis componendis diligentia adhibeatur, & nisi corrosivi sales penitus aboleantur.

℞. *Merc. vivi optime purgati ℥j. quam solve in Aq. fort. ℥ij. Solutioni superfunde aquam communem, postea paulatim Ol. Tart.*

*Tart. correctum guttatim adde, & Mercurius luti instar præcipitabitur, quem probe a Corrosivo per aquam simplicem vindica. Hic Præcipitatus vocatur Luteus, ab aliquibus vero Magni Calcinati Paracelsi nomine intelligitur.*

*Rx. Merc. Lut. vel Præcip. rub. parum.*

*Immisceatur Ung. Basilic. s. q. & extende super petiolas, quas Cancris vel Cariebus applicabis.*

Cum autem acriora Remedia in usum maximum venerunt, quorum viribus *Carcinoma* imprimis radicitus evellitur, postea Balsamicorum ope partes a tam gravi evulsione offensæ restitui & relevari debent, idcirco prioris generis prius constituam, deinde ad Balsamica festinabo.

Balsamica, quæ vulgari in usu sunt ad partes consolidandas, suo munere cunctanter nimis funguntur, ideo *Musitanus* hoc Balsamum proponit.

### *Balsamum.*

*Rx. Aloes.*

*Myrrhæ & Croci ana ʒj.*

*F. omnium Pulvis & affunde*

*Sp. viniardent. ℥j.*

*Stent simul per duos dies, deinde per Inclinationem, tantum, Sp. vini separa, & in vase optime clauso serva. Aspergatur Ulcus ter vel quater in die, & consolidatum erit.*

At

# 144 GONORRHOEÆ VIRULENTÆ,

Ab hoc Balsamo (prout ipse confitetur) necesse est ut dolores magni moveantur. Quapropter alia Olea, sicut *Ung. de Tutia*, ab eo commendantur. Nullum autem præponere oportet *Unguento Desiccativo Rubro*, aut *Ung. Diapompholygos*, vel huic, quod a *Johanne de Vigo* constituitur.

℞. Ol. Rosac. ℥ij.

Succi Plantagin. ʒvj.

Litharg. Auri & Argenti ana ʒv.

Tutiae ʒiiij.

Ceruss. ʒij.

Plumbi usti ʒj.

M. & ducantur in Mortario plumbeo ad Unguenti consistentiam.

Quanquam vero Auctores ad *Carcinomatum* curationem Remedia jamjam recensita admo-  
verunt, tamen ex iis etiam acerrima & mole-  
stissima Venereæ Pesti satisfacere non potue-  
runt, quocirca Medicamina quoque Mercuria-  
lia intus adhibuerunt, quæ eodem tempore  
Medelam promoveant, prohibeantque, quo  
minus Massa sanguinis interim pollueretur.  
Quemadmodum autem diversa *Carcinomatum*  
genera a præmissa Theoria satis significata fue-  
rint, exinde quoque, quæ sanguinem vitiant at-  
que interna Topica desiderant, quæ vero ab  
externis remediis sanantur, perspicere poterim-  
us.

Ex multa mora, quam effert *Escharoticorum*  
Praxis, licet colligere, quod *Carcinomata* non  
tam



tam repente sanguinem corrumpunt, *Veneream-que Luem* propagant, quam plerique sibi Medici persuaferunt. Quippe quando *Escharotici* Pharmaci non est *Gonorrhœæ* acrimoniam, a qua hoc Ulcusculum excitatur, penitus opprimere, sed tantum agere ut *Crusta* delabatur, palam fit acrem Contagis spiritum in sanguinis massam non manare, sed sede *Carcinomatis* prorsus contineri: præsertim quoque cum cætera Morbi Symptomata, deletis his Ulcusculis, deservescere & tandem tolli videamus. Quapropter quando hanc Curationem *Carcinomatum*, tardam licet & cunctantem, & Pharmacis Pestis acrimoniam parum subigentibus utentem, Venerea Lues raro excipiat, statuendum est idcirco *Carcinomata* haud majore jure Veneream Luem, quam *Gonorrhœam* ipsam, allatura.

At vero *Blenius* ipse tantundem agnoscit: „si „sales acidos (inquit ille) altius, quando viru- „rulenta *Gonorrhœa* progignitur, in corpus „penetrasse, quam *Ulcera Venerea* & *Carci- „nomata* excitantur, supponamus, tum pro- „fecto intelligi potest, Morbi Gallici peri- „culum multo certius a *Gonorrhœa*, quam a „*Carcinomatibus*, procreari. Hæc itaque res extra aleam omnem dubitandi ponitur, & ad *D. Blenii* observationem accurate quadrat: Istius autem causa ex iis, quæ supra disputavimus, facillime repetitur. Sed quidem Hypothesis, quam secutus est, coëgit Hominem, ut sententiam amplecteretur sui ipsius *Experientiæ* repugnantem, quod palam efficitur, si ea

tantum, quæ clausulam jam citatam excipiunt, verba consulamus.

Sed ne in tarda hac & molesta Methodo curandi nimis diu immorari videar, jam aliam longe commodiorem proferre propero, quæ brevi tempore, fere nullo doloris Inflammationisve aut Amputationis periculo, conficit *Carcinomata*. Accedit etiam, quod hoc Remedium haud utitur adjumento alterius cujuscunque aut ad *Carcinomata* extirpanda, aut ad læsam Cutem renovandam.

Hic felix Eventus ab *Unguento* quodam producit, quod non a spe aliqua bona, aut sola opinione, sed ab ipso fructu & continua viginti annorum Experientia commendatur. Hujus Unguenti efficacia certo respondebit votis omnibus hominum, qui nunc sunt, uti & Familiarium quorundam, quibus olim fuit impertitum. Methodus, ipsius ad instar Medicamenti, brevis est & factu facillima. Hujusmodi enim *Unguentum* tantummodo est ad *Carcinomata* apponendum.

℞. *Hydrargyri* q. v.

*Terebinth. Venet.* q. s.

*M. F. Unguentum.*

Prius vero quam rationem hujus *Unguenti* & defensionem suscepero, valde erit ad propositum nostrum, quo successu in aliis nonnullis iisque gravioribus Ulceribus versatum fuit, in medium proferre. Hujus generis narratio eo nomine gratior erit, quia Ulceris genus, de quo ver-

verba sum facturus, inter Europæ gentes inauditum est.

Hæc Historia cum Germano meo, Doctore *Cockburn*, fuit communicata, quoniam autem sui ipsius iudicii, cum res mea ageretur, suspicionem habuisset, itaque de libro meo sententias alienorum primo significat, deinde ad Unguenti mei mentionem delabitur. Postquam vero candidas humanasque D. *Tho Hoy* & aliorum de meo Opere, summaque *Unguenti* mei utilitate, opiniones recensuisset, hunc in modum deinceps procedit :

„Non possum (inquit) dicere me unquam  
 „ad Carcinomata Unguentum tuum applicuissese, sed vim ejus in Ulceribus, natura haud  
 „dissimilibus, & in loco periculosiori emicantibus, expertus sum : *Æthiops* quidam meus Ulcere quodam, quod apud nos *Crab-Yanes* audit, vexabatur. Hoc genus Ulcerum in pedum plantas exoritur, atque labiis adeo duris & callosis insignitur, ut resecari non sine difficultate possit. Moris erat ea Cultello prius præcisa cum ardente ferro, aut pulveribus Causticis, quales sunt *viride Æs* & *Vitriolum Romanum*, cassis licet plerumque conatibus, amburere. Ulcus Pueri mei in ea parte plantæ excrevit, ubi cutis erat admodum callosa: cui prius resecato quum Medicinam tuam admovissem, durities paucorum dierum spatio sensim evanuit, & pes Pueri ad pristinam suam mollitiem & sanitatem est restitutus. Hujus Experimenti vis adeo est in promptu, ut explicatio omnis præcludatur.

Attamen autem hujus generis inventiones grex hominum malevolus invidia potius atque calumnia prosequitur, quam laudibus & gratiis, quæ Inventoribus multo justius debentur. Si quidem hi contra ipsius veritatis lucem euntes hunc in modum disputant. Nonne *Mercurius* (inquiunt) & *Terebinthina* ante in *Veneræ Luis* curatione, quam hic homo extitit, versabatur? minime inficior. At profecto in *Carcinomatum* curatione locum antea nullum habuerunt. Quod si (ut hanc rem conficiam) vegeto dolori certa relevatio, si medela, intra quatuor dies perfecta ei, quæ in quatuor longos menses producit, si demum *Penis* amputationi sanitas atque integritas præferatur, tum ædepol hæc nostra curandi ratio cæteras universas, quæ antehac fuerunt, merito antecellit.

Existimatio cujusque remedii ex usu ejus & utilitate proficiscitur: si igitur notum aliquod & popolare medicamen, cum aliis commixtum & bene præparatum, ad novum usum & utilitatem dirigeretur, illud æque novum judicari debet, ac si quod aliud ex plane novis & inauditis principiis de integro coagmentatum. Itaque non vereor dicere, quod vulgarium medicaminum ad novos fines & opportunitates felix accommodatio multo melius de *Re Medica* meretur, quam si ignota antehac medicamenta reperiamus, quæ omnibus popularium methodorum intentionibus inservirent. Quapropter hoc Remedium non secus novum esse & mei juris puto, quam si plantam aliquam novam & prorsus inauditam pervestigassem.

Quan-

Quando *Unguenti* hujus præstantiam olim vindicabam ab incommodis, quæ vel ex ejus simplicitate, vel ex antiqua principiorum, e quibus conflatur, cognitione oriri posse arbitrabar, nequaquam in mentem meam venit, me in Plagiatorum numerum referendum unquam fore. Verum quando ex malevola quorundam diligentia percrebuerit rumor, viresque eundo acquisiverit, hoc meum Remedium a *Fallopio* jamdudum fuisse præscriptum, quamvis modestiores quidam innuunt me illius *Unguentum* aliquantulum emendasse.

Quando, inquam, res ita se habeat, eam paulo fufius excuti & enucleari oportebit: verumtamen de eo ipso obiter mihi gratulari satis non possum, quod hoc unicum sit vitium momenti alicujus, quod toti libro nostro objectatur. At quoniam nonnulli homines haud mediocri cum solertia leviusculum hunc rumorem propagaverint, non est ut gravioribus eorum erroribus ignoscerem; sed ut hanc rem paulo acriori stylo persequamur. En verum *Unguentum* a *Cl. Fallopio* propositum.

### *Unguentum.*

℞. *Axungia porcina* ℥ij.

*Thuris,*

*Aloes ana* ʒj.

*Argenti vivi* ʒij.

*Teruntur hæc in Mortario, extincto Argento vivo, & fit Unguentum, quo inangimus.*

K 3

Quis-

Quisquamne vero hoc Medicamentum aut furripi a me, aut surreptum promoveri possit dicere? An quia utriusque *Unguentum* cum *Mercurio* præparetur? At certe Reprehensores nostri non credunt, quod *Mercurium* primus omnium, præsertim in Unguento, etiam ipse *Fallopious* præscripserit, cur non vero *Galenii*, vel Arabum saltem, potius quam *Fallopium* scrinia compilavi? Hi enim universi *Mercurium* in Unguentis positum commendarunt. Immo, *Unguentum* illud, quod ansam Salivationis primam præbuit, ab *Avicenna*, doctissimo *Fracastorio* teste, repetitum fuit.

Eadem profecto absurda, eadem malevola ratiocinatio *Hippocrati* quoque (si iisdem Viris placeret) omnem huius Medicamenti laudem est tributura: *Hippocrates* enim ipse & primævi Medici *Terebinthinam* (quæ Unguentum hoc nostrum proxima ingreditur) Ulceribus ad-moverunt.

Unde igitur huius inventionis novitas? Idem fane sonat horum argumentatio: *Fallopious* autem nulla utitur Terebinthina. Eadem equidem argumentatio contra *Rudium* sive *Ruffum*, quem *Rhasen Pereira* appellat, valebit, qui Catapotiorum usum primus detegebat: Neque enim ille (secundum nostros homines) dignus est, qui Inventor nominetur, quoniam ex Aloë, quæ antea in usu fuit, Catapotia præcipue componantur. Neque *Fallopious* Unguentum suum sibi debet vindicare, quoniam nec ille *Mercurio* utebatur primus, aut ad *Cariem* aut ad *Carcinomata*, de quibus nunc agitur, exiccanda,

da, aut ad aliud quodcunque *Veneræ Læis* Symptoma corrigendum. At vero hoc *Fallopîi Unguentum* & suas spes (uti ipse confitetur) quodammodo fefellit, & magnum ægroto, propter *Axungiam Porcinam Aloëmq̃ue*, dolorem incutit; hæ vero jacturæ a meo removentur. Adde quod *Argentum Vivum* dimidiam Unguenti mei partem (illius autem solummodo decimam) constituit, & cum optimo omnium *Digestivo* temperatur.

Ex quibus omnibus intelligimus, vires singuli Remedii longe inter se dispares atque diversas exerceri. Quinetiam Thus ab *Avicenna* plane *specificum* ad Tumorem omnem delendum putabatur. Quocirca eandem in Thure atque in Mercurio spem positam habuit *Fallopîus*. Utrumque enim Pharmacum ejusdem hominis autoritate (*Avicennæ* scilicet) nitebatur.

Atque in hoc profecto Adversarii meam consistere solertiam omnem dicunt, quod *Fallopîi* Unguento supervacaneum quodque præcederim, *Mercuriiq̃ue* justam & satis validam quantitatem cum Materia quadam, quæ Unguenti formam pariter & efficaciam promovet, commiscuerim.

Verum enim vero hæc ipsa Objectio satis mihi honoris tribuit. Egone enim addidi aliquid ad magni *Fallopîi* sagacitatem? Unguentumne ejus hanc debitam emendationem per centum & viginti annos desideravit? Liceat mihi igitur assumere, quod ego potissimum præclarum hoc Remedium, quod Adversarii etiam mei per centum & viginti annos (etsi forte per di-

midium istius spatii oblivio illud ceperit) inclaruisse agnoscunt, ad justam suam & debitam perfectionem deduxerim.

Attamen autem cum alterius Medici remedio in unico tantum Pharmaco communicare, istius quoque Pharmaci quantitatem, qua ille utebatur, quintuplo majorem adhibere, vehiculumque insuper longe commodius adjungere, Inventoris profecto magis esse, quam Emendatoris, videtur. Sed hæc res penes Lectorem sit.

Tum se, tum Facultatem suam haud mediocriter offendunt Medici, qui eam ob rationem methodum curandi aliquam vituperio prosequuntur, quod popularia tantum Pharmaca usurpet. Si enim Reprehensores isti hac sua calumnia significari vellent, suam è contrario Praxin a Methodis non vulgaribus atque inauditis Pharmacis sustineri, istud quidem præ se ferendo omnem omnium, qui per omne ævum extiterunt, *Empiricorum* arrogantiam superaverint.

Utcunque vero ridiculæ hæc animadversiones sint & prorsus dementes, calumnia nihilominus, si naturam hominum perpendamus, haud ægre hæret & propagatur. Ut tamen de iis Pharmacis (quibus aut Praxis nova, aut Materies, novitatis speciem imposuit) plane taceam, certe intelligimus, dissimiliorem iisdem coloribus, qui a diversis pictorum manibus miscentur, pulchritudinem accidere non posse, quam eventum Pharmacis, quæ a diversorum *Medicorum* mentibus temperantur. Verum



rum quoniam quicunque vehementem calumniandi facultatem exercent, iidem homines crebro grande aliquod præ se ferre & vehementer gloriari soleant, itaque mihi semper statuendum existimavi, Remedium nullum pro *Specifico* haberi oportere, nisi quod prius ab Experimentis plurimis confirmatur, quorum quoque momenta omnia diligentissime fuerunt perpensa, hoc est, nisi vel in eodem morbo, eademque morbi gravitate versatum fuit, vel, quando jam de optimis aliis quibuscunque Pharmacis spes nulla fuerit, id cum felici exitu adhibitum fuit.

Hæc profecto fuit imprimis Arti Medicæ fortuna fatalis, ut multa multi pollicerentur, quæ nunquam assequi potuerunt. Ita enim Plurimi homines *Carcinomatibus* absque ullo usu Escharoticorum, arcanis quibusdam methodis occurrere (quod nequaquam antehac factum fuit) se promiserunt. Quoniam autem D. *Blenius* hanc *Agyrtarum* consuetudinem simul & spes vanas commode depinxit, illius verbis uti liceat. „Intra octo aut novem dies (inquit ille) „detrerrima atque immanissima Carcinomata se „extincturos Agyrtarum pecus profitebitur. „Sin autem ignorantiam suam & dolos malos „experientia detectos penitus & exploratos hi „Viri videant, tum fidem ægrotis facere contendunt Medicinam suam omnia (quæ ex „Lue Venerea non oriuntur) Carcinomata „certo tollere, sed conditionem sanguinis adeo „depravatam vitiatamque esse, ut eorum ulcuscula removeri prius nequeant, quam ipsa Lues

„relevabitur. Ut tamen hujus Historiæ cum  
 „aliis, quæ nunc sunt, comparisonem omit-  
 tam, satis erit alteram attexere, quarum si utra-  
 que jungatur, omnes *Agyrtarum* mores expri-  
 mentur, hanc vero postremam a *Musitano* ac-  
 cipe. „Infirmo, (inquit ille) suadent Fluorem  
 „illum utilem esse, cum Natura per eum lo-  
 „cum virulentam materiam expurgare con-  
 „tur, neque cohiberi debere, quia corpus in-  
 „ficere potest, & pejora eveniunt mala: Hac  
 „malitiosa industria, quod illi perficere ne-  
 „queunt (stercoris & sanguinis educatione) per  
 „alios curari sub poena majoris damni infirmis  
 „prohibent.

## C A P. VI.

*De Crystallinorum Curatione.*

**N**aturam *Crystallinorum* (qui sunt species  
 Cariei illius, quam *Antonius Musa*, quam-  
 que Medici Italici *Taroli* appellant) adeo fuscæ  
 in præcedenti hujus Operis filo patefecimus,  
 ut eorum Remedia jam nullo cum negotio in-  
 dicare possimus; præsertim si Nobiscum repu-  
 temus, ea à contusione parti cuidam corporis  
 illata; quæ ingenti humorum Affluxui & Gan-  
 grænæ valde subijcitur, excitari. Qua de cau-  
 sa quicquid applicatur satis Stypticum esse de-  
 bet, ut hæc molles Vesiculas contraheret, ne-  
 que vero vehementer admodum Adstringens,  
 nisi forte, liquoribus loci contusi interim con-  
 densatis, Gangræna gravis cieatur.

At-

Atque demum, ut uno verbo rem conficiam, Adstringentia, quibus utimur, fomenta ita spirituosius pharmacis animare oportet, ut periculosus iste scopulus devitetur.

Felix eventus, quem ex continua Experientia hæc Praxis recipit, maximam fidem facit Theoriæ, quæ superius fuit constituta: ab ea enim intelleximus, *CrySTALLINOS* nullo modo a *Gonorrhœa*, sed ab ipso coitu, præcipue vero quando adsint conditiones ibi memoratæ, proficisci. E contra vero alterius cujuscunque generis remedia aut vires cassas aut cunctantes saltem & tardissimas exercet. D. *Blenii* Experientia ad hanc Doctrinam exquisitè quadrat.

„ Aquei hi Tumores (ait ille) tantam aliquando malorum cohortem secum ducunt, ut a quibusdam pro Symptomatibus Veneræ Luis, atque etiam pro Lue ipsa haberentur. Hi itaque homines in eo elaborarunt, ut a Purgativis, Sudorificis & vehementer Diureticis, a Cinnabari fumis, & Emplastris Unguentisque Mercurialibus, & ab universis demum Pharmacis, quæ ad morbum Gallicum adhibentur, *CrySTALLINOS* exiccarent; in hoc autem tota via errarunt; quoniam hæc aquea Tubercula a Peste Gallica nequaquam pendunt. Illud enim compertum habemus, Medicamina, quæ in vulgari usu sunt, rem suam haud tam brevi tempore, quam Tumores aquei postulant, efficere. Hi enim Tumores adeo importuni sunt, ut in trium aut quatuor dierum spatio, nisi a remediis Topicis statim subigantur, ad maturitatem suam adolescant.

Hæc

Hæc equidem ab optimo omnium, qui in hoc genere studii extiterunt, Tractatu confirmanda existimavi, duas potissimum ob rationes, quarum prior est, ne ego solus & singularis videar, qui hanc antehac inauditam opinionem suam amplexus. Altera vero, quoniam homines ita sæpe comparati sunt, ut magis defuncti atque peregrini Medici auctoritate, quam viva suorum voce vincerentur. Non est ut addam, quanta quoque ratione ac Experientia res tota suffulcitur. Veruntamen D. *Blenius* ex Aqua potius, quæ in CrySTALLINIS continetur, quam ex vera eorum Natura suas curandi intentiones repetens, in Errores haud leviores, quam cæteri homines, licet minus periculosos, incurrit. Aqueas enim has Vesiculas a Pharmacis, quæ in Aquam (sicut vulgo fertur) vim quandam purgativam exercent, posse discuti suspicatur: atque suo Remediorum, quæ ad *Veneræm Luem Specifica* habentur, amor tantopere indulget, ut eadem quoque cum aliis quibusdam Medicamentis, quæ ad *Veneræ Ulcera & Carcinomata* commendat, misceri jubet. Hæc autem omnia nequaquam eo animo admonet, ut Remediorum Topicorum usus tolleretur: „quorum necessitas (addit ille) ex eo maxime intelligitur, quod tantam vim habeant „in quorundam ægrorum curatione, ut Remedia interna, nisi hæc simul præsto fuerint, „incassum admoveamus.

Quod si horum Topicorum necessitas talis sit, qualem ille significavit nobis, ille vero e contra Purgantia Pharmaca ea intentione ad-  
mini-

ministrat, ut Aqua (quod fieri illa ratione prorsus nequit) discuteretur, palam efficitur D. *Blenium* mirus bene uti Experientia sua, *Crystallinosque* a Topicis tantum Remediis (nulla *Carcinomatis* aut *Gonorrhææ* aut *Veneræ Luis* ratione habita) ad medelam perducit.

*Crystallini* quidem a plurimis hominibus inter deterrima *Gonorrhææ* Symptomata plerumque numerantur, quanquam autem neque Experientia mea, nec opinio, quam de illorum curatione habeo, mihi satis unquam argumenti fuit, ut tantam eorum atrocitatem suspicarer: spero tamen, ut aliorum praxis (quæ meam potius confirmat quam diluit sententiam) hanc dissentendi libertatem sit mihi concessura. Attamen autem ne inter varias opinionum diversitates res ipsa excidat, & medelam desideret, sequentes Methodos, quæ magis in deliciis sunt, proponendas puto.

Atque equidem, si *Musitano* fides sit, *Tabaci* spiritus gravissimo huic malo duntaxat satis occurrit, qui ab eo itaque in hunc modum præparatur.

℞. *Tabaci foliorum viridium* q. v.

*Infund. vino Malvatico.*

*Tinctura utatur sine Destillatione.*

*Crystallini* hac Tinctura, a *Mercurio Præcipitato* prius castigata, sunt quinquies ad plurimum attingendi. Æquum autem erit, ut ægroto jacenti admoveatur, ne forte ob dolorum insultus & vehementem Tincturæ vim spasmis

op-

## 158 GONORRHOÆ VIRULENTÆ,

oppressus decidat. Sin autem *Crystallini* tam graves revera essent, quam hic Medicus asseverat, aut tam immane remedium postulassent, tum profecto inter pessima *Gonorrhææ* aut *Veneræ Luis* Symptomata jure optimo numerantur. Verum quidem D. *Blenius* & complures alii nihil vident, quod a *Crystallinis* tantopere metuatur: licet ille etiam majoris periculi, quam quod aut res ipsa, aut *Experientia* ejus, unquam denunciavit, terrore commoveatur. Intelligebat enim *Pharmaca* desiccantia, aut discutientia ad *Crystallinorum* medelam satis valere. Quorcirca *Spiritum vini Camphoratum*, *Pastam* quoque quandam ex *Lomento* & aqua *Tiliæ* & *Sale Armoniaco* conflata commendat, immo quoque ad *Adstringentia* devenit, qualia sunt *Albumina pulvere Sympathetico* & *Alumine* temperata.

Quandoquidem vero supra ostendimus, tepida *Medicamina* a contusione postulari, quo melius *Liquores* discuti & fluitare poterint, idcirco *Adstringentia* & *Desiccantia Pharmaca*, quibus nonnulli ad *Liquorem* absorbendum utuntur, multum plerumque detrimenti afferunt. *Gangræna* enim, quæ omnibus magnis contusionibus ab istiusmodi *Medicaminibus* tractatis accidit, exinde sequeretur.

Quapropter quicquid applicatur, dum contra contusionem potissimum dirigitur, *Stypticum* quoque aliquid & mediocriter *Adstringens* afferre debet.

R. Aq.

℞. *Aq. Calc.* ℥ij.

*Sp. vini gallici* ℥ij.

*M. & foveatur pars affecta tepide quater vel quinquies in die.*

℞. *Folior. Absynth.* M. j.

*Flor. Chamemæl.*

*Sambuci ana* M. ℞.

*Coq. in Aq. Calc.* ℔j℞. ad  $\frac{1}{3}$  consumptionem.

*Colaturæ per expressionem factæ add.*

*Spir. vini* ℥vj.

Quando autem, quod de parte contusa amplius metuatur, nihil habeamus, tum ad prædicta medicamina paulo fortiora Adstringentia addendi cumque iis *Romanum Vitriolum* aut *Aquam Ophthalmicam Sapphyrinam* commiscendi locus datur. Ita enim curatio absque ulla *Mercurii* mixtura & absque ope internæ medicinæ conficietur. Quando autem neque ipse *Tabaci Spiritus*, neque atrox cæterorum fortium Remediorum vis & vehementia, dum *Crystallinos* extirpat, *Veneream Luem* tollere jure supponatur, idcirco Experientia haud satis Argumenti adhuc nobis fecit, ut illos a *Lue* concitari judicemus; quippe quod neque ex natura *Crystallinorum*, nec Curandi ratione ullatenus efficitur, ex quibus omnibus manifesto cogitur Doctrina, quam supra proposuimus, *Crystallinos* scilicet nequaquam a Contage, sed ex certis Coitus conditionibus exoriri.

## C A P. VII.

*De Curatione Phimoseos & Periphimoseos.*

**I**n Eorum equidem sententiam ego transire non possum, qui putant naturalem illam ineptitudinem, qua Præputium ægre super Glandem retrolabitur, *Phimum* aut *Phimosin* ullo modo denotare. Siquidem Præputium protrudi atque retrahi potest, semoto omni periculo *Strangulationis*. Quodcumque autem Præputii Strangulatio dolores moveat, aut Inflammationem & humorum affluxum cogat, tum profecto *Phimoseos* & *Periphimoseos* Symptomata omne nostrum studium & diligentiam postulant. Hæc præternaturalis Præputii ineptitudo, ex qua fit, ut super Glandem retro citroque moveri absque multa molestia non possit, a *Carcinomatibus* ibidem genitis, & spissitudinem glomerantibus, proficiscitur. Supra enim exemplo significavimus, a Variolarum crustis talem fere spissitudinem & *Phimosin* posse, qualis a *Carcinomatibus* & *CrySTALLINIS* progignitur, induci. Quas ob causas haud minorem artem & Medicinam *CrySTALLINI* & *Carcinomata*, quam Præputium ipsum, desiderant. Illud sane verum est, crassitiem Præputii primo nostro studio indigere, ut, illa paulo subacta, ad ejus causam (nimirum *Carcinomata*) faciliior via inveniatur.

Deinde vero sola *Carcinomatum* & *CrySTALLI-*  
*norum*



*norum* curatio præstare potest, ne crassities futura metuat. Qua ratione *Crystallinorum Carcinomatumque* medelam assequi possumus, in duobus Capitibus proxime præcedentibus fuit significatum. *Phimosis* vero & *Periphimosis* iis tantummodo medicaminibus sese submittunt, quæ Humores discutiunt, mitigantque Inflammationem, aut a vehementibus quibusdam *Suppurativis* juvantur, quæ Humores quam ocysime foras projiciunt. Utroque enim modo Præputium ad mollitiem flexum sua munia tam certe & procliviter administrabit, ut nunquam necesse sit ad gravissimam illam Præputii dissecandi operationem confugere.

Hæ Indicationes, si Medicorum praxin consulamus, Theoriam aliquam supponunt, ad Meam vero solam vere referuntur. Illud enim pro explorato habemus, quod sicut ex Glandis & Præputii *Carcinomatibus* *Phimosis* & *Periphimosis* oriantur, ita quoque si Ulcuscula ita e medio auferantur, Præputii ineptitudo cito relevabitur. Ab his profecto rationibus *Phimosis* non tantum maturius, sed sine ulla ope Fomentorum aut Incisuræ periculo ad medelam perducitur. Hæc autem curandi Methodus Medicos adhuc clam fuit, licet in Praxin deduci facili cum negotio potuerit. Verumtamen ne in his rebus nimis diu immorari videar, ad alias quasdam Medicorum præceptiones progredior, quæ nullo consilio, nulla prorsus Theoria, aut a Natura aut a Symptomatibus *Carcinomatum* deducenda, suffulciuntur.

Nonnulli enim ventrem infimum & pubem

L

aqua

aqua frigida aspergi volunt, dum manus aqua etiam frigida madefacta Præputium interim reducere connitatur. Aliis nimirum placet, humorem a Præputio distillantem, *Spongiola* aut *Viburni medulla*, aut *Radicibus Viridis Gentianæ* inter Glandem & Præputium infundaris, absorbere. Cum autem prior Methodus erectionem duntaxat Penis compefcere, *Phimosis* vero nequaquam corrigere aut prohibere possit, tum posterior falsa Hypothesi innitatur (aqueos scilicet Humores in Præputio congestos ab applicationibus jamjam memoratis penitus desiccari posse,) itaque non mirum est, quod omnis spes in hujusmodi conatibus posita pereat prorsus & præcidatur. E regione profecto Humor, qui inter applicationem Fomentorum imbibitur, partes distendit, facitque, ut dolores & liquorum affluxus ali potius atque intendi potius, quam remitti videantur.

### *Pharmaca.*

℞. *Folior. Dulcamaræ* M. iv.

*Semin. Lini pulverati* ℥iv.

*Decoq. in vino Moschato, Cretico, vel Larido porcino ad Cataplasmatidis Consistentiam, quod applica.*

℞. *Radic. Bryoniæ albæ magnæ, bene nutritæ, & in Taleolas sectæ* ℞℞.

*Frig. in Sarragine, quousque contabescant.*

*Cola, & adde*

*Tereb. Abietis* ℞℞.

*Genæ* ℥ij.

*M. F. Ung. viscidum.*

℞. *Ra-*

℞. *Radic. Alth.*

*Lilior. albor. ana ℥iij.*

*Coq. in Aqua communi. Pistentur, & tra-*  
*jiciantur per setaceum; dein adde*

*Capitum Alliorum sub Cineribus cocto-*  
*rum ℥iij.*

*Ol. Lilior. & pinguedinis Anseris & Ana-*  
*tis ana ℥jß.*

*Farinæ Semin. Lini q. s.*

*M. F. Cataplasma.*

℞. *Mucilagin. Altheæ.*

*Fænugræci.*

*Ficum Pinguium ana ℥iij.*

*Ol. Lilior. & Chamæmel. ana ℥j.*

*Pinguedinis Anseris & Axungie porcine*  
*ana ℥ß.*

*Terebinth. venet ℥jß.*

*Ammoniæ & Galbani Aceto solutorum*  
*ana ℥j.*

*Ceræ novæ q. s.*

*M. F. Ceratum instar Diachyli magni.*

℞. *Radic. Alth.*

*Lilior. albor. ana ℥j.*

*Folior. Malv.*

*Mercurial. ana M. j.*

*Coquant. ad mollitiem; quibus contusis adde*  
*Farinæ Tritici.*

*Hordei ana ℥jß.*

*Butyri rec.*

*Pinguedin. Gallinæ ana ℥ij.*

*Ol. Chamæmel. q. s.*

*M. F. Cataplasma tepide imponendum.*

Alia quamplurima Fomentorum & Cataplasmatum specimina addi possunt. Cum autem complura ad rem præsentem accommodata in aliis hujus Tractatus locis perstrinxerim, nolo ea jam reponere, sed prudentiæ Medici relinquere.

Remedia, quæ modo proposuimus, hos Tumores aut discutient, aut frangent agentque, ut, *Meliceridis* ad instar, brevi tempore effluerent, neque gravem incisuræ operationem unquam desiderarent. Nihil profecto est quod intersit aut differat *Phimosi* Fœminarum a Virili, quando ex Venerea causa utraque oriatur. In *Phimosi* enim Marium fit, ut neque Glans detegi, nec Præputium ulla arte retrahi queat: in Muliebri vero, Vagina prorsus obseratur, nec introitus ullus conceditur. Prior a Præputii crassitudine, altera vero a Caruncularum intumescencia, gravique Sphincteris & cæterarum partium, quæ ad Vaginæ orificium sunt, Inflammationibus plane proficiscuntur. Mirabiles vero hæc strages a Carcinomatibus, quæ in Carunculis insident, sicut *Phimosi* Virorum ab iis, quæ Glandem & Præputium divexant, eduntur. Quapropter ad *Phimosin* Mulierum Fomenta emollientia applicemus, neque necesse est, ut remedia, quæ ad Carcinomatum curationem præcipue spectant, negligere debeamus. Verum hæc omnia jamjam satis enucleavimus, quando de *Phimosi* Marium ageretur.

F I N I S.

ELEN.

# E L E N C H U S

## RERUM PRAECIPUARUM,

quæ in unoquoque Capite continentur.

### C A P. I. Pag. 1.

**Q**uamobrem hic Morbus *Gonorrhæa* nuncupatur.

Descriptio ejus.

*Fluor Albus & Gonorrhæa.*

Quousque Virulenta *Gonorrhæa* iis Viris, qui de *Lue Venerea* primi scripserunt, innotuit.

Variae *Authorum* Hypotheses pro Symptomatis illius explicandis.

### C A P. II. Pag. 6.

**P**artes corporis, in quibus sedes *Gonorrhææ* vulgo constituitur.

Instrumentorum dilatantium, quæ ad Fœminas parientes adhibentur, ingens periculum & impostura.

### C A P. III. Pag. 15.

**P**rostatæ, Vesiculæque Seminales, partesve supra istas collocatæ, non sunt originalis sedes *Gonorrhææ*.

Prostatæ remotæ nimis.

Materies Contagiosa impulsum haud satis velocem habet, ut ad istas partes feratur.

Nulla Liquoris alicujus fermentatio *Gonorrhæam* potest inducere.

Experimenta, quæ hæc Argumenta propugnant.  
 Objectio contra tertium Experimentum soluta.  
 Curatio *Gonorrhææ* pervulgata cum prædicto  
 Instituto concurret.

Prostatæ & Vascula Spermatica nonnunquam a  
 vi *Gonorrhææ* perstringuntur.

Argumenta facta a Scriptoribus, qui *Gonorrhæam* in Prostatis & Vesiculis Seminalibus collocant.

---- non Valida.

#### C A P. IV. Pag. 30.

**S**edes *Gonorrhææ* in utroque Sexu: necnon  
 Materiæ natura.

Quantitatisque causa.

---- Sedes.

---- Materia non est Pus.

---- vera Materies.

Quantacunque in *Gonorrhæa* unquam cernitur  
 Materies, tanta ex Lacunis emitte potest.

Quomodo Mares sine feminis emissionem Conta-  
 gium cum Fœminis communicant.

Mirabilis, quæ in *Fluore Albo* cernitur, Mate-  
 riæ quantitas.

*Fernelius* Veterum Medicorum de origine *Gonorrhææ* doctrinam præbet.

#### C A P. V. Pag. 42.

**A**cris Materies in utroque Sexu *Gonorrhæam*  
 producit.

Acrimoniam istius Natura.

---- cum aliis acris Humoribus comparata.

Quo-

Quomodo *Gonorrhæa* generatur.

Alia pro *Gonorrhæa* progignenda *Materiae* quantitas, alia autem pro *Ulcusculo* formando.

Observatio quædam antedictam opinionem confirmans.

Secunda Observatio, supposita quacunque alia opinione, explicari non potest.

Cur *Effluxus* jugis est & albus.

Cur flavus aliquando & viridis.

Alia quædam *Corollaria* varias secundum varios *acrimoniæ* gradus *Apparentias* indicantia.

Cur *Effluxus* fiat sine voluptate, seu *Erectione*.

C A P. VI. Pag. 53.

**D**e acerbo Mingendi dolore.

Cur dolor inter Mingendum.

Qua ratione *Urinæ* ardor cum hoc dolore confundatur.

Dolores in primis atque ultimis *Urinæ* guttis breviores versantur.

Ille dolor, qui inter mingendum excitatur, per Gallicos Scriptores a *Gonorrhæa* distinguitur.

*Verducus* *Bleniusque* discutiuntur.

C A P. VII. Pag. 61.

**D**e dolore constrictionis, dum *Penis* attollitur.

---- *Inflammatio* *Glandis*.

---- *Urethræ* *Hiatus*.

---- *Fræni* *Inflammatio*.

## C A P. VIII. Pag. 65.

**D**e Carcinomatibus & Cryſtallinis.  
Carcinomatum Natura.

Qui Carcinoma facilius ſuſcipiunt.

Quomodo inter Carcinomata diſcernere, &  
quænam ad Morbum Gallicum, quænam  
vero non pertinent, judicare poſſimus.

*Blenius* Carcinomata inter ſe diſferre adverte-  
bat, rationem vero diverſitatis compertam  
non habuit.

Cryſtallinorum Natura.

## C A P. IX. Pag. 71.

**D**e Phimofi & Periphimofi.  
Quænam ſint.

Quomodo generantur.

Phimofiſis quædam ex Varioliſis proſecta.

## C O N C L U S I O. Pag. 74.

**Q**uamobrem Viri facilius quam Fœminæ  
*Gonorrhœam* contrahant.

Inter Fluorem Album & *Gonorrhœam* di-  
ſcrimen.

Prioris ratio.

Cur tanti Negotii eſt.

Mulieres *Fluore Albo*, an *Gonorrhœa* laborent,  
dijudicare quomodo debemus.

*Baglivii* Diſceptatio falſa eſt.



## P A R S S E C U N D A.

## C A P. I. Pag. 79.

**D**e *Gonorrhææ* remedio consilium generale, cum speciali directæ Methodi explicatione.

Acrimonia aut retusa aut evacuata, tollitur *Gonorrhæa*.

Ratio Acrimonix extinguendæ possibilis.

Injurix, per Injectionum usum illatæ, Curationem Injectionum ope perfici posse demonstrant.

Vis meæ Injectionis in materiam *Gonorrhææ*.

--- Tutissima est.

Directa curandi Methodus nos ad præveniendam *Gonorrhæam* viam sternit.

Tanta felicitas per Methodos pervulgatas afferri non potest.

Hujusmodi Injectio plures, quæ *Fluore Albo* laborarunt, curavit.

## C A P. II. Pag. 86.

**I**ndirecta curationis ratio per copiam *Effluxus* promovendam.

Quænam rationes Medicos primæ induxerunt, ut Purgantia, Diuretica, Adstringentia & Balsamica adhibeant.

Speciatim cur *Cassia* utantur.

Rationes, quæ ad eandem Praxin Modernos quoque impulerunt.

## .A (S E C T.) I. Pag. 93.

**Q**uomodo Cathartica *Gonorrhææ* curationem promoveant.

--- Cathartica *Gonorrhæam* non directo modo efficiunt.

Vis eorum generalis.

Cur quædam Purgantia intus accepta Hæmorrhagiam excitant, exterius autem admota inhibent.

Omnia in hoc Morbo promiscue adhiberi non debent.

Mala ex Cathartorum usu profecta.

--- Eorum Formulæ nonnullæ.

## .A (S E C T.) II. Pag. 100.

**S**alus atque injuria, quæ a Medicamentis Adstringentibus *Gonorrhææ* infertur.

Adstringentia in omnibus gravibus evacuationibus adhibita.

---- licet aliquando evacuationes promoveant.

Quomodo *Gonorrhæam* tollunt.

---- Nullos Liquores in receptaculis repositos efficiunt.

Eorum usus in *Gonorrhæa*.

Evacuatio ab Adstringentibus protrahi potest.

--- Necnon dolor inter Mingendum.

Adstringentia quædam a *Bernardino Tomitano* commendata.

Phars alia Formulæ.

S E C T. III. Pag. 109.

**M**edicamenta Balsamica seu Lenitiva.  
 Ulcere in Parastatis alibive insidente ad  
 Balsamica admovenda & Veteres & Recen-  
 tiores Medicos impulerunt.

---- diversam ab Adstringentibus Efficaciam  
 nullam habent.

Nonnullæ eorum Formulæ.

*Walli* Electuarium.

S E C T. IV. Pag. 114.

**D**e Remediis Diureticis, quæ circa *Gonorr-  
 rhœam* versantur.

Uberior Urinæ reddendæ copia.

Effluxus acrimoniam non mutat.

Aquæ Injectio eandem plane, ac Diuretica,  
 vim habet.

Diureticorum vires hypothesi eorum, a qui-  
 bus præscribuntur, valde adversantur.

Cur Mulieribus nihil proficiat in earum *Gonorr-  
 rhœa*.

Gravia pericula diuturnum Diureticorum usum  
 consequuntur.

---- uti Vesicæ *Pfora*, quæ ab *Hippocrate*  
 memoratur.

---- Dolor inter mingendum.

---- Urinæ Suppressio.

---- ita vehemens aliquando, ut Balneis & sæpe  
*Perinæi punctura* opus sit.

*Ronjat* Diureticorum usum singulari arte di-  
 rigit.

Diu-

Diureticorum quædam Formulæ.

Fortiora nonnunquam Diuretica adhibentur, ut vires vehementiores exerçant.

---- Horum successus non diureticæ, sed virtuti stimulatrici debetur.

---- raro in usu venerunt propter dolores illos.

---- correcto stimulo, inutilia.

Tincturæ, quæ ex Cantharidibus conficitur, Formula.

---- *Thomæ Bartholino* pro amovenda Lithiasi impertita fuit.

Modernæ quædam Cantharidum castigationes.

---- absque Consilio, atque ideo absque Utilitate.

Veteres Medici prius Diuretica præscripserunt.

Cum Specificis miscuerunt, ut nimius Seminis Effluxus inhibeatur.

Diureticæ Recentium Ptisanæ cum dictis specificis commistæ originem suam indicant.

*Agni Casti* Syrupus, ex istis tantum specificis conflatur, & a *Trajano* inventa fuit.

Defensio mea in eo, quod Remedium, quæ vulgari in usu jam sunt, magnam incertitudinem significavi.

### C A P. III. Pag. 129.

**Q**uomodo dolorem Urinæ leniamus.  
Aut Salem ex Urina educendo, aut Urethram contra Lotii falsuginem armando.

Dolorem tantummodo lenire possumus.

Hinc

Hinc est, quod duobus vel tribus post diebus, quam *Gonorrhœa* nascitur, nullus omnino dolor percipitur.

Cur Scriptorum circa æstum Urinæ mitigandum Methodus, licet Hypothesis, cui incumbit, sit infirma, faustum sæpe eventum habuit.

Mala, quæ Phlebotomiam consequuntur, ab eodem errore profecta.

Remediorum formulæ, quæ æstum Urinæ demulcent.

Balnea ad hunc finem plurimum conferunt.

Quos gradus caloris hujusmodi Balnea assequi debent.

C A P. IV. Pag. 136.

Quomodo constrictionis dolorem mitigemus.

---- id, si Urethræ corrosionem, seu Penis Erectionem præripiamus, perficitur.

---- Formulæ Pharmacorum.

C A P. IV. Pag. 138.

Carcinomatum Remedia.

----- omnia Carcinomata primo admotione quadam sanantur.

Escharotica Ulcusculis vulgariter adhibentur.

Medela, per Escharoticorum rationem, dolorem multum & moram affert.

Escharoticorum & asperorum Medicaminum formulæ.

Carcinomata, antequam vitiant sanguinem, in eo diu versantur.

Mc-

Medela Carcinomatum per dissolutionem facta.

Hujusmodi Unguentum Ulcus, quod Anglice *Crab-Yanes* vocatur, discutit.

Doctoris *Cockburni* Confanguinei mei Epistola cum Historia.

Objectiones, ex eo quod Unguentum istud nihil novi afferat, solvuntur.

Quod illud *Fallopio* ne minime acceptum referam, sed de proprio produxerim, confirmatur.

Qui pervulgatis (quantum fieri potest) Medicamentis utuntur, iis obloqui & obstreperare, miseri Agyrtæ est.

Agyrtarum Descriptio.

## C A P. VI. Pag. 154.

**C**rySTALLINORUM Curatio.

CrySTALLINA sunt de specie *Carierum*, quæ ab Italis Medicis, in Morbi Gallici peritæ facile Principibus, *Taroli* nominantur.

Curationis Methodus.

Excellentia hujus Methodi ab Experientia confirmatur.

CrySTALLINA haud tantum periculi, quantum vulgo prædicatur, ferunt.

*Musitanus* Nicotianæ spiritum approbat.

Ad CrySTALLINA curanda Pharmacorum formulæ.

C A P. VII. Pag. 160.

**P**himoseos & Periphimoseos curatio.  
Medicamina Empirica.

Medicaminum formulæ, quæ suppurationem  
& dissolutionem afferunt.

Phimosis in Fœminis.

F I N I S.



THE UNIVERSITY OF CHICAGO

1. The first part of the paper is devoted to the study of the asymptotic behavior of the solutions of the system (1) as  $t \rightarrow \infty$ . It is shown that the solutions of the system (1) are bounded and tend to zero as  $t \rightarrow \infty$  if the matrix  $A$  is stable. The second part of the paper is devoted to the study of the asymptotic behavior of the solutions of the system (1) as  $t \rightarrow \infty$  if the matrix  $A$  is not stable. It is shown that the solutions of the system (1) are unbounded and tend to infinity as  $t \rightarrow \infty$  if the matrix  $A$  is not stable.

# INDEX





241

144

COUNTWAY LIBRARY OF MEDICINE

RC

202

C64 L3

RARE BOOKS DEPARTMENT

